

Ilanngussaq B



Aningaasaqarnermut Akileraartarnermullu Ataatsimiititaliaq

Brevdato: 12-10-2023
Sagsnr. 2023-22749
Akt id. 23504883
P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersutsut.gl

Naalakkersuisut 2024-mut aningaasanut inatsisissatut siunnersuutaat

Aningaasaqarnermut Akileraartarnermullu Ataatsimiititaliap 2024-mut Aningaasanut inatsisissatut Siunnersuummut aallarniutitut apeqqutaasa oqaaseqaataasalu Naalakkersunit akineqarnerat matumuuna nassiunneqarput.

Inussiarnersumik inuulluaqqusillunga

Erik Jensen

Aningaasaqarnermut Akileraartarnermullu Naalakkersuisoq

1. Aallarniut

Allamik allassimasoqartinnagu quppernertut innersuussutit aningaasanut inatsisissatut siunnersuutip kalaallisuaanut innersuussutaapput.

2. Nassuiaatit nalinginnaasut

2.1 Aningaasaqarnikkut ingerlatsinissamut Naalakkersuisut anguniagaat tunngavissaallu. Qupperneq 139

1. Atugarissaarnermut suliassa qarfirmi patajaannerusoqarnissaa siunertaralugu AIS2023-mi aqqissuusseqqittoqarnissaa Naalakkersuisut pingaartitaraat. Tassunga atatillugu utoqqaat, meeqqat ulorianartorsiortut, inuusuttut napparsimasullu Naalakkersuisunit salliutinneqartut ataatsimiititaliamit maluginiarneqarpoq. Patajaassutsip kissaatigineqartup anguneqarnissaanut suliassa qarfiit taakku akornanni aningaasat Naalakkersuisunit qanoq pingaarnersiorneqalersaarnersut paasissutissiissutigineqassasoq ataatsimiititaliamit kissaatigineqarpoq. ANN

Akissut:

Naalakkersuisut nassuerutigissavaat unammilligassat tamarmik ataatsikkut naammassiniarneqarsinnaanngimmata. Taamaammatt aningaasanut inatsisissatut siunnersuummi atugarissaarnermut suliassa qarfiit qitiulluinnartut pingasut ukkatariniarlugit Naalakkersuisut toqqarsimavaat. Suliassa qarfiit taakkua akornanni pingaarnersiuinissami pingaaruteqarpoq suliniutissat aqqissuusseqqinnerillu qassit ataasiakkaarlugit piviusunngortinneqarsinnaanersut isiginiassallugit. Tamatuma saniatigut pisariaqartitsinerit pingaarnarpaat sumiinersut maluginiartariaqarput. Assersuutigalugu peqqinnissa qarfirmi suliassa qarfirmut aningaasarpassuarnik immikkut illikartitsisoqarsimavoq, peqqinnissa qarfirmilu napparsimasunut allattuisarfirmik nutaamik pissarsiniarnissaq ilaatigut anguniarneqarpoq, taannalu siunissami napparsimasunik suliarinnittarnissami qitiulluinnarpoq. Utoqqarnut suliassa qarfirmi aamma siusinaartumik soraarnerussutisialinnut suliassa qarfirmi ilaatigut aappariit imminnut pilersorsinnaatitaanerisa atorunnaarsinnissaanut aningaasanik illikartitsisoqarsimavoq. Meeqqanut inuusuttunullu tunngatillugu ilaatigut meeqqanut tapiissuteqartarnermut nutaamut aningaasanik illikartitsisoqarsimavoq.

2. Aningaasaqarnermut, Naligiissitaanermut, Aatsitassanut Inatsisillu Atuutsinneqarnerannut Naalakkersuisoq kommunit taarsigassarsiaasa akuerisarnissaannut nakkutigisarnissaannullu akisussaasuusoq Naalakkersuisunit paasissutissiissutigineqarpoq. 3.4-p ataani kommunit aningaasaqarnerat pillugu qupperneq 161-imi paasissutissiissutigineqarpoq Tunngaviusumik Isumaqaatigiissuttip aamma Allaffissornermut Isumaqaatigiissuttip saniatigut Kalaallit Nunaanni kommunini immikkoortortat taarsigassarsinissamut qanoq ilillutik qinnuteqarsinnaanerannut ilitsersuummik Naalakkersuisut suliaqartut. Kommunit taarsigassarsinissaannut piumasaaqaatit taakku malinneqarnissaat Naalakkersuisunit qanoq qulakkiilersarneqarnerasoq erseqqissarneqassasoq ataatsimiititaliamit kissaatigineqarpoq. ANN

Akissut:

Namminersorlutik Oqartussat, Naalagaaffiup aamma KommuneKredit-ip akornanni isumaqaatigiissutinngortussa naapertorlugu qinnuteqartoq kinaagaluartoq KommuneKredit-imut taarsigassarsiniarluni qinnuteqartoq Aningaasaqarnermut

Akilerartarnermullu Naalackersuisoqarfik aqputigalugu Naalackersuisunit akuerineqartartussaavoq, tassalu qinnuteqaat KommuneKredit-imit nassiutsinnagu.

Naalackersuisunit akuersissuteqarnermi kommunip qinnuteqaasiortup kingullermik piffissamut naatsorsuorsiorfiusumut naammassisamut ukiumoortumik naatsorsuutunik akuerineqartunik kukkunerisuisumit uppernarsarneqartumik ilanngussisarnissaa ilaatigut piumasarineqarumaartoq ilimagineqarpoq. Piumasaqaatit inaarutaasut suli aalajangiiffigineqanngillat.

Qinnuteqaat akuersissuteqartarnermut piumasarineqartunik Naalackersuisunit aalajangersarneqartunik naammassinnissimanngippat qinnuteqaammik Aningaasaqarnermut Akilerartarnermullu Naalackersuisoqarfik akuersisinnaanngilaq, taamaasilluni qinnuteqaat pineqartoq qinnuteqaasiornermut KommuneKredit-imit piumasarineqartunik naammassinnissimassanngilaq. Taamatut pisoqarsimassappat qinnuteqaat ingerlaannartumik KommuneKredit-imit itigartinneqassaaq.

2.2. Nuna tamakkerlugu aningaasarsiornikkut naatsorsuutigisassat pisortallu aningaasaqarnerat, qupperneq 142

1. Atuisunut akigitat nuna tamakkerlugu minnerunngitsumillu sinerissami annertuumik qaffariarsimasut ataatsimiititaliaq isumaqarpoq. . Kalaallit Nunaanni atuisunut akigitat, 2023-mi januarimi naatsorsorneqartut, EU-p sinnerani 8,5% qaffariaammut sanilliullugu taamaallaat 2,75 %-imik qaffariarsimanerannik Naalackersuisut paasissutissiinerannut tamanna qanoq naapertuuppa?

Akissut: EU-mi Danmarkimilu akit ilarpassuisa qaffassimanerat nukissiornermut akit qaffassimanerannik pissuteqarput. Nukissiornermut akit Danmarkimisuulli Kalaallit Nunaanni qaffariarsimanngillat, tassami Kalaallit Nunaanni innaallagissamik pilersuineq annerusumik erngup nukinganik tunngaveqarpoq, uuliamullu akit qularnaarnissaannut isumaqatigiissutit pitsaasunik isumaqatigiissusiortoqarsimammat.

2. Siuliani allasimasunut atatillugu innuttaasut aningaasat atorsinnaasaasa ineriartornerat misissueqqissaarnermi ilanngunneqassanersoq paasissutissiissutigineqassasoq ataatsimiititaliamit kissaatigineqarpoq.

Akissut: Naamik, naatsorsuineq atuisunut akit ineriartorfiunerannik tunngaveqarpoq, taannalu Naatsorsueqqissaartarfiup ingerlaavartumik naatsorsuiffigisarpaa.

Nassuiaatigineqartoq uani takuneqarsinnaavoq:

<https://stat.gl/dialog/main.asp?lang=da&version=202301&sc=PR&colcode=m>

3. Akit qaffakkiartornerannut tunngatillugu atuisut sunnguamilluunniit illersorneqarsorinannigisut ataatsimiititaliamit maluginiarneqarpoq. Tassunga atatillugu Naalackersuisut qanoq isumaliuteqarpat?

Akissut: Atuisunik illersuisarneq nassaassaammat Naalackersuisut paasissutissiissutigisinnaavaat. Atuisut pisinnaatitaaffii ilaatigut pisisarnermut inatsimmi, niuernermik aqutsinermut inatsimmi aamma atuisut isumaqatigiissutaat arlallit pillugit inatsimmi qulakkiigaapput.

Pisinnaatitaaffinnut assersuutitut ilaatigut makku taaneqarsinnaapput:

- Pisiap ajoqutillip pisiarineraniit ukiut marluk iluanni

naammagittaalliuuteqarsinnaatitaaneq

- Pisinermit ukiut marluk qaangiutinnginneranni – pisiap ajoquteqarnerata amigaateqarnerataluunniit paasineraniit qaammatit marluk iluanni – naammagittaalliuuteqarneq tamatigut piffissaliussamik eqquinerussaag
- Qarasaasiakkut niuernermi pisianik ullunik 14-inik piffissaqarluni utertitsisinnaaneq
- Akikillisanik neqeroorutinillu pisinermi naammagittaalliuuteqarsinnaatitaaneq
Pisinnaatitaaffiit qulaani taaneqartut avaqgunneqarsinnaanngillat.
Atuisut akeqanngitsumik Sullissivik.gl aqqutigalugu Atuisartut Pisisartullu Maalaarutaannik Aalajangiisartunut naammagittaalliorsinnaapput. Atuisartut Pisisartullu Maalaarutaannik Aalajangiisartut pingasunik ilaasortaqaqput, taakkualu atuisartut suliffeqarfiiit ataatsimoortumik inassutigineqarput, ataaseq inuussutissarsiutinut kattuffiit ataatsimoorullugu aamma Atuisartoqarnermut Unammilleqatigiinnermullu Aqutsisoqarfimmi aqutsisoqarfimmi pisortaq peqataatillugu. Ilaasortat ukiuni sisamani atuuttussanngorlugit qinerneqartarput. Atuisoq Kalaallit Nunaanni atuisartut siunnersortigivaat, taassumalu inuussutissarsiortut inatsimmi tunngavigineqartut iluanni malinnittarnissaat nakkutigisarivai.

Atuisoq Atuisartoqarnermut Unammilleqatigiinnermullu Aqutsisoqarfimmut ilaavoq, taannalu Namminersorlutik Oqartussanut pituttorsimannilaq. Atuisartoqarnermut suliaasaqarfik Atuisartoqarnermut Unammilleqatigiinnermullu Ataatsimiititaliap niuernermut inatsisip eqqortittarnissaanik isumaginnippoq. Aqutsisoqarfik Atuisumut akisussaavoq, taannalu pisortat atuisunut paasissutissiisarnerannut isaaviuvoq. Atuisartut Atuisumit siunnersorneqarlutillu ilitersorneqarsinnaapput. Atuisoq ilaatigut Facebook-imi nassaassaavoq, ulluinnarnilu saaffiginnittoqartarpoq, taakkulu akineqartarput.

Atuisoq ukiumut ataasiarluni qaammarsaanernut peqataasarpog, kingullermillu piffissami 2.-13. september 2023-mi Kujataani sumiiffini 15-imiissimavoq, tassani innuttaasut Atuisumik naapitsisinnaasimapput atuisunullu tunngatillugu apeqqutigineqartunut akissuteqarsinnaasimallutik.

Firmatjek-imi suliffeqarfiit Atuisartut Pisisartullu Maalaarutaannik Aalajangiisartut aalajangiinerannik malinnissimannigitsut tamanut saqqummiunneqartarput, tassanilu atuisoq naammagittaalliornerminut isumaqatigineqarsimassaaq.

Piffissami 1987-2015-imut atuisartunut siunnersuisoqatigiit pillugit inatsiseqartitsisoqarsimannilaq. Atuisartunut Siunnersuisoqatigiit Inatsisartut massakkut niuernermut inatsisip 2015-imeersup akuersissuteqarnerannut atatillugu atorunnaarsinneqarput. Inatsimmik allanngortitsinerup kingunerisimavaa Atuisartunut Siunnersuisoqatigiit suliaasai maanna suliarisalermagit.

Atuisartoqarnermut Unammilleqatigiinnermullu Aqutsisoqarfik inatsimmi aalajangersarneqartut eqqortittarnissaannik nakkutiginnittuvoq, siunnersuinernillu atuisartunullu paasissutissiisarnernik nalinginnaasumik suliaqartarluni.

4. Uuliap akia pillugu KNI-p isumaqatigiissuteqarnissaata aggersup inernerisassaa Naalackersuisunit siulittuutigineqarsinnaanngimmat ataatsimiititaliami paasineqarsinnaavoq. Isumaqatigiissutissalli AIS2024-mut kinguneqarsinnaanera ataatsimiititaliamit isumakuluutigineqarpoq, naatsorsuutigineqarsinnaammami nunani tamalaani akit ilutigalugit akit qaffassasut. Pissutsit taakku Naalackersuisunit qanoq isumaqarfigineqarpat?

Akissut: Uuliap akia Nukissiorfiit innaallagissiorfinnut kiassaateqarfinnullu nunatsinniittunut ikummatissanik pisiortorsimatillugit pisortat nukissiuutinik pilersuinerannut aamma innuttaasunut tamanut aningaasartuutinut

sunniuteqartarpoq. Uuliamut akit qaffasinnerusut pisortat pilersuineranni aningaasartuutit qaffannerannik kinguneqartussaapput, tamannalu Nukissiorfiit aningaasaqarneranut, taamaasillunilu Nunatta Karsiata aningaasaqarneranut tatisimannilertussaavoq. Akit piffissami tassani appariassanersut imaluunniit akimut qularnaakkamut tunngatillugu qaffasanersut siulittuutigissallugu ajornarpoq. Uuttuuterpassuit akit pilersinnissaanni akerliusumik sunniuteqarlutik ilaasussaapput, siumullu oqaatigiuminaappoq uuttuutissat sorliit akinik aalajangiinerniarnermi pingaartinneqarnerpaajussanersut.

Niuerfinni atuisut pissusilersornerisa KNI-llu iliuuseqarnissamut periarfissaasa kingunerivaat uuliamik qularnaarinninnissaq pillugu sulineq massakkorpiaq isertuuttariaqarmat. Taaneqarsinnaavorli suliffeqarfissuup ukiuni naatsorsuusiorfiusuni kingullerni sinneqartoorutai akit aalajaannerulernissaannut ilumut atorneqarsinnaassanersut KNI-p misissussagaa Naalakkersuisut piginnittut innersuussutigisimagaat.

Uuliamut qularnaarinninnissamut isumaqatigiissutip nutaap kingunereriaannaavaa piffissap ingerlanerani aningaasat naleerukkiartornerat nutaaq takkukkumaartoq. Taamaattoqassappallu tamanna figussaasumik isummorsorfigisariaqarpoq, tassalu akinut isumaqatigiissut nutaaq piumasarineqartut ilisimaneqartut atorlugit isumaqatigiissutaasimappat, taannalu aningaasat naatsorsuutigisatut naleerukkiartornerat allanngortoq eqqarsaatigalugu sukumiinerusumik misissoqqissaarneqarsimappat. Nunatsinnili uuliamut akit qaffakkiartortut nalilersuiffiginerisa pingaaruteqassusaat aammalu suliniutissanik aallartitsisoqassanersoq massakkut ilanngutissallugit siusippallaarpoq. Kalaallit Nunaat nammineerluni aningaasap nalinganik tunngaveqanngilaq, taamaammallu aningaasat tungaasigut nammineerluni suliniutissanik atuisinnaanani. Kisianni aningaasarsiornikkut alloriarfissaqarpoq, tamakkulu aningaasat naleerukkiartornissaannut kissaatigineqartumut ikiuussinnaapput. Assersuuteqassagaanni pisortat ingerlatsinermut aningaasartuutaanni killilimmik ineriartortoqarnissaa ilaavoq, tunngaviatigulli akileraartarnermut akitsuusiisarnermullu oqilisaanissat ilaasussaapput.

Kalaallit Nunaat danskit koruuniannik atuisuivoq, taamaasillunilu nunarsuup sinneranut Danmarkimullu qanimut atasaalluni. Kalaallit Nunaanni aningaasat naleerukkiartornerannut Naalakkersuisut iliuuseqarsinnaanerat killeqarpoq. Tamanna pingaartumik siunissamut tunngavoq, tassani akit qaffasissusaat Danmarkimi atugaasunut qanillissasoq ilimagineqarsinnaalluni, tassami aningaasaq atortagarput ataasiuvoq. Taamaakkaluartoq uuliamut akit tunngavimmikkut kisermaassilluni suliffiuteqarnikkut allarujuussuarmik iluarsiiqqineqartarput, taamaasillutillu allanngornissanut piareeqqanerullutik, soorlu tamanna qularnaarinninnissamut isumaqatigiissutini periarfissiineq pissutaalluni Danmarkimi takuneqarsinnaasoq.¹

5. Kalaallit Nunaanni suliffissaaleqineq appasittoq, tamatumalu peqatigisaanik sulissussanik annertuumik amigaateqartoqartoq, ataatsimiititaliamit maluginiarneqarpoq. Inuusuttut 2-3.000-it missaaniittut suliffeqarnerup avataaniittut isumalluutissatut taaneqannginnerat ataatsimiititaliamit tupigusuutigineqarpoq. Inuusuttut taakku suliffeqanngitsut pillugu kisitsisitigut paasissutissanut

¹ Tamatuma saniatigut oliap akimi ineriartornera uani nassaarineqarsinnaavoq: <https://borsen.dk/investor/indeks/C6>

ilaatinneqannginnersut paasissutissiissutigineqassasoq ataatsimiititaliamit kissaatigineqarpoq.

Akissut: Innuttaasut suliffissarsiortutut nalunaartittut suliffissaqanngitsutut kisitsisini ilaatinneqarput. Tamatumalu kingunerivaa imaasinnaassasoq inuusuttoqartoq suliffissarsiortutut nalunaarsorneqarnertik pissutigalugu kisitsisinut ilaangitsunik.

6. Nioqqutissanik eqquusuinermit akitsuutit, qupperneq 151, ataanni Naalakkersuisut paasissutissiissutigaaat 2022-mi naatsorsuutini kisitsisinut sanilliullugu AIS2024-mi ataatsimut isigalugu 2 %-imik qaffariaateqarnissaq missingersuutigineqartoq.

Tamatuma itisilerneqarnissaa ataatsimiititaliamit kissaatigineqarpoq.

Akissut: Qupperneq 151-imi immikkoortumi takuneqarsinnaavoq 2024-mut Aningaasanut Inatsisissatut Siunnersuummut ukiumut 2022-mut naatsorsuusiortuusumit eqquusuinermit akitsuutit 2%-imik qaffariarnissaat ataatsimut ilimagineqarmat. 2%-it taakkua ineriartortoqarnissaanut takussutissanut assigiinngitsunut tunngapput, soorlu tamanna takussutissiami takuneqarsinnaasoq. Missingersuusiortuermi nioqqutissat ataasiakkaat ataasiakkaarlugit tamatigut nalilersorneqartarput.

Naatsorsuutigisatut missingersuutit taamaasillutik suliassaqaarfiup aalajangersimasup nalilersuiffiginissaani eqqoriaanerupput, tamakkulu missingersuusiortuiffigissallugit ajornakusoortarpoq, tamannalumi nioqqutissani akitsuusiiffigineqartuni assigiinngitsuni procentinngorlugi allanngornerujussuarni takuneqarsinnaavoq. Tunngaviatigut nioqqutissani assigiinngitsorpassuarni 2024-mi innuttaasut naatsorsuutigalugu atuisarnissaat missingersuusiortuiffigissallugu ajornarpoq.

2.3 Ingerlatseqatigiiffinni Namminersorlutik Oqartussanit pigineqartuni annerpaani ineriartorneq, qupperneq 185

Ingerlatseqatigiiffiit suliassanik qitiulluinnartunik suliqaartarnerat pillugu Naalakkersuisut ataatsimiititaliamit isumaqatigineqaannarsinnaapput.

1. Akit inissisimaffiisa ineriartornerat ingerlatseqatigiiffiillu ingerlatsinermi angusaasa inneriartornerat imminnut ataqatigiilluartut Naalakkersuisunit nalilerneqarpat?

Akissut: Aningaasanut Inatsisissatut Siunnersuummi qupperneq 155-mi tuniniaanermut akit pillugit pissutsit Royal Greenland pillugu immikkoortumit pisuupput, taamaasillunilu akissut ingerlatseqatigiiffimmi tassani aallaaveqarluni:

Royal Greenlandip angusai tuniniaanermut aningaasartuuteqarnermullu akit ineriartorfiunerannik sunnerneqartarput. Ruslandip Ukrainemik tiguaanerata nukissiornermut akit qaffannerannik kinguneqartup sunniutai, nukissiornermut aningaasartuutit qaffakkiartortut, aningaasat naleerukkiartuinnartut, taamaasillunilu aningaasartuutit qaffakkiartortut kiisalu Europami aningaasarsiornikkut ajornartoorneq/ajornartorsiulerneq Royal Greenlandip ingerlatsinermut angusaanut malunnartumik sunniuteqarput.

Royal Greenlandip ukiumoortumik nalunaarusiaa naapertorlugi ingerlatseqatigiiffiup toqqaannartumik aningaasartuutai 2021-mut sanilliullugu 2022-mi 700 mio. kr.-nit qaangerlugit amerleriarsimapput, tuniniaanermullu akit "taamaallaat" 500 mio. kr.-nit missarpiaannik qaffariarsimallutik. (saattuat ilanngunnagit). Tuniniaanermi akini aningaasartuutinut qaffariarnerit tamarmiusut allanngortissallugit periarfissaqaarsimannilaq. Tamatumunnga najukkani niuernikkut atugassarititat, atuisut pissusilersornerat unammileqatigiinnermilu atugassarititat pissutaapput. Taamaasillunilu tuniniaanermi akini qaffaanerit raajanut qalerualinnut, raajanut uutitikkanut qalipaajakkanullu, qalerualinnut saarullinnullu tunngapput. Taamaattorli saattussanut akit Amerikap avannaani niuerfiit ajalusoortuusimanerat pissutaalluni 50

% sinnerlugu appariarsimapput. Taamaakkaluartooq Royal Greenland 2023-ip ukiuata affaani kingullermi pitsaasumik naatsorsuutigisaqarpoq, tassani ingerlatseqatigiiffik sinneqartooruteqarnissamik naatsorsuutigisaqarmat.

2. Ingerlatseqatigiiffiit Namminersorlutik Oqartussanit pigineqartut tunisinerminni akigititaat qaffakkiartuinnartussatut Naalakkersuisunit nalilernerqarpap?
*Akissut: Siulianiittumi akissutigineqartooq naapertorlugu Royal Greenland aallaavigeqqinneqarpoq:
Siunissamat tunngatillugu 2023-mi raajanut qalerualinnut, raajanut uutitikkanut qalipaajakkumullu tuniniaanermi akit aalajangiusimaneqarput, saarullinnullu akit 2022-mut sanilliullugu appariarsimallutik. Saattussat ukiup affaani siullermi ikileriarimmapput, 2023-milu aalisarnermi (maajimi siumullu) amerleriaqqissimallutik.
Apeqqut 1-imut tunngatillugu aningaasartuutit ajoraluartumik qaffakkiartuinnarput, tamannalu Royal Greenlandip ukiup affaanut nalunaarusiaa tamanut saqqummiuteqqammersoq naapertorlugu RG-ip isertitassanut unammillernarpoq.*
3. Sinneqartooruteqarnissamik anguniagaqarnertik Naalakkersuisut, Namminersorlutik Oqartussat piginnittutut soqutigisaannik isumaginnittutut, ingerlatseqatigiiffinnut Namminersorlutik Oqartussanit pigineqartunut nalunaarutigisimavaat?
Akissut: Aktiaateqarluni ingerlatseqatigiiffiit Namminersorlutik Oqartussanit pigineqartut tamarmik "Aktiaateqarluni ingerlatseqatigiiffinnut Namminersorlutik Oqartussanit pigineqartunut piginnittuunermut politiki pillugu Isumaqatigiissut"-mik tunineqarsimapput, taannalu pissarsianut politiki pillugu immikkoortumik imaqarpoq. Immikkoortoq pingaarnertigut ingerlatseqatigiiffinnut tamanut atuuppoq, ingerlatseqatigiiffiilli ataasiakkaat massakkut aningaasaqarnikkut atugaat pillugit ingerlaavartumik suliaqartoqarpoq. 2023-p ukiaani piginnittuuneq pillugu ingerlatseqatigiiffinnik ataasiakkaanik ataatsimeeqateqarnerit ingerlanneqassapput, tassanilu piginnittuunermut politikereqartooq ingerlatseqatigiiffiit aqutsisuiunut aamma oqqersuutigineqassaaq. Politikikkut isumaqatigiissutaasoq naapertorlugu piginnittuunermut politiki 2024-p ingerlanerani tamakkiisumik piviusunngortinneqarsimassasoq ilimagineqarpoq. Isumaqatigiissut naapertorlugu aqutsinermut atortut tigussaasut nutarteriffigineqassapput, soorlu ingerlatseqatigiiffinnut pitsaasumik aqutsinissamat najoqqutassat, taakkunani ilaatigut pissarsianut politiki ingerlatseqatigiiffinnut ataasiakkaanut ersarinnerulissalluni.
4. Royal Arctic Linep angusai kingulliit 100 mio. kr.-erluinnangajannik amigartoorfiutit ataatsimiititaliamit maluginiarneqarpoq taamaalillutillu angusat naatsorsuutigisanit 30-40 mio. kr.-inik ajornerupput. Tamanna atuisunut qanoq kinguneqartussatut Naalakkersuisunit naatsorsuutigineqarpa?
*Akissut: Royal Arctic Linep assartuisarnernut akigititai Naalakkersuisunit akuerineqartarput. Taamaasilluni ukioq kingulleq ajortumik angusarineqartut toqqaannartumik sunniuteqarsimapput, takuuk kujammut assartukkani assartukkanut akigititani qaffaaneq kingulleq 2023-p aallartinneraneersoq. Royal Arctic Line nalunaarsimavoq qaffaaneq akuerineqartooq ingerlatseqatigiiffiup 2023-mut angusasaanut pitsaaneruseqarpoq qularnaariumaartoq.
Siunissaq eqqarsaatigalugu niuernermit qaffassaaniarluni Royal Arctic Line ingerlaavartumik sulissuteqarpoq, tamannalu aqqutigalugu pisisartunut sunniutaasinnaasussat sapinngisamik pinngitsortinniarsaralugit.
Ingerlatseqatigiiffiilli qaffaanissamik pisariaqartitsissalluni ilimasaarereerpoq, taakkulu siunissami akit qaffakkiartornissaannut malinnaassapput, akerlianik ukiuni*

kingullerni 8-ni akit allannortinnagit ingerlatseqatigiiffiup tassaniitinnarsimammagit.

5. Angusani takuneqarsinnaasutut ukioq 2022 nammineerluni Aalborg havnimi umiarsualivimmiit ingerlatsinermit Aarhus havnimi umiarsualimmi kiffartuussinernik pisisarnermut ikaarsaariarfiunera Royal Arctic Linep pitsaannigsumik angusaqarnerata kingunerigaa Naalackersuisut nassuiaatigaat. Nammineerluni ingerlatsinermit kiffartuussinernik pisisarnermut ikaarsaariarnerup ingerlatsinermut aningaasaqarnermullu toqqaannartumik kinguneri qaangiuttut Naalackersuisunit nalilerneqarpat?

Akissut: Akissutigineqartut ingerlatseqatigiiffimmiit tiguneqartut tunngavigissagaanni kapitalitut tamanna qaangiutereersoq Naalackersuisut naliliipput. Maanna allannortiterineq aallartereersimammagit ingerlatseqatigiiffiup siunissamut aningaasaqarnermik qaffaaniarluni sulissuteqalissasoq Naalackersuisut naatsorsuutigaat, tamannalumi ingerlatseqatigiiffimmut maajip qaammataani ileqquusumik ataatsimeersuarnerani aqutsisunut pisortatigoortumik erseqqissarneqarsimavoq.

6. Royal Arctic Linep usit pillugit Eimskipimik suleqateqarneranut tunngatillugu Naalackersuisut allanik oqaaseqaatissaqarpat?

Akissut: Naalackersuisut akuersissut naapertorlugu angallasseriaaseq pillugu Royal Arctic Line-mik oqaloqateqarnermik ingerlatsiuarpoq, tamannalu Eimskip suleqatigalugu ingerlanneqartarpoq. Maannalu ingerlatseqatigiiffiup angalasarnernut pingaarnernut pilersaarutaata iluarsiiiffiginissaa, tassanilu Eimskipimik suleqateqarnermi sunniutaasartut pillugit Ineqarnermut Attaveqaasersuutinullu Naalackersuisup aamma Royal Arctic Line-p akornanni oqaloqatigiinnerit ingerlaavartut ingerlanneqarput.

7. Aktiaateqarluni ingerlatseqatigiiffiit Namminersorlutik Oqartussanit pigineqartut inuiaqatigiinni annertuumik pingaaruteqarnerat pillugu Naalackersuisut ataatsimiititaliamit isumaqatigineqaannarsinnaavoq, taakkumi suliassaqaarfimminni inuiaqatigiinnut qitiusumik pingaarutilinnik ingerlatsimmata. Tamanna pissutigalugu ingerlatseqatigiiffiit sulisartut ilarpasuunik Naalackersuisut oqaatigisaattut "namminersortut ingerlataanni" sulisitsipput, tamatumani ingerlatseqatigiiffiit ingerlataat unammillerteqarani nalinginnaasumik ingerlanneqarajupput. Suliassat inuiaqatigiinnut qitiusumik pingaarutillit kisermaassinertut ilusilerlugit niuernermi atugassarititaasut malillugit ingerlatseqatigiiffinnit namminersortunit isumagitinneqarnerat qanoq pitsaaquteqarlunilu pitsaannequteqartut Naalackersuisunit isumaqaarfigineqarpa?

Akissut: Aktiaateqarluni ingerlatseqatigiiffiit ilusaani pissusimisoortumik ingerlatseqatigiiffiit aningaasartuutit appartinnissaannut ingerlatsinerullu qaffassarnissaanut siuarsaaniarmata ineriartortitsisoqarnissanillu qitiutitsiniarmata pitsaaqutini takuneqarsinnaavoq. Tamatumunnga kisermaassilluni piginnittumut pitsaasumik angusassat qulakkeerniarlugit suliassami qitiutitsisoqarnera pissutaavoq. Tassungalugu atatillugu ingerlatseqatigiiffiit ilusaasa suleqataasut allannortitsinissanut piareeqqanerunissaanni, tassanngaannartumillu ajornartorsiutit pinngortut sukkasuumik qisuariarfigisarnissaanni, pitsaaqutissat malunnaatillit isiginiarneqassapput, tamakkumi pisortani oqartussap imaluunniit suliffeqarfiup namminersortitap 0-imik angusaqarnissamik qitiutitsinermit suliarisariaqassanngimmagit. Ingerlatseqatigiiffiup ilusaa atuisut akiliuteqartarnerat tunngavigalugu avataaniit taarsigassarsiniarnissamut periarfissanut atatillugu aningaasaqarnikkut aamma pitsaaquteqarpoq, tamannalumi assersuutitut mittarfinni

nutaani erngullu nukinganik nukissiorfiliornerni takuneqarsinnaavoq. Taamaaliornikkut immikkoortumi aalajangersimasumi aningaasaqarnerup atuisunut killeqartinnissaa, akileraartartunullu siaruaatinnginnissaa, qulakkeerneqarsinnaavoq. Taamaakkaluartuq niuerfik sullissisussanik amerlanernik imaqartariaqanngimmat immikkut isiginiarneqartussaavoq. Taamaammat pingaaruteqarpoq ingerlatseqatigiiffiit kisermaassisutut isikkullit "sinilertuunnginnissaat" qulakkeerniartuassallugu. Tamanna ilaatigut pissarsiassanut politikimi, najoqqutassat nassuiarlukkat aqqutigalugit piginnittumit annerusumik nakkutiginninnerni aamma ingerlatseqatigiiffinni aningaasaqarnikkut ineriartornerup nakkutiguarnissaani immikkut isiginiarneqartussaavoq. Tamatumani aamma siulersuisut suliaminnik akisussaasut qulakkeertarnissaat pingaaruteqarluni inissisimavoq. Naalackersuisut taamaasillutik inuiaqatigiussutsitsinni niuerfinni ilutsit ingerlateqatigiiffiit atorlugit sulineranni ajortumik sunniutaariaannaasut pinngitsoortinniarnissaat qitiutinniartuarpaat, nalilerneqarporlu pitsaasumik sunniutaasut ajortumik sunniutaasumut akilerlilitumaartut, tassalu tunngavissanut piumasaqaatit sakkortuut politikeriit tungaanniit annerusumik qitiutinneqartuartillugit.

8. Royal Greenland, nunani tamalaani niuernikkut atugassarititaasut malillugit ingerlateqartoq, ilanngaattissat ilanngaatigereerlugit 3 mia. kr.-erluinnangajannik ernialersugaasunik akiitsoqartoq ataatsimiititaliamit maluginiarneqarpoq. Aningaasat taakku aktiaateqarluni ingerlatseqatigiiffiit Namminersorlutik Oqartussanit pigineqartut anginerit arfinillit, qupperneq 155-imi takussutissiaq 9-mi ilanngunneqartut, ilanngaattissat ilanngaatigereerlugit akiitsuisa ataatsimoortut 70 %-iisa missaanniipput. Tamanna ataatsimiititaliamit isumakulunnartinneqarpoq. Ingerlatseqatigiiffiup akiitsui ingerlatseqatigiiffiup ukiumoortumik angusaanut qanoq artukkiiva aammalu akiitsut ingerlatseqatigiiffiup akiliisinnaassusianut qanoq sunniuteqarpat?

Akissut: Akiitsut ilanngaateqartinneqartut 2022-mi 2,9 mia. kr.-niusimapput, tamannalu suliffeqarfimmu 5,8,-mik piareersimatitsineruvoq (Aningaasaqarnikkut piareersimaneq namminerisamik aningaasaatit aningaasallu taarsigassarsiarineqartut akornanni pissutsinut takutitsiffiuvoq, tamannalu pitsaasuusinnaavoq ajorsinnaallunilu. Akiitsorisatit namminerisamik aningaasaatinnik qaangiisimappata tamanna piareersimanagerunermik kinguneqartussaavoq, tamannalu annerusumik ulorianaateqalernermik inerneqarsinnaavoq, kisiannili aamma annerusumik piukkunnaateqalernermik inerneqarsinnaalluni). Royal Greenlandip tamanna naammaginangitsutut kiisalu ingerlatseqatigiiffiup pilersaarutaaniit annertunerusutut isiginiarpaa. Kilisaatit tallimat avataasiortut taarserneqarnissaannut tunngatillugu aningaasaliisarnissanut programip kingunerisaanik piareersimanagerunissaq pilersaarutaasimagaluarpoq - tamannalu Royal Greenlandimut inuiaqatigiinnullu ukiuni 20-25-ni tulliuttuni pilerinarluallernissaa ilimagineqarpoq. Covid-19-mik 2020-mi ajornartoorneq, 2022-milu sikumi saattussanut Amerikap avannaanni niuerfinni unammilligassanik malitseqartoq, ingerlatseqatigiiffiup akiitsoqarnerulerneranik kinguneqarsimapput. Ernianut qaffaanerit ilanngukkaanni tamanna aningaasaqarnikkut aningaasartuuteqarnerunermik kinguneqartussaavoq, kisianni Royal Greenlandip ingerlatseqatigiiffiup aningaasaqarnermut politikia aqqutigalugu sivisuumut akiitsorisamik aalajangersimasumik 70%-imik ernialersortuarnissaat anguniartuarpaat, taamaasillunilu suliffeqarfik erniat allanngorarnissaannut illersorsinnaassallugu. Ukiumoortumik nalunaarusiami nalunaarsugaq 19 naapertorlugu agguaqatigiissillugu Royal Greenlandip ernianut akigititaa 2,86%-

iuvoq, taannalu 2021-mi 1,36%-iusimavoq. Tamannalu isumaqarpoq Royal Greenland aningaasaliissutit tungaasigut niuerfinni ernianut qaffaassutinut allanut sanilliullugu inissisimalluartoq, tamannalu massakkut 5-niit 6%-iuvoq.

Akiitsunut ernialersukkanut tunngatillugu anguniarneqartoq tassaavoq Royal Greenlandip kilisaatinut programiata naareernerata kingorna 2,5-ip missaannut inissilluni piareersimalissasoq, tamannalu akiitsunut ernialersukkanut 1,6 aamma 1,7 mia. kr.-ninut naapertuuppoq. Tamanna ingerlatseqatigiiffiup anguniagassatut qitiutippaa. Tassungalu akiliisinnaassuseqarneq sulii 28%-it missaanniippoq.

9. Taamaallunilu Royal Greenlandip ilanngaattissat ilanngaatigereerlugit akiitsui erniallit Namminersorlutik Oqartussat 2022-p naanerani akiitsuinit sinneruttunit 40-riaammik annertussuseqarput. Royal Greenlandip akiitsui qanoq amerlatigilerpata Naalakkersuisunit eqqarsarnartutut isigineqalissappat?

Akissut: Aalisariutinik nutarterinissaq nutaaq siuariartorfusoq isigissagaanni akiitsut amerlanerulernissaat ilimagineqanngilaq. Tassungalu atatillugu oqaatigineqassaaq Royal Greenlandip aningaaseriviit aqutigalugit aningaasaliisartui ernumassuteqarnatik takutissimammassuk. Akiitsut isumaginiarnissaannut ingerlatseqatigiiffiup pilersaarutaa siuliani taaqqinneqartoq Naalakkersuisunut aamma toqqissimatitsivoq, sammisamut isiginninniarneneq immikkut eqqaassanngikkaanni.

10. Mittarfinnik imminut akilersinnaasunik aammalu akilersinnaanngitsunik timmisartuussinermit siunissami akit qanoq annertutigisussatut Naalakkersuisunit naatsorsuutigineqarneris pillugu paasissutissinneqarnissaq ataatsimiititaliamit kissaatigineqarpoq. Taamaallutillu Naalakkersuisut aamma naatsorsuutigaat timmisartuussinerit imminut akilersinnaasut timmisartuussinernut imminut akilersinnaanngitsunit aamma tapeeqataasassasut?

Akissut: Mittarfinni akigititanut tunngatillugu Mittarfeqarfii A/S-imi akigitinneqartut atuuttut Nuummi, Ilulissani Qaqortumilu mittarfissani nutaani piviusunngortinneqarumaartut ilimagineqarpoq. Qanoq iliorluni Air Greenland sullissisunngortussallu allat ullumikkumiit timmisartunut ilaassutissani akigitinneqartumut akuersinissaanni apequtaasussanngorpoq ilumut angalariaatsit tigussaasut akinik appaanissamut periarfissaqartitsilissanersut. Nunami namminermi angalaffiusartut niuernerpalaartumik ingerlanneqartut ilaat siunissami niuernerpalaartumik tunngaveqarluni ingerlaannarsinnaassanngippata suliaq manna oqartussaaffimmu akisussaalluni Naalakkersuisoq suleqatigalugu iluarsineqarsinnaasariaqarpoq.

Atlantikoq qulaallugu timmisartunut akit niuernerpalaartumik ingerlataapput, suliaqarfirmilu unammilleqatigiilernissamut takkuttussamut sunniuteqassasut naatsorsuutaavoq. Naalakkersuisut ukiuni arlaqartuni attaveqaasersuutinut annertuunik aningaasaliinerit atorlugit silaannakkut angalasarnernut suliaqarfirmi tunngavissanut piunasaqaatit pitsanngortinniarlugit sulissuteqartarsimapput, tamakkulu sullissisartut atuisunut akit appasinnerusut neqeroortigisinnaaniarlugit pitsaanerunik atugassaqaalernissaannut iluaqutaasussaassapput.

11. Kalaallit Airports Holding A/S-ip ataani aqutatut ingerlatseqatigiiffiit assigiinngitsut aningaasaqarnerat suliffeqarfissuup aningaasaqarneranut tamarmiusumut atatillugu qanoq ataatsimoortinneqassappat?

Akissut: KAIR International pillugu naalagaaffimmik attartornissamut isumaqatigiissut naapertorlugu ingerlatseqatigiiffinnut ilaasut akornanni aallaaviatigut aningaasaqarneq agguataariffusoq allatulluunniit oqaatigalugu

"assiaqutit suneqarsinnaangitsut" atorneqarput. Naalakkersuisut ingerlatseqatigiiffimmik ilaasumik Mittarfeqarfiit A/S-imik ingerlatsinissamut isumaqatigiissusiorsimapput, tassani nunap immikkoortuini mittarfinnut aningaasaqarneq nammineertoq qulakkeerneqarsimalluni. Kontumut pingaarnermut 72.26.04-mut kiisalu Mittarfeqarfiit A/S-ip suliffissuarmut Kalaallit Airports-imut aningaasaliiffigineqarnera pillugu suliaq innersuussutigineqarput. Kalaallit Airports International-imut suleriaassissamut aningaasalersuinissamullu pilersaarut nunanut tamalaanut mittarfissani nutaani aningaasaqarnermik nammatsisuuvoq, taakku imminnut aningaasaqarnikkut napatittuupput. Qaqortumi mittarfik Kalaallit Airports Domestic-ip sanaartornernik suliaminik naammassinnereerpat Mittarfeqarfiit A/S-ip iluani ingerlanneqalissasoq naatsorsuutaavoq. Suliffissuarmi aningaasaqarnerup tamarmiusup pitsaanerulernissaa siunissami Danmarkimi Finansministeriaqarfimmut eqqartornissaa naatsorsuutaavoq, taannalu Kalaallit Airports International-ip 33 %-ianik piginnittuuvoq. Tamannali suliap saqqummiunneqannginnerani piginnittuni aningaasaqarnikkut misissueqqissaarnissamik pisariaqartitsiffiussaaq, tassanilu politikikkut suliamut pineqartumut isummernissaaq aamma pisariaqartussaassaaq. Tassunga atatillugu maluginiassallugu pingaaruteqarpoq nunanut tamalaanut mittarfissat nutaat aningaasaqarnikkut atugassarititat ingerlariaqqinnissami nalilersuiffigitinnagit piffissami aalajangersimasumi ingerlaannarnissaat.

2.4 Akiitsut ineriartornerat/Kommunit aningaasaqarnerat, qupperneq 158

1. Taarsigassarsinissamut periarfissat akiitsunik ineriartorneq aammalu kommunit aningaasaqarnerat pillugu immikkoortuni taaneqartut aningaasaqarnikkut ineriartornissamut qanoq sunniuteqassappat?
Akissut: Namminersorlutik Oqartussat, Naalagaaffiup aamma KommuneKreditip akornanni isumaqatigiissutip kingunerisaanik taarsigassarsiniarnissamut periarfissat nutaat imminni aningaasaqarnikkut ineriartornissamut takkuttussamut pingaaruteqarlutik sunniuteqarnaviannngillat. Aningaasaliinissanut periarfissanut akisunerusunut taarsiullugu kommunit isumaqatigiissummik atuisinnaanissaanni apeqqutaassaaq isumaqatigiissut kommunit qangaanerusumut sanilliullugu aningaasaliisarnissanik ingerlatsisarnissaannut sunniuteqassanersoq. Tamanna soorunami nalinginnaasumik aningaasaqarnikkut inerisaanissamut siuarsaaffiusutut isigineqarsinnaavoq, kisiannili taakkunani annertussuseq massakkut erseqqinnerusumik nalilersuiffigineqarsinnaanngilaq.
2. KommuneKredit aqqutigalugu taarsigassarsinissaaq pillugu allaffissornermut isumaqatigiissusiornissaaq sulissutigineqartoq Naalakkersuisunit oqaatigineqarpoq. Tamatuma erseqqinnerusumik itisilerneqarnissaa ataatsimiititaliamit kissaatigineqarpoq.
Akissut: Namminersorlutik Oqartussat, Naalagaaffiup aamma KommuneKreditip akornanni Tunngaviusumik Isumaqatigiissutissamut missingiut suliarineqarsimavoq. Isumaqatigiissutikkut kommunit KommuneKredit-imi taarsigassarniartarnissaat periarfissinneqarpoq. Tassungalu peqatigitillugu isumaqatigiissummi ilaatigut sunut taarsigassarsisoqarsinnaanersoq, piffissami sorlermi taarsigassarsiat tunniunneqarsinnaanersut, taarsigassarsinissamullu ataatsimut killiliunneqartoq qanoq annertutiginersoq il.il. nassuiaaffigineqarpoq. Tamatuma saniatigut allaffissornermut isumaqatigiissutissamut missingiut suliarineqarsimavoq, tassanilu qinnuteqaatinut isumaqatigiissutillu iluani taarsigassarsiat akuerisarnerannut tunniuttarnerannullu Namminersorlutik

Oqartussat aamma KommuneKredit-ip akornanni akisussaaffiit agguataarnerat sukumiinerusumik nassuiaaffigineqarput.

Tunngaviusumik isumaqatigiissut aamma allaffissornermut isumaqatigiissut suli inaarutaasumik akuersissutigineqarsimangillat. Inaarutaasumik akuerineqarnissaa novembari 2023-miussasooq naatsorsuutaavoq.

3. Suliassa qarfirmik taamaattumik aqutsinissaq kommuninit nammaneqarsinnaasutut Naalakkersuisunit nalilerneqarpa? Kommunit inatsisit malillugit suliassaminnik aqutsinissaminnut tunngatillugu sulisussa qarfiarnikkut kommunit ajornartorsiuteqarnerat ataatsimiititaliamit matumani eqqarsaatigineqarpoq. Tamatuma peqatigisaanik ataatsimiititaliamit oqaatigineqassaaq KommuneKreditip iluaqutaasinnaanera apeqquserneqanngimmat.

Akissut: Naalakkersuisut tatigilluinnarpaat kommunit taarsigassarsianik aqutsilluarsinnaassasut, tamakkumi Namminersorlutik Oqartussat, Naalagaaffiup aamma KommuneKredit-ip akornanni isumaqatigiissutip iluani taarsigassarsiarisariaqarsimavaat. Tamannalu ilaatigut taarsigassarsiassanut qinnuteqaasiormut atatillugu akuersisarnissamut peqqissaarluni sulisarnissaq, ilaatigullu Aningaasaqarnermut Naligiissitaanermullu Naalakkersuisoqarfimmi ilaatigullu KommuneKredit-mi sulisarnissaq isiginiarneqartussaapput. Tamatuma saniatigut kommunit arlallit niuernerpalaartumik atugassarititat atorlugit taarsigassarsiniartarnernut misilittagaqareerput.

2.5 Sanaartornermut suliassa qarfik, qupperneq 163

1. Sanaartornermik suliassa qarfirmi piujuartitsinermik tunngaveqarnissamik oqarnermi Naalakkersuisut suna pinerlugu itisilissagaat ataatsimiititaliamit kissaatigineqarpoq. Naalakkersuisunit pineqartut tassaappat atortussat piujuartitsinissamik tunngaveqartut imaluunniit taama oqarneq ataatsimut isiginninnertut paasineqassava?

Akissut: Taamatut oqarneq siammasinnerusumik paasineqassaaq. Piujuartitsinermik tunngaveqarluni oqariartaaseq pingaarnertut suliassa qarfiit pingasuusut inernerattut nassuiarneqarpoq, taakkualu avatangiisitigut, inunnik isumaginninnikkut aningaasaqarnikkullu pissutsinik katitigaapput. Taamaasilluni piujuartitsinermik tunngaveqarluni sanaartortitsinerit sanaartortitsinernut immikkoortumut tamakkiisumik takusaqarsinnaanermik aallaaveqarput, tassani aningaasaqarnikkut, inunnik isumaginnittoqarnikkut avatangiisitigullu eqqarsaatigisassani oqimaqatigiittoqarnissaa anguniartussaalluni. Eqqarsaatigisassat pingasuusut taakkua imminnut atapput imminnullu sunneeqatigiittarlutik, taamaammallu inuunerup ingerlarngata isiginiarnera tunngavigalugu assigiimmik oqimaalutarneqartarlutik.

2. Sanaartugassatut pilersaarutit pillugit Naalakkersuisut qanoq eqqarsaateqarpat? Sanaartugassatut pilersaarutit aningaasaliissuteqarnissamut kissaatinut aalajangiisuuppat imaluunniit killormoortua atuuppa?

Akissut: AIS2024-mi nassuiaatini nalinginnaasuni takuneqarsinnaavoq suliniutissat pingaarnersiuffigineranni siullertut suliniutissat immikkoortunut pilersaarutit Naalakkersuisunit akuerineqartut atorlugit suliniutissat politikikkut pingaartinneqarnerpaat aallaavigineqassasut, ilaatigut immikkoortunut pilersaarutit naammassisarnissaannut siursaaffiginissaannullu kajuminnerulernissap qulakkeernissaa siunertaralugu. Tassungalu ilaavoq suliniutissat pingaartinneqartut qitiusumik pisariaqartitanut piareeqqarsarnissaat, inuiaqatigiit ineriartornerannut qularnaarisooqarnissaa attassisinnaanermullu iluaqutaassuseqarnissaa. Tassanilu takuneqarsinnaalerpoq sanaartornermut pilersaarutit aqutsisuusut, taamaasillutillu

aningaasaliissutit pisariaqartinneqartunut aqutsisuunatik. Taamaattorli erseqqissaatigissallugu pingaaruteqarpoq sanaartornermut suliaasaqarfimmut aningaasaliissutissatut killiliunneqartunut illikartinneqartunut, taamaasillunilu suliniutissanut pingaartinneqartunut, tunngatillugu aningaasanut inatsisinut tamarmiusunut ataqatigiittussaanerat.

2.6 Aningaasanut inatsisissatut siunnersuummi suliniutissat immikkut pingaartitat, qupperneq 165

1. Meeqqanut tunngatillugu angalasartoqatigiit nutaat. Naalagaaffik suleqatigalugu Tasiilami suliniutigineqarsimasunut Naalakkersuisut qanoq misilittagaqarpat?
Akissut: 2019-imi Tasiilami piaartumik suliniuteqartoqarnissaanut aningaasanik illikartitsisimavoq, taakkulu piffissami 2019-ip naalernerannit 2020-p qiteqqunneranut immikkut isumaginninnermut siunnersortinut ilaqutariinnullu sullissisartunut atorneqarsimapput. Coronamik nappaalanersuaqarnerata kingunerisimavaa suliniutigineqartoq 2020-p qiteqqunnerani naammasineqartussatut pilersaarutaasoq sioqqullugu unitsittariaqarsimammat. Meeqqanut suliat ikilinerusimapput, Coronamillu nappaalanersuup kingunerisimavaa ilaqutariinnut sullissinerit pilersaarutaasutut suliarineqarsimannimmata.
2. Angalaqatigiinnik taamaattunik Naalakkersuisut maanna pilersitsinerannut suna tunngaviua?
Akissut: Kontumi pingaarnermi, 30.10.45 Meeqqanut inuusuttunullu suliaasaqarfimmi immikkut suliniutit, AI2019-ip kingorna meeqqanut angalasartoqatigiinnut aningaasanik illikartitsisogaqarsimavoq. Ulloq manna tikillugu angalasartoqatigiinnut aningaasat illikartinneqartut inersimasunut meeraatilluni kingaassiutitigut atornerlunneqarsimasut kingunerluutaannut taamaallaat atorneqarsimapput.
Kommunit meeqqanut kinguaassiutitigut atornerlugaasimasunut angalasartoqatigiinnik amerlanernik piumallutik apeqquteqartuarsimapput. Tamanna Kalaallit Nunaanni meeqqanut inuusuttunullu atugarliortunut pitsaannerusumik suliniuteqarnissamut suliniummi 10-mi 2020-2023-mut tunngasumi Kalaallit danskillu suliaasaqarfii assigiinngitsut aqqutigalugit sulineranni akuersarneqarsimavoq. Kommunit meeqqanut angalasortoqatigiinnik amerlanerusunik suli ujartuipput.
3. Issittumi uumassusilerinermik bachelorit ilinniartut siulliit 2025-mi aatsaat aallartissinnaanerannut suna tunngaviua?
Akissut: Piareersaernerit sulinermit, piareersaernerut atorfeqartitaanermullu tunngasut arlallit pigineqarmata ilinniarnermik aallartitsinissami pilersaaruserluarnissaq piareersarluarsimanissarlu pisariaqarput. Taamatut sulinerup ukiunik arlalinnik sivusussuseqartarnera, holdillu siulliit soraarummeerlutik ilinniarnermik tamakkiisumik naammasinnittarnerat nalinginnaalluinnarpoq.
4. Ado Lyngep Atuarfiata nukittorsarnissaa. Atortulersuutit illuutillu aserfallassimasorujussueneri eqqarsaatigalugit ukiumoortumik 2 mio. kr.-inik immikkoortitsinissap Naalakkersuisunit naammattutut isigineqarneranut suna tunngaviua?
Akissut: Ado Lyngep Atuarfianut aningaasat illikartinneqartut taamaallaat akissarsianut ingerlatsinermullu aningaasartuutinut qaffakkiartortunut atorneqassapput, taakkununnгалu illuutitigut iluarsaasarnissat ingerlaavartut ilaapput. Atuarfimi illuutit iluarsarneqassappata ilinniartinnut sanaartornermut nuussisarnissanut sillimmatit iluanni tamanna pingaartinneqarsinnaassaaq.

5. Peqqinnissaqarfimmut tunngatillugu (qup. 166) Peqqissutsimut Isumalioqatigiissitap isumaliutissiissutaanut aaqqiissutissanut missingiummik Naalakkersuisut naammassinnereernersut aammalu qulequttat immikkoortumi taaneqartut sooq siullertut toqqarneqarnersut paasissutissiissutigineqassasoq ataatsimiititaliamit kissaatigineqarpoq?

Akissut: Naamik, peqqinnissaq pillugu ataatsimiititaliarsuup isumaliutissiissutaani innersuussutaasut tamakkerlugit piviusunngortinniarnissaannut ataatsimut missingiummik peqartoqanngilaq. Apeqqu 7.1.3-mut akissummi soorlu nassuiarneqartoq Peqqinnissaq pillugu Ataatsimiititaliarsuup innersuussutaanik Peqqinnissamut Naalakkersuisoqarfik suliaqarpoq. Peqqinnissamut Naalakkersuisoq 2023-p aasaani peqqinnissaq pillugu politikissami nutaami imaritinneqartut pillugit politikikkut partiinik oqaloqateqarnernik aallartisisimavoq. Suliniutissani immikkut pingaartitani suliniutissat AIS 24-mi taaneqartut Naalakkersuisut AIS 24-mut kissaataannik aallaaveqarput.

6. Nuummi mittarfimmi peqqinnissakkut upalungaarsimanerup pisarialimmik qaffanneqarnissaanut 1 mio. kr.-it Naalakkersuisunit immikkoortinneqassapput. Tamanna pillugu Ilulissani mittarfissami Naalakkersuisut qanoq pilersaaruteqarpat? Akissut: Mittarfinni atortussat upalungaarsimanikkut navianaatinut nalilersuinerimik tunngaveqarput, taakkunanilu timmisartut angissusissaat eqqarsaatinut ilaapput, tassanilu ajoqusertut aalajangersimasut isumagineqartarnissaat anguniarneqarpoq Nuummi mittarfissaq 2024-mi ammartussatut naatsorsuutigineqarpoq, tassanilu atortussat piareeqqassapput.

Ilulissani mittarfissaq aatsaat 2025-p ingerlanerani ammartussatut naatsorsuutigineqarpoq.

Atortussat suut Ilulissani pisariaqartinneqarnissaanni massakkut navianaatinut takussutissaq apeqqutaassaaq. Tamanna AIS 2025-mi saqqummiunneqarumaarpoq.

7. Kunneqarfiup Danmarkip Issittumi Siunnersuisoqatigiinni siulittaasoqarfimmik tigusinissaa qanoq Kalaallit Nunaannut aningaasartuutitigut kinguneqarumaarnersoq ataatsimiititaliap paaserusuppaa? NAP

Akissut: Nunanut allanut Tunngasunut, Inuussutissarsiornermut Niuernermullu Naalakkersuisoqarfik Kunneqarfiup Issittumi Siunnersuisoqatigiinni siulittaasoqarfimmik tigusinissaani aningaasartuutissanut naatsorsuutigisanut suli paasinninniarsarivoq.

Massakkorpiaq siusinnerusukku siulittaasuusimasunit missingersuutinit isumassarsiat iluaqutigineqarsinnaapput. Tassani Islandip 2019-2021-mut siulittaasutut atuuffiani missingersuutit assersuutitut erseqqissaatigineqarsinnaapput. Taakkua missingersuutaat Islandimiut aningaasaat malillugit 230.000.000 kr.-niusimapput, tassalu danskit aningaasaannut 11.836.053 kr.-nit missaanniillutik, taakkunanilu ilaatigut 2018-mi siulittaasoqarfiup piareersaanissaanut, ataatsimiinnissanut, angalanissanut, aningaasarsianut aningaasartuutininut, ataatsimeersuarnernut suliniutissanullu kiisalu piareersaaffigalugu ataatsimiinnissanut angalanissanullu aningaasat atorineqartussat ilaapput.

Kunneqarfiup missingersuutai tassanngaanniit amerlanerulissanersut ikinnerulissanersulluanniit naliliiffigissallugu massakkut periarfissaqanngilaq, tassami ilaatigut nunap isorartunera akinullu inissiinerit atasut isummerfigineqartussaapput.

2.7 Sillimmatit aamma missingersuutinik iluarsineq. qupperneq 168

1. Isertitassatut sillimmatinut, AIS 2024-ip aappassaaneerneqarnissaanut pingajussaaneerneqarnissaanulluunniit atugassiissutigineqartussanut tunngatillugu Naalakkersuisunit sordiaat pineqarpat?
Akissut: Tamanna ukiumoortumik 8,7 mio. kr.-niniq sipaaruteqarneruvoq AIS2024-p aappassaaneerneqarnerani pingajussaaneerneqarneraniluunniit atortussanngortinneqartussaq. Naalakkersuisut tamanna aningaasanut inatsisissap isumaqatiginninniutiginissaani partiinik isumaqatiginninniarnissanut ilaajumaartooq naatsorsuutigaa.
2. Tassunga atatillugu Namminersorlutik Oqartussani allaffissorneq qanoq isikkoqassava?
Akissut: Isertitassanut sillimmatinik illikartitsinissaq pillugu aalajangiinermi allaffissornermut allanik sipaaruteqartoqarnissaa pillugu aalajangiisoqarsimangilaq. Sillimmatit qanoq isillugit atortussanngortinneqassanersut aningaasanut inatsisissaq pillugu isumaqatigiinniarnerni ilanngunneqassaaq.
3. Sillimmatit taaneqartut suliarineqarneranni nukissiuutinut akit qaffakkiartortut Naalakkersuisunit isummerfigineqarsimappat?
Akissut: Isertitassanut sillimmatit illikartitsiffiunissaasa aamma nukissiuutini akit allanngornerisa akornanni ataqatigiittoqanngilaq. Isertitassanut sillimmatinik illikartitsineq Naalakkersuisut isertitassanik allanik nassaarniarnissamut imaluunniit aningaasanut inatsimmik suliaqarnermi sipaarutissanik nassaarniarnissamut piumassuseqarnerannut oqariaratuutaavoq. Taamatut angusaqarniarnerup piviusunngortinnissaanut periarfissat nukissiuutini akit ineriartorfiunerannik suunngitsumik sunnerneqarumaartut ilimagineqarpoq.

3. Suliassaqarfik 10 - 12 Naalakkersuisut Siulittaasuut

3.1 Konto pingarneq 10.01.01 Naalakkersuisut Siulittaasuata Naalakkersuisoqarfia, NSN, allaffissorneq

1. Sulisunut atuinerup allannguuteqannginnerat aammalu akissarsianut aningaasartuutit qaffakkiartornerat qanoq imminnut ataqatigiippat?
Akissut: Isumaqatiginninniarnertit aqutigalugit naleqqussaanissat nalinginnaasut eqqaassanngikkaanni akissarsianut aningaasartuutit qaffakkiartornissaat ilimagineqanngilaq. Apeqqummut tunngavilersuinermit suliffeqarfiup iluani missingersuutit agguataartarnerat pineqarsinnaavoq, tassanilu sulisut atugarisaat aallaavagineqarsinnaapput, tassanimi suliffiit inuttalerneqanngitsut nassaassaapput.
2. Naalakkersuisut Attassisinnaanermut Inerisaanissamullu Pilersaarutaannut tunngatillugu pisortat ingerlatsiviini sipaarutissat siunertarineqartut Naalakkersuisunit qanoq anguneqalersaarnersut itisilernerqassasoq ataatsimiititaliamit kissaatigineqarpoq.
Akissut: Naalakkersuisut qanoq iliorlutik pisortanut immikkoortumi sipaarutissanik angusaqarsinnaanissaannut pilersaarut Attassisinnaanermut Ineriartornissamullu Pilersaarummi ilanngunneqarumaarpoq, sulinerlu taanna massakut ingerlanneqarpoq.

3.2 Konto pingarneq 10.01.06 Nutaanngorsaanissat suliassallu

Aningaasaliissutit suliassanik naammassinnittarnerup pitsaanerulersinneqarnissaanut, pisariillisaanernut aammalu sulisorinniinnarnissamut il.il. iluaqutaasumik nutaaliarluni suliassanut qitiusumik allaffeqarfimmut iluaqutaasumik atornerqassasut Naalakkersuisunit paasissutissiissutigineqarpoq. Nutaaliarluni suliassat taakku sordiaanersut aammalu kontomi matumani aningaasat qanoq atornerqassanersut erseqqissumik akineqassasoq ataatsimiititaliamit kissaatigineqarpoq.

Akissut: Suliassaqarfiit assigiinngitsut aqutigalugit nutaaliornernut suliniutissanullu kontup Aningaasaqarnermut Naalakkersuisoqarfimmiit Naalakkersuisut Siulittaasuata Naalakkersuisoqarfianut nuunnissaani qitiusumik allattoqarfimmi suliassat ataqatigiissillugit periusissatigullu pingaarnertigut suliassaqartillugit qulakkeerneqarnissaat siunertaavoq. Naalakkersuisoqarfiit taakkua akornanni nuussinissaq piareersarneqassaaq aamma 2024-mut 2025-mullu suliniutissanut tigussaasunut pilersaarummik peqqissaarussamik suliaqartoqassaaq. Aningaasanut inatsisissatut siunnersuummi suliniutit taaneqareersut saniatigut sulisunut tunngavissamik, periusissiatigut on and off boardingimut suliaqarsinnaanissamut, pisussaaffigalugu sulisunut aqutsisunullu tamanut piareersaalluni pikkorissaanissanut aammalu aqutsisut ineriartortitsiffiunissaasa qitiutinnerunissaanut ilanngussisoqarpoq. Aningaasaqarnermut Akileraartarnermullu Ataatsimiititaliaq suliassat suliarisarnissaannut pilersaarummik tamakkiisumik immikkuualuttortalimillu kiisalu aningaasat atornerqarnissaannut kissaatigineqarpoq ukiumoortumik pilersaarutit piareeripata ilisimatitsissutitut nassiunneqarsinnaapput.

3.4 Konto pingarneq 10.98.01 Digitaliseeriinermut Aqutsisoqarfik

1. Sulisunut atuinerup allannguuteqannginnerat aammalu akissarsianut aningaasartuutit qaffakkiartornerat qanoq imminnut ataqatigiippat?
2. Aningaasaliissutigineqartut Digitaliseeriinermut Aqutsisoqarfiup akisussaaffigalugu suliassaqarfiinut qanoq agguataarneqarsimanerat nassuiaatigineqassasoq ataatsimiititaliamit kissaatigineqarpoq.
Akissut: Ataatsimut sipaarutissat 3.4.1.-imi aamma 3.4.2-mi:

Digitaliseeriinermut Aqutsisoqarfimmut aningaasaliissutit 2023-miit 2024-mut 3.225.000 kr.-ninik ilaneqassapput.

Soorlu AIS2024-mi qupperneq 235-mi takuneqarsinnaasoq aningaasat kingulliit qarasaasiaqarnikkut paasissutissiisarnikkullu isumannaallisaanissamut ingerlatsivissamut nutaamut 2024-mi aningaasaliissuteqartoqarsimavoq. Taakku 2 mio. kr.-niupput. 3 mio. kr.-nit allat ukiumut 1 mio. kr.-kkaarlugit AI2021, AI2022 aamma AI2023-mut agguataarneqarsimapput.

Immikkoortortami sulisut: pisortaq ataaseq sulisussallu pingasut AI2023-mi ilanngunneqarsimapput.

Tunngaviusumik paasissutissat ingerlannissaannut Digitaliseeriinermut Aqutsisoqarfimmut aningaasaliissutit 2024-mi 250.000 kr.-ninik qaffanneqassapput, takuuk AIS2024-mi qupperneq 235.

975.000 kr.-nit sinneruttut akit akissarsiallu iluarsiiiffinerannut tunngapput.

3.5 Konto pingaarneq 10.98.02 Nuna tamakkerlugu digitalinngortitsisarnissamut periusissiap atuutsilernera

Siuariartorneq pillugu ukiumoortumik Aningaasaqarnermut Akileraartarnermullu Ataatsimiititaliamut nalunaarusiortoqartartoq konto pingaernerup ataani allassimavoq. Taamaattoqanngitsorli ataatsimiititaliamit oqaatigineqassaaq. Naalakkersuisut ataatsimiititaliamut ilisimatitsissuteqalersaanngippata, tamanna konto pingaernerup ataani oqaasertanit peerneqartariaqarpoq.

Akissut: 2022-mi Aningaasaqarnermut Akileraartarnermullu Ataatsimiititaliamut nalunaarusiorneq ataatsimiititaliamut ullormi 5. juli nassiunneqarsimavoq. 2023-mi nalunaarusiornerup Nuna tamakkerlugu Digitaliseeriinissamut Periusissiap nutaap ilisaritinneranut ilanngunnissaa pilersaarutaavoq, taannalu oktobarip aallartinnerani akuerineqavittussatut naatsorsuutaavoq.

3.6 Konto pingaarneq 12.01.01 Kalaallit Nunaata Københavnimi Sinniisoqarfia

1. Assersuutigalugu Bruxellesimi Kalaallit Nunaata Sinniisoqarfianut sanilliullugu Kalaallit Nunaata Københavnimi Sinniisoqarfianut aningaasanik taama amerlatigisunik sooq immikkoortitsisoqartarnerneq paasissutissiisutigineqassasoq ataatsimiititaliamit kissaatigineqarpoq? Sinniisoqarfiit akornanni aningaasat Naalakkersuisunit qanoq pingaarnersiorneqartarpat?
Akissut: Kalaallit Nunaata Sinniisoqarfia nunanilu allani sinniisoqarfiit illutamikkut inissisimanertik (naalagaaffimmi nunanilu allani), kisiannili aamma suliassat pingaarutillit suliarisarnissaannut tunngatillugu assigiinngitsuupput. Danmarki Kalaallit Nunaata Sinniisoqarfia akisussaanerup tungaatigut Naalakkersuisut Siulittaasuata ataaniippoq, sinniisoqarfiillu allat akisussaanerup tungaatigut Nunanut Allanut Naalakkersuisup ataanniillutik. Massakkut pingaarnersuisarnermut tunngatillugu innuttaasunut politikerinullu massakkut kiffartuussisarnikkut qaffasissutsip Kalaallit Nunaatalu soqutigisaanik isumaginnittarnerit piginnarnissaat aallaaviupput. Sunniiveqatigiinnerit ingerlaavartumik qulakkeerniarlugit Danmarkimi Savalimmiut sinniisoqarfianik pitsaasumik suleqateqartoqarpoq, tamannalu qitiutinniarsarinarneqalerpoq. Suliassaqrifiillu akisussaanerum tunngasut allat assigalugit Danmarkimi Sinniisoqarfik suliassaqrifiuvoq ingerlaavartumik nalilersuiffigineqartartoq. Sinniisoqarfinnut aningaasartuutit

amerlanersaat aalajangersimasumik aningaasartuutaapput, soorlu ineqarnermut akiliutit akissarsiallu, tamatumalu kingunerivaa pilersaarummik annertunerusumik suliqartoqassammat, tassalu pissutsit allanngortinneqassappata. Naalackersuisut aamma suliassa qarfirmik ingerlaavartumik nalilersuisarput, Kalaallit Nunaatalu soqutigisaasa ineriartorfiunerat ilutigalugu sinniiso qarfiit annertusaaffiginissaat ineriartortitsiffiunissaallu pingaartinneqarlutik. Kingulliuvorlu Kinami sinniiso qarfiup pilersinnissaa, taassumalu ukioq manna pisortatigoortumik ammarnissaa naatsorsuutaavoq.

2. Sinniiso qarfinnut assigiinngitsunut tunngatillugu Naalackersuisut qanoq periuseqarpat?

Akissut: Pingaarnertigut ataatsimullu qiviassagaanni sinniiso qarfinnut tamanut periusissiami nunatta soqutigisaasa qulakkeernissaat anguniagaavoq, pingaartumik inuussutissarsiornermut suliassa qarfiup iluani.

4. Suliassaqarfik 20 - 24 Aningaasaqarnermut, Naligiissitaanermut, Aatsitassanut Inatsisillu Atuutsitsinneqarnerannut Naalakkersuisoq

4.1 Konto pingaarneq 20.01.11 Nuna tamakkerlugu pilersaarusionerq
Naalagaaffiit Peqatigiit nunarsuarmi anguniagaat pillugit suliaq sumut killippa?
Akissut: 2023-mi marsimi "Naalagaaffiit Peqatigiit Nunarsuarmi Anguniagassai 17-it Pingaartinnissaannut Oqallisissiaq"-p akuerineqarnerata kingorna Piujuartitsinermik tunngaveqarluni Ineriartortitsisoqarnissaanut nuna tamakkerlugu iliuusissatut pilersaarummik suliaqarluni Naalakkersuisoqarfik aallartissimavoq. Iliuusissatut pilersaarut 2024-p aasaanerani tamanut saqqummiunneqarumaartoq naatsorsuutaavoq.

4.2 Konto pingaarneq 20.01.15 Naligiissitaanissamut Siunnersuisoqatigiit
Missingersuusionermmut malittarisassani aalajangersakkat Naalakkersuisunit innersuussutigineqarput. Aningaasanut inatsimmi missingersuutitut ilanngussat pitsaasuunissaasa qulak-keerneqarnissaat pillugu missingersuusionermmut malittarisassani immikkoortumi ilaatigut allassimavoq iluanaarutissatut naatsorsuutigisat, ingerlatat, naammassinnissinnaaneq il.il. tamakkiisumik allaaserineqassasut. Taamaattumillu kontomi pingaarnermi matumani suliassanut kisitsisissatut naatsorsuutigisanut takussutissiaq ataatsimiititaliamit ujarorneqarpoq. Kiisalu Siunnersuisoqatigiit paasisitiniiaanerannit, isumasioqatigiissitsinerannit il.il. pissarsiarineqartut ataatsimiititaliamit ujarorneqarput.
Akissut: Kalaallit Nunaanni Naligiissitaanermut Siunnersuisoqatigiinnut 2022-mut Ukiumoortumik Nalunaarut ilanngussatut tiguneqarsimavoq aamma Kalaallit Nunaanni Naligiissitaanermut Siunnersuisoqatigiinnut 2023-mut missingersuut tiguneqarsimalluni.² Ukiumoortumik Nalunaarummi Kalaallit Nunaanni Naligiissitaanermut Siunnersuisoqatigiit suliassai tassanilu pissarsiarineqartut saqqummiunneqartarput. Malugeqquneqarpoq Ukiumoortumik Nalunaarut allanneqarmalli Kalaallit Nunaanni Naligiissitaanermut Siunnersuisoqatigiit siulittaasumik ilaasortamillu ataatsimik taarsiisimmamata. Kattuffinniit, peqatigiiffinniit, suliffeqarfinniit il.il. sulisartunut imaluunniit sulisitsisunut, ilinniarnermut ilisimatusarnermullu, suaassutsit imaluunniit ataasiakkaat suaassusertik aqqutigalugu soqutigisaat pisinnaatitaaffiilu aallaavigalugit sullissisartut malillugit Kalaallit Nunaanni Naligiissitaanermut Siunnersuisoqatigiit katillugit arfineq-marlunnik Naalakkersuisunit toqqakkanik ilaasortaqqarpoq.

Massakkut siunnersuisoqatigiitusut piffissamut ukiunut sisamanut qinigaapput, massakku piffissami 1. janar 2023-miit 31. december 2026-p tungaanut.

4.3 Konto pingaarneq 20.05.20 Kommunitut ataatsimoortumik tapiissutit

1. Kontomut pingaarnermut matumunnga oqaasertaliunneqarsimasut naapertorlugit meeqqanut inuusuttunullu suliassaqqarfiup iluani ulloq unnuarlu angerlarsimaffinnut namminersortunut kommunit ullormut akiliutigisartagassaannut annerpaaffissaliinissaminnut Naalakkersuisut piginnaatinneqarput. Piginnaatitsissut taanna Naalakkersuisunit atorneqarsimanersoq aammalu qanoq atorneqarsimanersoq paasisutissiissutigineqassasoq ataatsimiititaliamit kissaatigineqarpoq?
Akissut: Meeqqanut ulloq unnuarlu paaqqinnittarfinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 50, 31. august 2021-meersumi

2022-mut Ukiumoortumik Nalunaarut taaneqartoq internetimut ikkuteqqullugu kajumissaarut tunniunneqarsimavoq, tamannali akuersaarneqarsimannilaq.²

§ 49, imm. 2 naapertorlugu atuutsinneqarput: "Ulloq unnuarlu akigititaq, kommunalbestyrelsip inissiisup meeqqanut ulloq unnuarlu paaqqinnif-fimmur kapi-tali 4 malillugu ulloq unnuarlu paaqqinniffittut imminut pigisutut ingerlanneqartumut inissii-nerminut akiligassaa, ulloq unnuarlu paaqqinniffiit ataasiakkaat aamma kommunalbestyrelsip imaluunniit kommunit ataatsimoorlutik aallartitaata akornanni isumaqatiginninniarnikkut aalajangersarneqassaaq. Ulloq unnuarlu paaqqinniffiup ingerlatsinermit aningaasartuutai akigititamik akiliutinit tamarmiusunit matussu-serneqarsinnaassapput."

Oqaasertaliussaq AI2021-mi nutaajusimavoq aamma AI2022-mi AI2023-milu ingerlateqqinneqarsimalluni.

Kontumut pingaarnermut, 20.05.20 Kommuninut ataatsimoorlutik tapiissutit, oqaasertaliussami meeqqanut inuusuttunullu ulloq unnuarlu paaqqinnittarfinnut imminut pigisunut ulloq unnuarlu akigititap annerpaaffissaanut aalajangersaarsarnissamut piginnaatitsissummik Naalakkersuisut atuisimangillat.

2. Angerlarsimaffiup avataanut inissiisarnernut atatillugu akit atorineqartartut annertussusiat eqqarsaatigalugu Naalakkersuisut qanoq isumaqarpat?
Akissut: Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni § 49 naapertorlugu ulloq unnuarlu akigititap isumaqatiginninniutigineqartussaapput.
3. Oqaasertaliussaq matumani pineqartoq naapertorlugu akinik aalajangersaanissaq siunertaralugu Naalakkersuisut nalunaarummik atuutsitsilersaarpat?
Akissut: Tamanna pillugu pilersaarummik ersittoqanngilaq.
4. Kommuninut ilaqutariinnik angerlarsimaffiup avataanut inissiisarneq pillugu malittarisassani ilaatinneqartunik tiguisartunut sunniutaasartut Naalakkersuisut qanoq misilittagaqarfigaat?
Akissut: Ilaqutariit angerlarsimaffiup avataanut inissitanik meerallit apeqqummut tassunga ersarissumik qaammarsaasinnaasut pillugit paasissutissiissutinik kommunineersunik Naalakkersuisut tigusaqarsimangillat.

4.4 Konto pingaarneq 20.10.20 Nationalbankip sinneqartoorutaanit pisassat

Ukiumi aningaasanut inatsiseqarfiusumi 2024-mi aningaasaliissutit 0 kr.-iusut ataatsimiititaliamit maluginiarneqarpoq. Erseqqinnerusumik nassuiaasoqarnissaa ataatsimiititaliamit kissaatigineqarpoq.

Akissut: Finansministeriaqarfik nalunaarsimavoq 2023-mi sinneqartoorutinik nuussisoqassanngitsoq. Nationalbanken 2022-mi 8 mia. kr.-ninik amigartooruteqarsimavoq. Tamanna tunngavigalugu 2024-mi sinneqartoorutinik aamma nuussisoqassanngitsoq nalilerneqarpoq.

4.5 Konto pingaarneq 20.11.50 Ingerlatsinermit sillimmatit

Konto pingaarnermi matumani oqaasertaliunneqarsimasut naapertorlugit piginnaatitsissummik atuineq pillugu Naalakkersuisut ataatsimiititaliamut ilisimatitsissuteqartassapput. Piffissami kingullermi taamatut ilisimatitsissuteqartoqarsimangimmat ataatsimiititaliamit naatsorsuutigineqarpoq ilisimatitsissuteqarnissaq pisariaqarsimangitsoq. Ataatsimiititaliaq kissaateqarpoq Naalakkersuisut tassunga akissuteqassasut.

Akissut: Tamanna ilumoorpoq. Naalakkersuisut piginnaatitsissummik ulloq manna tikillugu atuinissartik soqutiginaateqanngitsutut isigisimavaat, tamatumali siunissami pisinnaanissaa mattunnagu, soorlu pinngortitami ajunaarnersuarnik annertuunik takkuttoqassapput.

4.6 Konto pingaarneq 20.11.51 Aaqqissuusseqqinnerit sunniutaat

Konto pingaarnermut matumunnga oqaasertaliusseq aningaasanut inatsisissatut siunnersuummut ilanngussaq 2-mi Naalakkersuisunit ilanngunneqarpoq. Konto pingaarnermut matumunnga oqaasertaliusseqartoq missingersuutitut ilanngussami taaneqanngilaq. Tamatumma Naalakkersuisunit oqaaseqarfigineqarnissaa ataatsimiititaliamit kissaatigineqarpoq. *Akissut: Missingersuutitut ilanngussami oqaasertaliusseqarnissaa innersuussisoqarsimannginnera kukkuneruvoq. Tamanna Aningaasanut Inatsisissap suliarinerani kingusinerusukkut aaqqinneqassaaq.*

4.7 Konto pingaarneq 20.11.56 Missingersuutit iluarsineq, allaffissorneq
Siunnersortitut avataaneersunut aningaasartuutit ikilisinneqarnissaa qitiutillugu isertitassatut sillimmasiunneqartut taaneqartut 8,7 mio.-it qanorpiq paasineqassanersut Naalakkersuisunit maannangaq paasissutissiisutigineqarsinnaava?
Akissut: Naalakkersuisut tamanna aningaasanut inatsisissamut isumaqatigiinniarnissaa takkuttussaq pillugu isumaqatigiinniarnernut ilaassasoq naatsorsuutigivaat. Apeqqut 2.7.1.-mut akissutigineqartumut innersuussisoqarpoq.

4.8 Konto pingaarneq 20.11.70 Suliniutitut nutaanut sillimmatit

1. Suliniutitut nutaat uku; peqqinnissaqarfimmi sulisunut inissiat, aalisarnermut ilinniarnep qaffassarnissaa kiisalu meeqqat tarnimikkut nappaatillit suliniarfigineri, aningaasalersorneqarnissaannut immikkoortitat 2023-mi aningaasanut inatsimmut aamma ilaammata ataatsimiititaliamit maluginiarneqarpoq. Siunnersuummi matumani pineqartumi paasissutissanik nutaanik saqqummersoqanngitsoq ataatsimiititaliaq isumaqarpoq. Suliniutitut siuliani taaneqartut siuariartorfusimasinnaanerit pillugu Naalakkersuisut tigussaaneerusunik paasissutissiisinnappat?

Meeqqanut tarnikkut napparsimasunut suliniuteqarnissaq pillugu apeqqutitut akissuteqarneq, konto pingaarneq 20.11.70:

AIS 24-mut allannguutissatut siunnersuut nassiunneqarpoq, tassanilu kontumi pingaarnermi 20.11.70-mi 3,0 mio. kr.-nik appaasoqassasoq aamma kontumi pingaarnermi, 34.11.03 Dronning Ingridip Napparsimavissua, 3,0 mio. kr.-niniq qaffaasoqassasoq inassutigineqarpoq. Missingersuutitut immikkoortiteriffiginerannut ilanngunneqarpoq: "Konto pingaarneq AIS24-p aappassaaneerineqarnerani nunatsinni meeqqanut inuusuttunullu tarnip tungaatigut sullissinerup nukittorsarnissaanut 3.0 mio. kr.-niniq qaffaaffigineqarpoq Peqqinnissamut Naalakkersuisoqarfik suliniummik ataqatigiissaarissaaq, naalakkersuisoqarfiillu attuumassuteqartut peqataatillugit. "

Peqqinnissaqarfimmi sulisunut inissiat pillugit apeqqummut akissut:

Qatserisut eqqaanni inissialiat 3-k atorneqalerneranni aningaasaqarnikkut sunniutaasussat pillugit naatsorsuinerit inaarutaasut pigineqaleriarpata suliaasaqarfimmut 34-mut aningaasat illikartinneqartut atortussanngortinneqassapput. Inissiat siulliit 2024-p ingerlanerani atorneqalertussatut ilimagineqarpoq. Peqqinnissamut Naalakkersuisoqarfik aningaasaqarnikkut sunniutaasussat naatsorsuiffigineri tunngavigalugit aningaasat atortussanngortinnerannut isummernissamik tunngavissiamik nassiussaqaarniarpoq.

2. Periusissianut aningaasaliissutit pillugit

Ukiumoortumik 20 mio. kr.-it sillimmatitut immikkoortinneqartussatut siunnersuutigineqartut atugassanngortinneqarnissaannut qanoq pilersaaruteqartoqarpa?

Atugassanngortitsinissaq pillugu AIS2024-p aappassaaneerneqarnissaanut Naalakkersuisut allannguutissatut siunnersuummik saqqummiussilersaarpat?
Akissut: Aap, aapparisaq utoqqalinersiani aningaasarsiaasaasa ilanngaaffigineqartarnerannut aningaasat atorunnaarsinnissaat atortussanngortinneqassaaq. Tassungalu ilaavoq imminut toquttarnermut periusissiaq saqqumeqqammersoq ilaavoq, taannalu aningaasanik pisariaqartitsiffiulerumaartoq ilimagineqassaaq. - Periusissiaq pillugu isummernissamut tunngavissiami erseqqissarneqarpoq: 2024-mi 2,8 mio. kr.-nit, 2025-mi 1,5 mio. kr.-nit aamma 2026-imi 2027-milu 1,0 mio. kr.-nit.

3. Puiaasanik utertitseriaaseq pillugu

Aningaasaliissutinut matumani pineqartunut kiisalu eqqagassanik ikuallaasarnermut, tassungalu ilanngullugu Avannaata Kommunia pillugu suliamut tunngatillugu ESANI A/S-ip ingerlatai sumut killippat?

Akissut:

Utertiteriaatsip nutaap aallartisarnissaanut tapiissutinut 2024-mi aningaasaliissutigineqartut illoqarfinnut 2023-mi utertitsisarfinnik nutaanik pisisimangitsunut utertitsisarfinnik pisiortornissamut atorineqassasut naatsorsuutaavoq. Maannalu Tasiilamut, Uummannamut, Ilulissanut, Aasiannut, Sisimiunut, Qaqortumut, Upernavimmut Nuummullu 2023-mi maskiinanik pisiortornissaq pillugu pilersaarut aallaavigalugu sulissuteqartoqarpoq. Pilersaarummi tassani maskiinanik tunniussinissamut periarfissat apeqqaassapput, kisiannili naatsorsuutigineqarpoq illoqarfiit sikumik mattussaasartut ukiup sikuanik mattussaatinnaq tamanna anguneqarsinnaajumaartoq ilimagineqarpoq. Tunniussinissamut atatillugu unammisassanik pilersoaqassagaluarpat maskiinat illoqarfinni umiarsuarnik anguneqarsinnaasuni ikkunneqarumaarput. ESANI A/S Nuummi utertitsisarfinnik annerusumik ikkussinissamut periarfissanik misissuivoq, taannalu aqqutigalugu illoqarfiit Nuup eqqaaniittut sullinneqarsinnaassapput. 2023-mi utertitsisarfinnik 7-nik pisiortornissaq ikkussuinissarluni naatsorsuutaavoq. Illoqarfinni sinneruttuni utertitsisarfinnik pisiortornissaq massakkut aningaasaliissutaasut atorlugit 2024-mi ingerlanneqassasoq naatsorsuutaavoq. Avannaata Kommuniata nuna tamakkerlugu eqqagassanut aqqiissutissanut ilaajumanani toqqarsimavaa. Tamanna utertitsisarfinnut taakkua peqataajumanginnerannut sunniuteqarnaviannigilaq. Taamaammat Avannaata Kommuniati pisiniarfiit ulloq 1. januar 2024 aallartiffigalugu ilaalernissaat periarfissaajuassaaq. Kommunit ataatsimoorlutik eqqagassanut ingerlatseqatigiiffiutaat ESANI A/S Sisimiuni Nuummilu eqqakkanut ikuallaavissanik nutaaliaasunik marlunnik pilersitsiniarluni aallartilluareersimavoq. Ikuallaasarfiit nutaat marluk 2024/2025-mi piariissapput. Ikuallaavissat taakkua nutaat marluusut aningaasalersornissaat inissippat ilaatigut Avatangiisinut Aningaasaateqarfimmit tapiissutit 56 mio. kr.-nit tunniunneqassapput.

4.9 Konto pingarneq 20.30.01 Aningaasaqarnermut Sulisoqarnermullu Aqutsisoqarfik, ASA

1. AIS 2024-mit ukiunilu missingersuusiorfinni sulisorisassatut naatsorsuutigisat qaffariarnerannut suna pissutaava?

Akissut: Ukiut kingulliit ingerlaneranni sulisunik nuutsiterinerit makku kontumiit pingarnermiit aamma kontumut pingarnermut, 20.30.01 Aningaasaqarnermut Sulisoqarnermullu Aqutsisoqarfik, ASA, ingerlanneqarsimapput.

2021-mi Namminersorlutik Oqartussani ilinniartut kiisalu HR pillugu Ineriartortitsinnermut immikkoortortaq Naalakkersuisut Siulittaasuata Naalakkersuisoqarfianut nuunneqarsimapput.

2021-p naalernerani sulisut sisamat Peqqinnissamut Pinaveersaartitsinnermullu Aqutsisoqarfimmiit Aningaasaqarnermut Sulisoqarnermullu Aqutsisoqarfiup sulisunut immikkoortortaqarfianut nuunneqarsimapput. Tamanna pisimavoq atorfininnermut atatillugu isumaqatigiissutit aamma sulisunik suliaqartarnerit Peqqissutsimut Pinaveersaartitsinnermullu Aqutsisoqarfimmiit suliarineqartarnerinut tunngatillugu suliassat nuunnerisigut. Sulisussarsiortarneq sulisoqaannarniarnerlu nuussinnermut tassunga ilaasimannngillat.

2022-mi maajimiit sulisut siusinnerusukkut kontumi pingaarnermi, 20.01.96 Isumaqatiginninniartarnernut Isumalioqatigiissitaq, atorneqarsimasut Aningaasaqarnermut Sulisoqarnermullu Aqutsisoqarfimmut nuunneqarsimapput. Sulisut tamatuma kingorna allannortillugit aqutsisoqarfimmut nuunneqarsimapput, tassanilu ilaatigut isumalioqatigiissitap innersuussutaannut malitseqartitsisarnissamik sulinissaq siunertaasimavoq.

AI2022-p suliarineranut atatillugu sulisunik atuineq kukkusaq ilanngunneqarsimavoq. Tamanna AI2023-mut tunngatillugu iluarsineqarsimavoq. Taamaasillunilu pisortanut 13-inut 2023 aamma 2024-mi allanullu 90-inut kisitsisit eqqortut pigineqalerput.

2. Pisiortortarnikkut Namminersorlutik Oqartussat pisariinnerusumik pisiortortarnissaat qulakkeerneqassasoq Naalakkersuisut paasissutissiissutigaa. Naalakkersuisut manna tikillugu qanoq annertutigisumik sipaaruteqarsimappat?

Akissut: ASA Namminersorlutik Oqartussat sinnerlugit pisiortornissamut isumaqatigiissutinik arlalinnik isumaqatigiissusiortarpoq, soorlu allaffimmi atortussanik pequtinillu pisiortornissamut aamma akunnittarfinnut isumaqatigiissutit pillugit isumaqatigiissutit.

Pisiortornissamut isumaqatigiissutit taakkua immikkoortortamut tunngatillugu pisariaqartitsineq naapertorlugu immikkoortortat atorsinnaavaat. Pisiortornissamut isumaqatigiissutip tigussaasup atornissaani sipaarutissat immikkoortup pineqartup avataniittussaassapput. Suliassaqaqfik massakkut malittarisassanik eqqortitsiffiunersoq misissuiffiqineqarneq ajorpoq. ASA taamatut malittarisassanik eqqortitsisoqartarneranut missueqqissaarnissanik ingerlaavartunik suliaqarnissamut sulisussanik 2023-mi ujarlertarsimagaluarpoq. Taamaakkaluartoq atorfinnuttut inuttassarsiukkamut inuttaliinissaq periarfissaqarsimannngilaq. Taamaammallu sipaarutissanut pilersimasunut erseqqissumik kisitsisiliissalluni ajornakusoorsimavoq. Taamaattorli nalilerneqarpoq suliassaqaqarfimmut ataqatigiissaarineq unammilleqatigiittarnerlu malunnartumik sipaarnernik kingunekarumaartut, pisiortortarnermut atatillugu akinut allaffissornermullu tunngatillugu.

3. Sulisorisassatut naatsorsuutigisat amerleriarsimapput. Tamanna Namminersorlutik Oqartussani allaffissornerup annikillisinniarnernanut qanoq naapertuutsigiva?
Akissut: Apeqqut nr. 1 4.9 Konto pingaarnernup, 20.30.01 Aningaasaqarnermut Sulisoqarnermullu Aqutsisoqarfik, ataaniittup akineqarneranut aallarniutigalugu innersuussuteqartoqarpoq. Taamaasilluni Namminersorlutik Oqartussat ataatsimoortillugit iluani allaffissornerup annertusaaffiginissaa matumani pingaarnertut pineqannngilaq, kisiannili Namminersorlutik Oqartussani immikkoortut akornanni allaffissornerit pioreersut allannortinnissaat pineqarluni.

4.10 Konto pingaarneq 20.30.04 Sulitilluni ajoqusersinnaanermut sillimmasersimasussaataaneq kiisalu angalanermut ajutoorsinnaanermullu inatsisit naapertorlugit sillimmasersimasussaataaneq

Sillimmasiinermit aqqissuussinerit aqqtigalugit aningaasat qanoq amerlatigisut Namminersorlutik Oqartussanut utertarnersut paasissutissiissutigineqassasoq ataatsimiititaliamit kissaatigineqarpoq.

Akissut: Matumani sillimmasertarnissamut aqqissuussinermit inatsisitigut pisussaaffiusumut aningaasartuutit pineqarput, taakkunanilu sulisunut tamanut Namminersorlutik Oqartussat sillimmasiisarlutik. Taamaasilluni matumani aqqissuussineq Namminersorlutik Oqartussat aningaasanik utertitsiffigineqarneq ajorneranik kinguneqartoq pineqanngilaq.

4.11 Konto pingaarneq 20.30.07 Boligstøtte, ernianut akilersuutitut tapiissutit

Taarsigassarsinerit qassit atorunnaarsimanersut qassillu sinnerunnersut paasissutissiissutigineqassasoq ataatsimiititaliamit kissaatigineqarpoq?

ASA/EGSK

4.12 Konto pingaarneq 20.30.09 Sulisunik utaqqiisaasumik najugaqartitsisarneq

1. Naalakkersuisoqarfimmi assigiinngitsuni sulisut qanoq taarserartigisimanerat, tamatumalu annikillisinneqarnissaanut Naalakkersuisut qanoq pilersaaruteqarnersut paasissutissiissutigineqassasoq ataatsimiititaliamit kissaatigineqarpoq?

Akissut: Piffissami 2020-mi aggustimiit 2023-mut inissianut aallagartaliissutit Utaqqiisaasumik Najugaqartitsinermit tiguneqartut inissianullu ingerlatseqatigiiffinnut nassiunneqartut amerlassusaat makkuupput:

2020: 115-it

2021: 177-it

2022: 101-it

2023: 91-t (aggusti ilanngullugu)

Inissianulli allagartaliissutit amerlassusaat siuliani taaneqartut Naalakkersuisoqarfimmi suliaasaqarfimmut assigiinngitsunut sanillersuunneqarsinnaanngilaq. Atorfiit taamaasillutik inissiertalerlugit inissiertalernagilluunniit inuttassarsiorneqarsinnaapput. Tamatuma saniatigut Peqqinnissaqarfik nammineerluni inissianik peqareermat erseqqissassallugu pingaaruteqarpoq.

Qitiusumik Allattoqarfimmi Peqqinnissaqarfimmi qaammammusalinnut atorfinitsitsinermit isumaqatigiissutit suliarisarnissaannut Aningaasaqarnermut Sulisoqarnermullu Aqutsisoqarfimmi sulisunut immikkoortortaarfik akisussaasuvoq. Suliffeqarfiit namminersortitat Nukissiorfittut Asiatullu ittut namminneerlutik atorfinitsitsinermit isumaqatigiissutinik suliaqartarput. Sulisut amerlassusissaannut tamarmiusunut takussutissamik qaammammusalinnut akunnermusialinnullu tunngatillugu nassaassaqqanngilaq. Tamatumunnga ilaatigut tamakku nalunaarsortarnissaannut atortumik massakut pigisaqartoqannginnera pissutaavoq.

2. ASA-p sulisorisanut inissianik innersuussisarnermit suliasamik isumaginninnera suliaasaqarfimmi immikkoortortanut siunnersuisarnera naliliivigineqarsimappat?

Akissut: ASA-p sulisunut inissianik tunniussisarneranut imaluunniit tamanna pillugu siunnersuisarneranut suliassanik isumaginninnissaanut nalilersuisoqarsimananilu misissueqqissaartoqarsimangilaq. Isumaqarnarporli aaqqissuussineq immini naammaginartumik aqunneqartoq, kisiannili ataatsimut isigissagaanni sulisunut inissiat amerlanerusut pissarsiarinissaannut kissaateqartoqartoq. Taamaattorli sulisunut inissiat qassit tunniunnissaanni apeqqutaasussanngorpoq inissiat qassit Namminersorlutik Oqartussat inissiaataanniittut piffissap ingerlanerani inoqartassannginersut.

3. Suliassa qarfiit aalajangersimasut aaqqissuussinermik immikkut atuinerusarpat?

Akissut: Immikkoortuniit sorlerniit inissianut inniminniissutinik tigusaqartoqarsimaneranut, taakkuninngalu inissiaatileqatigiiffinnut ingerlatitseqqittoqarsimaneranut takussutissamik massakkut pigisaqartoqanngilaq. Inissianut normunik agguataarisarneq naalackersuisoqarfimmi aqutsisoqatigiinni aalajangiinerup kingorna pisarpoq, agguariaaserlu aalajangersagaq naapertorlugu tunngaveqartarluni, tassanilu ilaatigut inissiap angissusissaa Naalackersuisoqarfimmi pineqartumi, pisariaqarsimappallu suliniuteqarfimmi allami eqqarsaatigineqartarpoq. Naalackersuisoqarfik inissiamut normumik pineqartumik atorfissaqartitsisimangippat normu pineqartoq Naalackersuisoqarfimmi allami tamatuminnga pisariaqartitsisinnaasumi amerlanertigut atorneqartussaavoq.

4.13 Konto pingaarneq 24.01.01 Akileraartarnermut Aqutsisoqarfik, allaffissorneq

Digitaliseeriinerup annertunerulernera akiligassatigut kinguaattoorutit ikilinerannik kinguneqassannginnami? Akiligassatigut kinguaattoorutinik akiliisitsiniarneq pillugu suliniuteqarnissamut pilersaarusiornissaq qanoq ingerlava?

Akissut:

Digitaliseeriineq inuiaqatigiinni ataatsimut atorneqalersimammat eqqortuuvoq. Atortunik nutaanik piviusunngortitsinerit periarfissallu nutaat Nemkonto-tut, eBoks-itut aamma MitId-itut ittut ataatsimoorlutik innuttaasunik suliffeqarfinnillu ajornannginnerusumik attaveqartarnissamik pilersitsipput.

Taamaattorli innuttaasunut suliffeqarfinnullu allakkanik eBoks atorlugu nassitsisarnermut tunngatillugu innuttaasut akiitsuusa akilersinniartarnerannut tunngatillugu iluaqutissartaqarpoq.

Akiliisitsiniartarnermut atortup nutaap Prisme-miittup piviusunngortinnerani paasissutissat atortarnissaannut periarfissat tassunga peqatigitillugu sukkanerulerlutillu sunniuteqarnerulissapput.

Ullumikkut suleriaatsit arlallit atortutigut sukkanerulersimapput, tamatumalu kinguneraa sukkanerusumik sulianik suleriaatsinillu suliaqartoqarsinnaassammata, taamaasillunilu sukkanerusumik akiliisitsiniartarnernut tunngatillugu alloriarfissat aallartinneqarsinnaassammata. Tamannali isumaqanngilaq ingerlaannaq aningaasanik amerlanernik akiliisitsiniartoqarsinnaalissasoq akiitsuullu ikinnerusut pigilerlugit, tassami inunnut ataasiakkaanut immikkut nalilersuinerit suliarineqartartussaapput, soorlu pinngitsaaliilluni akiliisitsiniartarnissamut immikkut isummertoqartartussaammata.

Suleriaatsit siusinnerusukkut assaannarmik suliarineqartartut automatiskinnngortinneqarsimapput, tamannalu aqutitigalugu aqutsisoqarfimmi akiliisitsiniartartut akiitsulinnut ataasiakkaanut sulianik suliaqarnissamut ajornannginnerusumik suliaqarsinnaalissapput.

Akileraartarnermut Aqutsisoqarfik suleriaatsiminik pitsanngorsaaniarluni sulissuteqartuarpoq. Assersuutitut taaneqarsinnaavoq aqutsisoqarfik 2023-mi juunip

qaammataata ingerlanerani Prisme-mi ator tumik piviusunnngortitsisimammat, taannalu atorlugu akiitsullit aningaasarsiallit ilanngunnissaat ajornannnginnerulerpoq. Tamanna suliniutissanik aallartitsinissat akissarsianik ilanngaasarnissamut isumaqatigiissutitut ittut sukkanerujussuarmik suliarisarnissaannut periarfissiivoq imaluunniit akiliisarnissamut isumaqatigiissusiornissamut periarfissiilluni.

4.14 Konto pingaarneq 24.01.16 Sulisitsisunit annaasat

N 2022-p aamma AIS 2024-p akornanni ilanngaaseereerluni isertitat soq taama nikerartiginerat paasissutissiissutigineqassasoq ataatsimiititaliamit kissaatigineqarpoq. Akissut: Tassani paatsoorneq pineqarunarpoq. Taamaasilluni N 2022-p aamma AIS 2024-p akornanni 13.000 kr.-ninik assigiinnginneq matumani pineqarpoq.

4.15 Konto pingaarneq 24.06.14 Sulinermut Ilangaat

1. Sulinermut ilanngaati ukiumoortumit qaammatikkaartunngorlugu naatsorsorneqartalernissaanut allannguiniarnerup killiffia paasissutissiissutigineqassasoq ataatsimiititaliamit kissaatigineqarpoq.

Akissut:

Sulinermut ilanngaati ingerlaavartumik tunniuttarnissaanut sulisarnissamut ator tussamut nutaamut missingiut pigineqarpoq, ator tumili tassani piffissap ilaani aalajangersimasumi sulisarnermi imaluunniit inuussutissarsiortut sulisut ilannguttarnissaat ajornakusoortussaavoq, tassani aningaasarsiat ukiumut aningaasarsiorfiusumut akuttoqatigiissaarlugit agguataarneqarsimatinnagit. Taamaammat ukiup aallartinnerani sulinermut ilanngaati tunniuttarnissaanut malunnartumik ulorianaatit pilersussaassapput, kisiannili kinguneratigut takuneqarsinnaalerluni aningaasarsiat naatsorsuutigisamiit amerlanerujussuusut. Tamanna aaqqissuussinerup aqutsivigineranut malunnartumik qaffaasussaavoq. Taamaattoqarmallu Naalackersuisut siunnersuutigilersarpaat ator tumik suliaqarnissamut suliassaq sulinermut ilanngaammik ingerlaavartumik naatsorsuisinnaasoq tunniussisinnaasorlu taamaatiinnarneqassasoq. Aningaasaqarnermut ataatsimiititaliaq siusinnerusukkut tamanna pillugu isummernissamut tunngavissiamik suliarisassamik tigusaqarnikuvoq.

2. Suliassami kisitsisissatut naatsorsuutigisanut takussutissiami taaguut Tusass A/S pinnagu taaguutip Tele Greenlandip ator neqarsimanera ataatsimiititaliamit eqqumaffigeqquneqassaaq. Akissut: Aningaasanut inatsisissatut siunnersuutip aappassaaneerneranut atatillugu allannguutissatut siunnersuummik suliaqartoqarumaarpoq, tassanilu kukkuneq tamanna iluarsineqarumaarpoq.

4.16 Konto pingaarneq 24.10.12 Ingerlatseqatigiiffiit akileraarutaat, Namminersorlutik Oqartussat suliffeqarfutaat

Ukiunut missingersuusiorfiusunut kisitsisit soq taama isikkoqarnerisut itisilerneqassasoq ataatsimiititaliamit kissaatigineqarpoq?

Akissut: Akileraartarnermut Aqutsisoqarfiup Naalackersuisut Siulittaasuata

Naalackersuisoqarfiani Ingerlatseqatigiiffinnut Allattoqarfik qanimut suleqatigalugu ukiumut aningaasanut inatsiseqarfiusussamut tullermut ingerlatseqatigiiffinnut naatsorsuutigisatut akileraarutissat suliffeqarfinniit Namminersorlutik Oqartussanit pigineqartuneersut ukiut tamaasa missingertarpei. Ingerlatseqatigiiffinnut Allattoqarfiup ingerlatseqatigiiffinnut ataveqartuarnermigut ingerlatseqatigiiffiit sunik naatsorsuuteqarnerisut

ilisimasaqarfigilertarpai. Ingerlatseqatigiiffinnut akileraarutini ineriartortoqarnissaanut naatsorsuutigisassat siumut oqaatigiuminaassinnaammata 2024-mut naatsorsuutigisat allanngortinnagit ukiumut missingersuusiorfusunut siumut naatsorsuiffigineqarput, tamannalu 2024-mi kisitsisit ilisimasatut missingiinerunnerannut oqariartuutaavoq. 2025-mut siunissamullu kisitsisit 2025-mut AIS-p tullinnguuttup suliarinissaanut atatillugu nalilersoqqinneqarumaarput.

4.17 Konto pingaarneq 24.11.13 Umiarsualivimmiinnermut akileraarutit

1. Umiarsualivimmiinnermut akileraarutit pillugit Inatsisartut inatsisaata allanngortinnera pillugu Inatsisartut inatsisissaannut Naalakkersuisut siunnersuutaata (Umiarsuarni takornarianik angallassisuni ilaasut akileraarutaannik atuutilersitseqqinneq), 2024-mi ukiakkut ataatsimiinnermi oqaluuserisassanut ilanngunneqartup, kingunerisaanik Naalakkersuisut allannguutissatut siunnersuuteqarnissaat ataatsimiititaliamit naatsorsuutigineqassava?

Akissut: Inatsisip atuutilernissaata ulloq 1. januar 2024-mut siuartinnissaa pillugu aalajangiineq - siunnersuummut tusarniaanerup takussutissartaanut tunngatillugu - siunissami nalorninartoqarluni umiarsualivimmiinnermut akitsuummiit 10 mio. kr.-nit missaannik iluanaaruteqarnerunissamut tapiijumaartoq nalilerneqarpoq.

Iluanaaruteqarnerunermi umiarsuarnut takornariartaatinut akitsuutip eqquteqqinnera aamma umiarsuarnut takornariartaatinut angisuunut umiarsualivimmiinnermi akitsuut marloriaatinngortoq ilaatinneqarput.

2024-mulli tunngatillugu iluanaaruteqarnerunerit 20-30 mio. kr.-ninet qaninnerussasut nalilerneqarpoq, tassami takornariartitsisarnermik inuussutissarsiuteqartut akitsuutit qaffaaffigineranni suliasatik naleqqussarniarlugit angumerisinnaanaviannngimmatigik.

Siuliani taaneqartut takutitsiffiunissaat siunertaralugu aningaasanut inatsisissatut siunnersuutip aappassaaneernejarneranut allannguutissatut siunnersuut saqqummiunneqarumaarpoq.

2. Inatsisartut inatsisissaattut siunnersuummi siunnersuummi tassani siunnersuutigineqarpoq avatangiisinut aserfallatsaaliuinerumullu akiliisitsissummik, umiarsualiveqarnermut oqartussaasunit akilersinniarneqartartussamik, aalajangersaanissamut kommunit periarfissinneqassasut. Tamatuma kommuninit qanoq annertutigisumik isertitaqarfiusussatut Naalakkersuisunit naatsorsuutigineqarpa?

Akissut: Sumiiffiit sorliit avatangiisinut iluarsaasarnermullu akileeqquneqassanersut kommunit ataasiakkaat aalajangertussaavaat. Kommunit akiliutissap qanoq annertiginissaanut aalajangersaasarput (taamaattoq takornariartaammut ilaasumut ataatsimut tulannermullu ataatsimut annerpaamik 50 kr.-nit). Kisianni 2022-misuulli takornariartaatinut ilaallutik tikeraartut amerlatigitillugit naatsorsuuteqarnermi aammalu kommunit agguaqatigiissillugu umiarsuit tikittarneri marluutillugit aamma sinerissamut pinngortitamulluunniit minnerit 5-t assigiinngitsuutillugit annerpaamik akiliuteqartarnissamut aalajangersaasinnaanerminnik toqqaasinnaassappata tamanna nalorninartoqartillugu kommuninut ukiumut 15 mio. kr.-nit missaannik isertitsissutaasinnaassaaq.

4.18 Konto pingaarneq 24.11.14 Naqissusiinermut akitsuutit

Naqissusiinermut akitsuutip akilerneqartarnera nunatta eqqartuussivia aqcutigalugu pisanunnaarlugu qitiusumut toqqaannartumik akilerneqartalissagaluarpat qanoq kinguneqassava?

Akissut: Naqissusiinermut akitsuutit naatsorsuiffigineqartarnerat Akileraartarnermut Aqutsisoqarfimmi qitiutinneqareemat paasissutissiissutigineqarsinnaavoq.

Nunatta Eqqartuussivia ullumikkut ilaatigut illuutini aalaakkaasuni il.il., taamaasillunilu illuutini, umiarsuarni, biilini il.il. inatsisitigut sullissisinnaanerup, nalunaarsuisarnerup qulakkeertarnissaannik sulianik suliarinnittartuuvoq. Naqissusiinermut akitsuut toqqaannartumik Akileraartarnermut Aqutsisoqarfimmut akilerneqartarpoq.

4.19 Konto pingaarneq 24.11.23 Nukissiornermi ikummatissat avatangiisinut akitsuutaat

Ingerlatseqatigiiffiit tunisisarnermik ingerlatallit ikummatissanik tunisaqarnerminnit sinneqartooujussuurtut soq kontomi pingaarnermi matumani isertitat amerlanerunnigillat?

Akissut: Avatangiisinut akitsuummik dieselimut, benzinamut tunisassianullu assingusunut literimut aalajangersimasumik 10 øre akiliutigineqartarpoq. Taamaammatt ikummatissanut Kalaallit Nunaanni atuineranut tunineqartumut akitsuutip akillu akornanni ataqatigiittoqanngilaq. Taamaammallu ikummatissanik tuniniaanermi sinneqartooujussuurtut tunisassianullu assingusunut toqqaannartumik ataqatigiittoqarnissaa pilersinneqarsinnaanngilaq.

4.20 Konto pingaarneq 24.11.24 Aatsitassanit, sermermit imermiillu akitsuutit

Konto pingaarnermi matumani isertitat ineriartorfiunnginnerannut suna pissutaava?

Akissut: Konto pingaarneq kontuuvoq ataatsimoorussa, tassanilu aatsitassarsiornermiit kiisalu sikumik imermiillu suliniutinut akitsuutit aqcutigalugit isertitaasinnaasut tigusarnissaannut aningaasaliissutit qulakkeerneqarsimapput.

Suliassaqarfimmi isertitaqarnissamut massakkut naatsorsuuteqartoqanngilaq. Ullumikkut atuinnissap nalaani suliassanik taasarialinnik peqanngilaq, tassalu aatsitassarsiornermut aamma sikumut imermiillu suliassaqarfimmut tunngatillugu.

Aatsitassanik imaluunniit sikumik imermiillu atuinnissaq pillugu isumaqatigiissusiornermi akiliutit sorliit Namminersorlutik Oqartussanut tussanersut aalajangersaasoqartarpoq.

Tassunga ilanngullugit tunisassiornermut akitsuutit imaluunniit pissarsianut akitsuutit akilertarnissaat pillugu piunnaasaqatit aalajangersarneqarput.

Tamatuma saniatigut aatsitassarsiornermiit isertitaasinnaasut kontumiit pingaarnermiit tassanngaanniit aatsitassanut aningaasaateqarfimmut toqqaannartumik nuunneqartarmata taaneqarsinnaavoq.

4.21 Konto pingaarneq 24.11.27 Aalisarnermi pisuussutinik iluaquteqarnermi akitsuutit

1. Konto pingaarnermut matumunnga oqaasertaliussaartoq missingersuutinut ilanngussami aallarniutigineqarpoq, taannali ilanngunneqarsimanngilaq. Tamatumunnga suna pissutaava?

Akissut: Kontumut pingaarnermut oqaasertaliussanik ilanngussisoqarsimanera missingersuutinut ilanngussami kukkusumik ilanngunneqarsimavoq. Aningaasanut inatsisissatut siunnersuutip aappassaaneerneranut atatillugu allannguutissatut siunnersuummik suliaqartoqarumaarpoq, tassanilu kukkuneq tamanna iluarsineqarumaarpoq.

2. Nunarsuarmi niuerfinni akit qaffasinnerat eqqarsaatigalugu konto pingaarnermi matumani isertitassatut aningaasaliissutit qaffasinnerutinneqannginnerannut suna tunngaviua?

Akissut: Aalisakkanut tunisassianut nunarsuarmi niuerfinni akit Covid-imik 2020-mi 2021-milu atugaqarnerup nalaani 2019-imut sanilliullugu appararfiusimapput. 2021-p kingorna akit qaffakkiartoqqilersimapput, qaffasissutsimullu 2019-mit qaffasinnerulaartumut anngussimallutik.

Taamatut akit qaffannerat AIS2022-mi, AIS2023-mi massakkullu AIS2024-mi isertitassatut aningaasaliissutini ilanngullugit naatsorsuiffigineqarsimapput. Aalisakkanullu akit oqaluttuarisaanikkut allanngorartuurtuummata nalorninarpoq ullumikkutut qaffasissuseqarlutik ingerlaannassanersut. Taamaasilluni massakkorpiaq aalisakkanut pingaarutilinnut akit apparartortut takuneqarsinnaapput.

Taamaammat AIS2024-mut ukiunullu missingersuusiorfiusunut isertitassatut aningaasaliissutissat missingersuusiorfigineranni akit naatsorsuutigisat mianersortumik missingerneqarsimapput, akinullu ilisimaneqartunut kingullernut tunngatillugu appasinnerusumut inissinneqarsimallutik. Tassani ilaatigut 2023-p kvartaliata aappaani akit 2022-mi agguaqatigiissillugu akinut aamma 2023-mi kvartalip siulliani akinut sanilliullugit apparialaarsimapput. Taamatuttaaq qaleralinnut avataasiorluni pisassiissutini naatsorsuutigisamik apparartoqarnissaa AIS2024-mut isertitassatut aningaasaliissutinik ammut iluarsiinissamut tapeeqataasussaavoq.

Akilerartarnermut Aqutsisoqarfiup novembarip qiteqqunnerani aalisakkanik tunisassianut akit 2023-p kvartalit pingajuannut tunngasut inissereerpagit isertitassatut aningaasaliissutit nalilersorneqarumaarput, pisariaqassappallu kukkunersiuiiffigalugit, tassalu akit ineriartorfiunerat naatsorsuutigisamiit arlaatigut pitsaanerulersimappat.

5. Suliassa qarfik 30, Meeqqanut, Inuusuttunut Ilaqutariinnullu Naalakkersuisoq

5.1 Konto pingaarneq 30.01.01 Meeqqanut, Inuusuttunut Ilaqutariinnullu Naalakkersuisoqarfik

Ilaqutariinnut inatsiseqartitsineq aammalu kingornussisussaataitanermut inatsiseqartitsineq, inatsiseqarnikkut sulii nunatsinnit tiguneqanngitsut, Naalakkersuisoqarfimmit isumagineqartut ataatsimiititaliamit maluginiarneqarpoq. Inatsiseqarfik nunatsinnit sulii tiguneqanngimmat suliassa qarfinnut taakkununga aningaasartuutit Naalagaaffimmit akilerneqartanermut paasissutissiissutigineqassasoq ataatsimiititaliamit kissaatigineqarpoq.

Akissut: Aap. Ilaqutariinnut inatsiseqartitsinermut kingornussisarnermullu inatsiseqartitsinermut aningaasartuutit Naalagaaffimmiit akilerneqartarput.

5.2 Konto pingaarneq 30.01.02 Isumaginninnermut Aqutsisoqarfik

Isumaginninnikkut suliassa qarfinnut kalaallit-danskit suleqatigiinnerat 2019-imi pilersinneqarpoq. Suleqatigiinnermut naalagaaffiup karsia ukiunut sisamanut agguataarlugu 80 mio. kr.-inik aningaasaliissuteqarpoq. Kiisalu meeqqat inuusuttullu ulorianartorsiortut pillugit suleqatigiinnerup nukittorsarneqarnissaanut ataatsimoortumik tapiissutinut tunngatillugu kommunit 2021-mi isumaqatigiissuteqarfigineqarput. Suliniutit taakku aallartinneqartut sumut killippat aningaasallu taakku sumut ator neqartarpat?

Akissut: Naalakkersuisut.gl-imi Kalaallit Nunaanni meeqqanut inuusuttumullu atugarliortunut pitsaaneruseqarnerumik suliniuteqartoqarnissaanut Kalaallit danskillu suliassa qarfiit assigiinngitsut aqqutigalugit suleqatigiinnerat 2020-2023 kiisalu suliniutinut 16-iusunut ukiup affakkaarlugu suliarineqartarput siuariartorfiunerat pillugu killiffinnut nalunaarusianut saqqummersitat tamanut saqqummiunneqarsimapput.

Takunnittoqarsinnaanissaa anguniarlugu suliassanut pingaarnernut ingerlanneqartunut imaluunniit Isumaginninnermut Aqutsisoqarfimmiit aallartinneqarsimasunut aammalu aningaasat sunut ator neqarsimanerannut killiffik skemami tullinnguuttumi takutinneqarpoq. Ataatsimoortumik tapiissutit pillugit isumaqatigiissut, tassani kommunit namminneerlutik meeqqanut suliassa qarfinni suliniuteqarnerisa pitsanngorsarnissaanut piffissami 2022 - 2024-mut ukiumoortumik 5 mio. kr.-inik tigusisarlutik, taakkunungalu sulianik suliarinnittanermut ikior neqarneq ilanngullugu, Naalakkersuisut nunatsinnilu kommunit akornanni isumaqatigiissutaavoq.

Suliniut	Aningaasat suliassanut ator neqartut
<p><i>Suliniut 1: Immikkut atugarliortut qitiutillugit angajoqqaat piginnaasaasa nukittorsarnissaat</i></p>	<p><i>-Ilaqutariinnut immikkut sunnertiasunut iluaqutaasussamik tapersersuinissamat/MANU-mi ataqatigiissaarinnissamat 2023 tikillugu kommunini ator finitsitsisoqarsimavoq. -Meeqqamat 5-6-nik ukiulimmut MANU-mi ator tussanik ineriartortitsisoqarsimavoq. -Isumassarsiamut MANU+-mut oqaloqatigiittanermut kortip ineriartortitsiffiunera naammassingajalerpoq. -Innuttaasunut inunnullu ilisimasalinnut MANU app-ip ineriartortitsiffiunera aallartissimavoq. - Nunatsinni inunnut ilisimasalinnut MANU-mi ilinniartitsisartunut qarasaasiakkut ilinniarnissamat iserfissaq naammassingajalerpoq.</i></p>

<p><i>Suliniut 2: Kommunini sulianik suliarinnittartut peqqinnissakkullu Siusissukkut Suliniuteqarnermi sulisut suliamikkut ilisimasallit akornanni suliassa qarfiit assigiinngitsut aqutigalugit suleqatigiinnerup nukittorsarnissaa.</i></p>	<p><i>-Nuna tamakkerlugu isumasioqatigiissitsineq 2022-mi ingerlanneqarsimavoq, matumani inuit ilisimasallit akornanni suleqatigiinnerup nukittorsarnissaa anguniarlugu. Isumasioqatigiissitsineq alla 2023-mi sapaatip akunnerani 40- mi ingerlanneqarumaarpoq. -Innuttaasunut Siusissukkut Suliniuteqartarneq pillugu nuna tamakkerlugu qaammarsaanissaq ineriartortinneqarsimavoq. -Siusissukkut Suliniuteqartarnermut najoqutassap ineriartortitsiffiunera naammassingajalerpoq. - Nunarput tamakkerlugu Siusissukkut Suliniuteqartarnermut sulisunut ingerlaavartumik siunnersuisoqartarlunilu tapersersuisoqartarpoq.</i></p>
<p><i>Suliniut 3: Ulluunerani neqeroorutini sulisut pikkorissarneqarnissaat piginnaasaasalu ineriartortinneqarnissaat</i></p>	<p><i>-Ulloq manna tikillugu nunarput tamakkerlugu ulluunerani neqeroorutini sulisut 570-nik amerlanerusut qaffassarneqarsimapput, taakkunungalu nuna qarfiit savaate qarfillu ilaapput. -Illoqarfinni sinneruttuni aappasaanik ulluunerani neqeroorutini sulisut qaffassaaffiginerat 2023-p ingerlanerani naammassineqassaaq. -Sapaatip akunnerani 39-mi sulianut pisortat naapeqatigiissapput, tassani meeqqat atuarfianut suliassa qarfimmi aqutsisoqarfinnik siunissami suleqateqarnissaaq qitiutinneqassalluni.</i></p>
<p><i>Suliniut 4: Meeqqanut suliassa qarfimmi nammineq kajumissutsimik suliniuteqarnermut sinaakkusiussat pitsanngorsakkat</i></p>	<p><i>-Nunatsinni kattuffinnut tamanut nittartagaq takunniffiusinnaasoq suliarineqarsimavoq, tassanilu amerlanertigut piumassutsiminnik sulisut, innuttaasunik atuisut, kattuffiit, aningaasaate qarfiit il.il. peqataatinneqarput. -2022-mi kattuffiit, piumassutsiminnik sulisut, inuussutissarsiortut, Naalakkersuisut kommunillu annerusumik isumasioqatigiissinneqarsimapput. - Piumassutsimik sulisunut attaveqaatit pillugit ataatsimiinnerit pikkorissaanerillu ingerlaavartut ingerlanneqarsimapput. -Piumassutsimik sulisarneq pilerisaarutiginiarlugu qaammarsaanerik ineriartortitsisoqarsimavoq. -Piumassutsiminnik sulisut, suleqatigisat il.il. oqallisiginissaat pillugu kommunini tamani ataatsimiinnerit ingerlanneqarsimapput, atorfimmullu atatillugu angalanerit ingerlanneqarsimallutik. -2023-p ingerlanerani piumassutsimik sulisunut ilitersuiner mut video-t suliarineqarsimapput. -Piumassutsimik sulisut suleqatigisat, siunnersuisartut allallu tapersersuiiffigineqarput.</i></p>
<p><i>Suliniut 5: Meeqqat inuusuttullu pillugit suliat</i></p>	<p><i>-Sulianut ilaqutariinnullu suliaqartarnermut ikiuinerit kommunini pilersaarute qarfiusuni tamani ingerlanneqarsimapput.</i></p>

<i>suliarineqarsimangitsut ikilisarneqassapput.</i>	
<i>Suliniut 6: Kommunini sullissinermik tapersersuineq</i>	<ul style="list-style-type: none"> -ESDH-imik aqutsissut <i>Get Organized</i> kommunini 5-ni tamani atorneqalereerpoq. - Kommunini tamani inatsisinut pikkorissartitsinerit ingerlanneqarsimapput. - Suli at kinguaassiuutitigut atornerlunneqarnermut tunngasut suliarisarnissaat pillugit sulianik suliarinnittartunut inunnullu ilisimasalinnut pikkorissartitsinerit ingerlattarnissaat aallartissimavoq. -2023 angullugu ilitsersuinnermut video-t suliarineqassapput.
<i>Suliniut 7: Isumaginninnikkut meeqqanut inuusuttunullu suliassaqarfimmi qaffassaasarnissanut piginnaasanillu ineriartortitsinissamut neqeroorutit pioreersut pillugit takussutissiaq.</i>	<ul style="list-style-type: none"> - PI/SPS suleqatigalugu nunatsinni sulisut piginnaasatigut ineriartortitsiffiqarsimapput. -Pikkorissarnissanut takussutissiaq sularineqarsimavoq, taannalu ingerlaavartumik nutarterneqartarpoq. -Kommunit pikkorissartitsinernik pisariaqartitsinerat qulaajarneqarsimavoq. -Pikkorissartitsinissanut isaavissap naamassiniarnissaa pilersinnissaalu 2023-p naanissaa tikillugu ingerlanneqassaaq.
<i>Suliniut 8: Meeqqanut ornittakkat pilersinnissaannik misiliineq</i>	<ul style="list-style-type: none"> -Ornittakkat Sisimiuni, Ilulissani, Nanortalimmi, Tasiilami Aasiannilu pilersinneqartut kommuninit ingerlanneqarput. -Nalunaarsuisarnermut skemat ingerlaavartumik malinnaaffiqineqarput, taakkunanilu meeqqat ornittakkanik atuisut amerlassusaat takutinneqarput. -Ornittakkani ataqatigiissarisut ingerlaavartumik ataatsimeeqatigineqartarput.
<i>Suliniut 9: Ilaqutariinnut sullissiviit suliniutaat meeqqanut inuusuttunullu atugarliortunut taakkualu ilaqutaannut sammitinneqassapput.</i>	<ul style="list-style-type: none"> -Ilaqutariinnut sullissivinnut nuna tamakkerlugu isumasioqatigiissitsinerit pingasut ingerlanneqarsimapput. Nuummi oktober 2021-mi, Sisimiuni maj 2022-mi, Qaqortumi juni 2023-mi. Tassani piginnaasanik ineriartortitsineq, siunnersuisarnerit/attaveqaatit ilaqutariinnillu sullissiviit pisariaqartitaasa qulaajarnissaat qitiutinneqarsimapput. -Faglig Grund Profilmik taasaq naamassingajalerpoq. -Ilaqutariinnut sullissiviit pillugit nalunaarutissaq 2023-p naajartornerani piariissasoq naatsorsuutigineqarpoq. - Ineqarfiit pillugit nassuiaatissaq suliarineqarpoq.
<i>Suliniut 10: Meeqqanut inuusuttunullu inuuniarnermikkut atugarliortunut kinguaassiuutimikkullu atornerlunneqarsimasunut katsorsaannissamut</i>	<ul style="list-style-type: none"> -Illoqarfinni arfinilinni katsorsaasoqarsimavoq (illoqarfinni tamani ukiumik ataatsimik sivissusillit), illoqarfinnilu pingasuni nutaani katsorsaanerit aallartingajalerput. -Illoqarfinni assigiinngitsuni katsorsaanerit atatillugu inunnik ilisimasalinnik pikkorissaasoqarsimavoq. -Meeqqat katsorsaaviginerisa saniatigut inersimasut meeqqanut atassutillit tarnikkut katsorsarneqarsimapput.

<p>neqeroorutit pitsanngorsarneqassapput</p>	<p>-Sapaatip akunnerani 43-mi kingunerluutit pillugit Kalaallit Nunaanni tarnip pissusaanik ilisimasalinnut aamma inunnut ilisimasalinnut attuumassutilinnut tamanut isumasioqatigiissitsineq ingerlanneqassaaq.</p>
<p>Suliniut 16: Inersimasunut, meeqqat inuusuttullu 18-it inorlugit ukiullit kinguaassiuutaasigut kannguttaatsuliortartutut pissusilersortartunut, katsorsaavimmik pilersitsineq</p>	<p>-Katsorsaasarfik Klinik Killiliisa 2022-mi januarimiilli ingerlasimavoq, tassanngaanniillu innuttaasunik katsorsaanerit ingerlajuarsimapput. -Suliassa qarfik pillugu paasititsiniaanissamut atortussat suliarineqarsimapput. -Suliffe qarfiit sullinneqartunik suliaqartut akimorlugit suleqatigiinnerit aallartissimapput. -Massakkut sullitassat neqeroorullu pillugit paasissutissat amerlanerit suliarinissaat qitiutinneqarpoq.</p>

1. Suliniutit taakku ingerlaqqinnissaat eqqarsaatigalugu Naalakkersuisut allanik oqaaseqaatissaqarpat?
Akissut: Suliniutinut tunngatillugu suleriaqqinnissamut tunngatillugu Isumaginninnermut Aqutsisoqarfimmi suliniutissanut tamanut inissisimanissamut pilersaarutit suliarineqarsimapput. Inissisimanissamut pilersaarutini suliniutissanut piffissaliussap ullormi 31. december 2023 atorunnaarnerata kingorna suliniutit pitsaanerpaamik inissinneqarnissaasa qulakkeernissaat siunertarineqarpoq.
2. Sulisorisassatut naatsorsuutigisani allassimavoq AI2023-mut sanilliullugu AIS2024-mi ukioq naallugu sulisorisassat 30-nik ikinnerunissaat naatsorsuutigineqartoq. Sulisorisat taama annertutigisumik allannguuteqarnerannut suna pissutaava aammalu akissarsianut aningaasartuutit assinganik ikilinnginnerat qanoq paasisariaqarpa?
Akissut: Kukkusoqarneratigut ukiuni siusinnerusuni sivikitsumik atorfeqartitaasut sulisullu aningaasanut inatsimmi allami inissinneqarsimasut, taamaasillutillu marloriaammik ilanngunneqarsimasut, ilanngunneqarsimapput.
Tamatuma saniatigut aqutsissummi kukkusumik inissiisoqarsimavoq kiisalu akissarsianut aningaasartuutit kukkusumik naatsorsuuffigineqarsimallutik. Iluarsiinerit AIS2024-p aappassaaneerineqarneranut atatillugu ilanngunneqarumaarput.
3. Peqqinnissaqarfiup Paarisallu akornanni suliaqarfiit akimorlugit suleqatigiittoqarnerasoq paasissutissiissutigineqassasoq ataatsimiititaliamit kissaatigineqarpoq.
Akissut: Inuuneritta III - Naalakkersuisut 2020-2030-mut meeqqat pitsaanerumik inuuneqarnissaat pillugu suleqatigiinnissamut periusissiaat ilinniartitaanermut, peqqinnissamut inunnillu isumaginninnermut suliaassarfiit akimorlugit suliaavoq. Inuuneritta III-p ataani suliniutissat arlallit nassaassaapput, tamakkulu pillugit peqqinnissamut inunnillu isumaginninnermut suliaassarfiit qanimut suleqateqartoqarpoq.
Peqqinnissaqarfiup Isumaginninnermullu Aqutsisoqarfiup akornanni suliaassarfiit assigiinngitsut aqqutigalugit qanimut ingerlaavartumillu suleqatigiittoqarpoq. Assersuutitut tullinnguuttut taaneqarsinnaapput:
o MANU, angajoqqaat piareersarnissaannut najoqqutassaq. MANU-p immikkut suliniuteqarfissatut ineriartortitsiffiulernerata saniatigut angajoqqaanngortussanut sammititamik immikkullu sunnertiasunut suliniutissaq aallartinneqarsimavoq. Immikkut suliniutigineqartoq taaneqarpoq MANU+. Atortussat nutaat ineriartortitsiffiuneranni ilaatigut peqqinnissaqarfiup isumai ilanngunneqarput. Peqqinnissaqarfik peqqinnissakkut suliat

imarisaasa qulakkeertarnissaannik suliassa qarpoq, taamaasillunilu atortussanngortitsinissap qulakkeernissaanut peqataasussaalluni.

o TOPI, meeqqat atugarliortut Siusissukkut Paasisarnissaannut qarasaasiakkut aaqqiissutissaq. TOPI-mi sullitassat tassaapput ulluunerani neqeroorutinik sulisut, atuarfinni peqqinnissaqarfimmilu sulisut. Peqqinnissaqarfiup iluani immikkut peqqissaasoq TOPI-mi paasisutissanik meeqqallu atugarissaarneranut ilisimasanik qulakkeerinnittussaavoq. Meeraq ulluunerani neqeroorummot nuuppat kinguneratigullu atualerpat atugarissaarnissamut nalilersuinissat qulakkeerneqarsimassapput. TOPI Avannaata Kommuniiani suliniutitut misiligutitut ingerlavoq.

o Ilaqutariinnut 0-2-nik ukiulinnik meerartalinnut immikkut sunnertiasunut siusissukkut suliniuteqartarnissamut programi. Illoqarfinni 17-ini siusissukkut suliniutillit nassaassapput. Peqqinnissaqarfimmi sulisut siusissukkut suliniuteqartartuni aallartitaqarput. Siusissukkut suliniuteqartuni ilaasortat ilaqutariit pisariaqartitaat apeqqutaatillugit allanngorarsinnaapput.

o Kinguaassiuutitigut peqqissuunissaq - Inuusamik suliniut. Sisimiuni Maniitsumilu inuusamik suliniummi akisussaasut peqqinnissaqarfimmi atorfeqarput. Tamatuma saniatigut peqqinnissaqarfimmi sulisut imminut toqutarnerup pinaveersaartinnissaa pillugu periusissiap suliarineranut atatillugu isumasioqatigiissitsinernut peqataasimapput.

4. Isumaginninnermut Aqutsisoqarfiup angalasortoqatigiivinut, taakkualu sulinerannut, killiffimmik ataatsimiititaliaq kissaateqarpoq.

Akissut: Angalasortoqatigiit suliaannut ilanngussaq innersuussutigineqarpoq.

5.3 Konto pingaarneq 30.01.03 Isumaginninneq pillugu pikkorissartitsinerit ilinniartitseqqinnerillu

1. Inuussutissarsiutigalugu ilaqutariit paarsisartut qanoq atorneqartiginersut paasisutissiissutigineqassasoq ataatsimiititaliamit kissaatigineqarpoq.

Akissut: Inuussutissarsiutigalugu ilaqutariinnut paarsisartut qanoq amerlatiginerannut Isumaginninnermut Aqutsisoqarfik paasisutissaateqanngilaq, tamakkumi kommuninit atorfinitsinneqartarput.

2. Pisariaqartitsinnermut sanilliullugu kontomi pingaarnermi matumani aningaasaliissutit piviusorsiorlutut Naalakkersuisunit nalilerneqarpat?

Akissut: Isumaginninnermut suliassaqarfimmi piginnaasanik qaffaasoqarnissaanik pisariaqartitsisoqartorjuussuuvoq, sulisunut suliatigut ilinniarsimannigitsunut sulisunullu suliatigut ilinniarsimasunut tunngatillugu. Piginnaasanik kivitsinissaq periusissiani iliuusissatullu pilersaarutini amerlasuuni qitiulluni innersuussutitut ilaavoq. Kontomi pingaarnermi, 30.01.03, Isumaginninneq pillugu pikkorissartitsinerit ilinniartitseqqinnerillu, aningaasaliissutini pisariaqartitsinerit pisariallit kisimik akuerisaapput.

5.4 Konto pingaarneq 30.01.04 Namminersorlutik Oqartussat illuutaannik aserfallatsaaliuineq – Ilaqutareeqarneq

Missingersuutitut ilanngussami paasisutissiissutigineqartut uku Naalakkersuisunit itisileqquneqarput: "Kontomit pingaarnermit, 30.10.37 nuna tamakkerlugu meeqqanut inuusuttunullu ulloq unnuarlu paaqqinnittarfiit, 7.284.373 kr.-it aamma kontomit pingaarnermit, 30.13.41 innarluutilinnut angerlarsimaffiit, 4.530.684 kr.-it kontomut pingaarnermut isertitatut allanneqarput".

Akissut: Aningaasat taamaallaat kontomi pingaarnermi, 30.10.37 Nuna tamakkerlugu meeqqanut inuusuttunullu ulloq unnuarlu paaqqinnittarfiit, aamma kontomi pingaarnermi, 30.13.41 Innarluutilinnut ulloq unnuarlu neqeroorutit, illuutitut atorneqassapput.

Meeqqanut inuusuttunullu ulloq unnuarlu paaqqinnittarfinni illuutit inunnut innarluutilinnut

ulloq unnuarlu neqeroorutini illuutinit amerlanerupput. Taamaattoqarmanuna taamatut agguataarisogartoq.

5.5 Konto pingaarneq 30.10.37 Nuna tamakkerlugu meeqqanut inuusuttunullu angerlarsimaffiit

1. Ulloq unnuarlu paaqqinnittarfinnut, Naalakkersuisunit (Isumaginninnermut Aqutsisoqarfimmit) ingerlanneqartunut, inissiinermi aningaasartuutit kommuninit akilerneqartarput. Ingerlatsinerup aningaasalersuinerullu akornanni taama agguataarineq aningaasanik naapertuunnerpaamik atuinerut Naalakkersuisunit isigineqarnerisq paasissutissiissutigineqassasoq ataatsimiititaliamit kissaatigineqarpoq.
*Akissut: Meeqqanut tapersersuisarneq pillugu Inatsisartut inatsisaanni § 56 naapertorlugu meeqqat tapersersorneqarnissaannut aningaasartuutit Inatsisartut inatsisaat manna naapertorlugu kommuninit akilerneqartarput. Ulloq unnuarlu paaqqinnittarfinnik ingerlatsineq kommuninut akigititanut akiliutigineqartut aqutugalugit aningaasalersugaavoq. Inatsisartut inatsisaat una malillugu Naalakkersuisut, kommunit paaqqinniffiillu imminnut pigisut namminneg pigisassaminnik pilersitsinerminnut atasumik aningaasartuutit tamarmik immikkut akilertassavaat. Kommunit taamaasillutik ulloq unnuarlu paaqqinnittarfinnut inissiinerit aningaasalersorpaat, apeqqutaanani tamakku Namminersorlutik Oqartussanit, kommuninit imaluunniit ulloq unnuarlu paaqqinnittarfinniit immiut pigisuniit ingerlaneqarnerat.
Malugeqquneqarpoq kommunit taakkuummata ulloq unnuarlu paaqqittarfinni angerlarsimaffiup avataanut inissiinissaq pillugu aalajangiisartut, taamaammallu taakkuummata taakkununga aningaasartuuteqartussaasut.*
2. Ulloq unnuarlu paaqqinnittarfinnik aningaasalersuineq ingerlatsinerlu ataatsimoortinneqarpata suliassaqarfimmut nukittorsaataassanersoq Naalakkersuisunit naliliiffigineqassasoq siulianut atatillugu ataatsimiititaliamit kissaatigineqarpoq.
Akissut: Apeqqut 5.5.1.-imut akissut innersuussutigineqarpoq.
3. Kontomi pingaarnermi matumani ukiut missingersuusiorfiit ingerlaneranni imaluunniit suliassami kisitsisissatut naatsorsuutigisani allanngortoqarnissaa naatsorsuutigineqanngitsoq ataatsimiititaliamit maluginiarneqarpoq. Suliassaqarfup siunissami ineriartorfiunissaa Naalakkersuisunit naatsorsuutigineqannginnerisq paasissutissiissutigineqassasoq ataatsimiititaliamit kissaatigineqarpoq.
*Akissut: Piffissami takkuttussami ulloq unnuarlu paaqqinnittarfinni inissanik pisariaqartitsinermi annertuunik allanngortoqarnissaa massakut naatsorsuutigineqanngilaq. Taamaakkaluartoq suliassaqarfimmi ineriartortitsisogartoq, tassami ulloq unnuarlu paaqqinnittarfinni Namminersorlutik Oqartussanit pigineqartuni immikkut ilisimasaqalernissaq ukkatarineqarpoq, taamaaliornikkut ulloq unnuarlu paaqqinnittarfiit neqeroorutaat kommunit pisariaqartitaannut naapertuunnerussammata.
Ulloq unnuarlu paaqqinnittarfinni ataasiakkaani meeqqanut atugassarititat qulakkeerniarlugit forstaderit aqutsinikkut ineriartortitsiffiunissaat, ulloq unnuarlu paaqqinnittarfinni sulisunut ilinniarsimangitsunut pikkorissaanerit kiisalu kommuninik allanillu ulloq unnuarlu paaqqinnittarfinnik pitsaanagerusumik suleqateqartoqarnissaa qitiutinneqarput.*
4. N2022-p, AI2023-p aammalu AIS2024-p akornanni sulisorisassatut naatsorsuutigisat 40-nik nikeriarujussuarnerannut suna pissutaava?

Akissut: Kukkusogarneratigut AIS2024-mi ukiunilu missingersuusiorfiusuni 2022-mut naatsorsuinnermut kisitsisit sulisunik atuinnermut tunngasut ikkunneqarsimapput. 2024-mut ulloq unnuarlu paaqqinnittarfinni Namminersorlutik Oqartussanit pigineqartuni akigititat sulisunullu kisitsisit pillugit massakkut isumaqatigiinniarnert naammasseriarpata kisitsisit nutaat AIS2024-mut ilanngunneqarumaarput.

5.6 Konto pingaarneq 30.10.45 Meeqqat inuusuttullu immikkut ittumik suliniuteqarfigineqarnerat

1. Ilaqutariinnut paarsisartunut suliniutit ataanni allassimavoq ilaqutariinnut paarsisartunut siunnersortit ilaqutariinnut paarsisartunut tunngasuni sullissisarnerup sullissisarnerup pitsaanerulernissaanik qulakkeeriniarlutik suliaqartartut ingerlatsineranni aningaasartuutaasut annerpaamik 50 pct.-ii kommunit matussusertinniarsinnaagaat. 50 %-imut taama killiliisimanermut suna pissutaava Naalackersuisullu siunertaraat aqqissuussineq taanna siunissami allannguuteqarani ingerlaannassasoq?

Akissut: Kommunit ilaqutariinnut paarsisartunut siunnersortinut ingerlatsinermut aningaasartuutaasa 50% tikillugu tapersersuiffiginissaannut periarfissat pillugit aqqissuussineq ukiuni arlaqartuni ingerlareersimavoq. Aqqissuussinermik atuneq ukiut ingerlaneranni allanngorsimavoq. Naalackersuisut ilaqutariinnut paarsisartunut suliassaqarfimmik nukittorsaarussupput, taamaaliornikkut meeqqat amerlanerit angerlarsimaffiup avataanut inissinneqartut ulloq unnuarlu paaqqinnittarfirmut inissannagit ilaqutariinnut paarsisartunut inissinneqarsinnaassammata. Taamaammata ilaatigut taamatut tapersersuisarnermut aqqiissut pillugu kommuninik sukumiinerusumik oqaloqateqartarnissamik Naalackersuisut kissaatqarput.

2. Ilaqutariinnut paarsisartunut suliassaqarfimmut atatillugu innuttaasut kommunit akornanni nuuttarnerat kommunit allaffissornikkut sullissinerannut pisariusutut isigineqarneqartarnera Naalackersuisut misigisimavaat? Tamatumunnga Naalackersuisut qanoq oqaasissaqarpat?

Akissut: Naalackersuisut allaffissornernut allanut ilaatigut sanilliullugu taamatut allaffissornikkut sulineq immikkut ajornarpallaanngitsutut isigivaat.

5.7 Konto pingaarneq 30.10.48 Isumaginninnikkut peqqissutsikkullu pinaveersaartitsineq

1. Imminut toquttarneq pillugu pitsaaliuinerup ataani allassimavoq imminut toquttarnerup pinaveersaartinnissaanut suliassaarfimmi periusissamik nutaamik ineriartortitsinissamik suleriaqqinnissamat nukissat amerlanerusut qulakkeerneqarnissaat pisariaqartinneqartoq. Taamaattumillu imminut toquttarnerup pinaveersaartinnissaanut aningaasaliissutit AI 2023-mut sanilliullugit mio. affaannik ikilineqarnerat ataatsimiititaliamit tupigusuutigineqarpoq.

Akissut: Imminut toquttarnerup pinaveersaartinnissaanut periusissiaq 2022-mi saqqummertussatut siusinnerusukkut pilersaarutaasimagaluarpoq, kinguneratigullu isumasioqatigiissitsineq 2023-mi ingerlanneqartussaasimagaluarluni. Periusissarli MIO-p Qamani pillugu nalunaarusiaani Naalackersuisut imminut toquttarnermut periusissiaannut ilanngunneqartussaammat ukiup ataatsip missaannik kinguartinneqarsimavoq, taannalu ullormi 10. september 2023 saqqummersinneqarpoq.

Isumasioqatigiissitsinissap 2024-mi ingerlannissaa aalajangiiffigineqassappat kontumut pingaarnermut, 30.10.48 Isumaginninnikkut Peqqinnissakkullu Siuarsaaffiusumik Pinaveersaartitsineq, oqaasertaliussat naapertorlugit kontumi pineqartumi atuinikinnerunerit aningaasanut inatsiseqarfiusumut tullermut nuunnissaat piginnaatitsissutigineqarpoq. Tassalu isumasioqatigiissitsinissap ingerlannissaanut aningaasaliissutaasut 500.000 kr.-nit ukiumut aningaasanut inatsiseqarfiusumut tullermut nuunnissaat periarfissaqarpoq.

Naalackersuisut imminut toquttarnerup pinaveersaartinnissaanut Qamani pillugu Periusissiaat suliniuteqarfissanik 4-nik imaqarpoq. Tamanna malitseqartitsiffiginarlugu AIS2024-mi imminut toquttarnerup pinaveersaartitsiffiunissaanut aningaasanik amerlanernik illikartitsisoqarnissaanik Naalackersuisut sulissuteqarniarput.

2. Akissarsianut aningaasartuutit qaffakkiartorerat sulisunillu atuinerup annikillinera imminnut qanoq ataqatigiippat?

Akissut: Aammaarluni tamanna kukkusumik inissiinernik kukkusumillu naatsorsuinernik tunngaveqarpoq. Tamakku AIS2024-p aappassaaneerneqarneranut atatillugu iluarsineqarumaarput.

5.8 Konto pingaarneq 30.13.43 Pissassarfik

Suliassami kisitsisissatut naatsorsuutigisani peqataasussat ataanni ima oqartoqarnera ataatsimiititaliamit maluginiarneqarpoq: "Innuttaasut ilaatigut qanigisat, sulisut, perorsaasut allallu peqatigalugit katsorsartittut". Oqaatsip "ilaatigut" atornerqarnera ataatsimiititaliamit maluginiarneqarpoq, ataatsimiititaliami isumaqarmat qanigisaasut ilaatinneqartariaqartut.

Akissut: Pissassarfik innuttaasunut, taakkua qassinik ukioqarnerat apeqqutaatinnagu, assigiinngitsunik innarluutilinnut pisariaqartitalinnullu ingerlatsinissanik neqeroortarpoq.

Meeqqat 18-it inorlugit ukiullit ingiallorteqartarput, taakkualu angajoqqaajussasut, angajoqqaatut oqartussaassuseqassasut imaluunniit inummik tapersersorteqassasut Pissarsiffimmiit innersuussutaavoq.

Inersimasut pisariaqartitsineq naapertorlugi ingiallorteqartarput, soorlu ilaqaataasumik.

5.9 Konto pingaarneq 30.13.44 Eqqarsartaatsimikkut kinguarsimasunik pinerluttulerinermi inatsit malillugu inissiineq.

Konto pingarneq una malillugu aningaasartuutininik akiliisarnermut inatsisitigut tunngavimmut Naalakkersuisut innersuussinerat itisilerneqassasoq ataatsimiititaliamit kissaatigineqarpoq, taannami malillugu inissiinernut katsorsaanernullu aningaasartuutit nunatta karsianit akilerneqassapput. Aningaasartuutit danskit oqartussaasuinit akilerneqartussaanninnerat ataatsimiititaliamit tupigusuutigineqarpoq.

Akissut: Malittarisassani tunngavigineqartussamut tunngavigineqartoq iluarsineqassaaq, tassami Kalaallit Nunaannut Pinerluttulerinermik Inatsimmi § 240-mi aalajangersakkamik imaattumik ilanngussisoqarsimavoq: Imm. 2. Tarnimikkut napparsimasunik kapitali 33 malillugu inissiineq katsorsaanerlu peqqinnissaqarfimmiit ingerlanneqassaaq." Tamanna Kalaallit Nunaannut eqqartuussisarnermut inatsisip allanngortinnera pillugu Inatsimmi nr. 572, 10. maj 2022-meersumi, Kalaallit Nunaannut Pinerluttulerinermik Inatsimmi inatsisinilu allani assignngitsunik takuneqarsinnaavoq.

Pineqaatissiisummik isumaginnittoqarfiup suliaanik eqqartuussisoqaraangat tamanna isumaginninnermut oqartussanit aningaasartuutaasussaavoq. Tassunga aningaasartuutit Konto pingarneq, 30.13.44 Eqqarsartaatsimikkut kinguarsimasunik pinerluttulerinermi inatsit malillugu inissiineq, aqqutigalugu akilerneqassapput.

Ilanngullugu paasissutissiisutigineqarsinnaavoq Danmarkimi Kalaallit Nunaannilu ulloq unnuarlu najugaqarfinni neqeroorutit pillugit Nalunaarummi nr. 471, 8. maj 2023-meersumi § 22 naapertorlugu isumaginninnermut inatsisit malillugit ikiorsiisutit innuttaasup angerlarsimaffittut kommunerisaanit akilerneqartarput. Tamanna pitinnagu tamanna pillugu Danmarkimi kommunimik tiguisissamik isumaqatigiissusiortoqarsimassaaq.

5.10 Konto pingarneq 30.14.29 Isumaginninnermi suliniutit

Suliassaqarfimmi matumani aningaasartuutit soq nunatta karsianit akilerneqartarnerat paasissutissiisutigineqassasoq ataatsimiititaliamit kissaatigineqarpoq, suliassaqarfimmi nunatsinnut nuunneqarsimanngimmat.

Akissut: Kontumut pingarnermut, 30.14.29 Isumaginninnermi suliniutit, allanneqartuni takuneqarsinnaavoq malittarisassanut tunngavigineqartumi Inersimasunut paaqqinniffiit immikkut siunertallit pillugit Inatsisartut peqqussutaat nr. 6, 28. april 1988-meersoq kingusinnerusukkullu allannguuteqartoq ilaatinneqarpoq. Kiisalu Meeqqat tapersorsorneqarnissaannut Inatsisartut inatsisaat nr 20, 26 juni 2017-meersoq kingusinnerusukkut allanngortinneqartoq. Aamma kontumiit tassanngaanniit tapiissutinik tunniussisoqarsinnaavoq. Aamma aningaasaliissutit isumaginninnermi suliniutinut, soorlu assersuutigalugu meeqqanut inuusuttunullu tunngasuni pilersaarutinut tapersiissuteqarnermut kiisalu isumaginninnermut tunngasuni kajumissutsimik sulinerup nukittorsarneqarnissaanut atorineqartarput. Aamma eqimattani atugarliortuni inuuniarnikkut ajornartorsiutaasut pillugit, soorlu meeqqanut inuusuttunullu suliassaqarfimmi, innarluutilinnut suliassaqarfimmi aamma ilaqutariinnut suliassaqarfimmi, aningaasaliissutit atorineqarsinnaapput.

Taamaasilluni suliassaqarfiit tiguneqarsimasut kontumi pingarnermi matumani aningaasaliissutinik illikartitsiffigineqarsimasut pineqarput.

6. Suliassaqarfik 31, Isumaginninnermut, Suliffeqarnermut Nunamullu Namminermut Naalakkersuisoq

6.1 Konto pingaarneq 31.01.01, Isumaginninnermut Suliffeqarnermullu Naalakkersuisoqarfik

1. Nunamut namminermut immikkoortortaqaqrfiup ilaatigut kommunit nammineernerulernissaannik misiliinerit pillugit suliassat isumagisarigai paasissutissiissutigineqarpoq. Tassunga atatillugu Naalakkersuisut ingerlatanik sunik sulissutiginninnerannik erseqqinnerusumik paasissutissiisoqarnissaa ataatsimiititaliamit ujartorneqarpoq?

Akissut: Kommunit nammineernerulernissaannik misiliinerit aallartisarfimmiipput, tassungalu atatillugu Det nationale Forsknings- og Analysecenter for Velfærd, VIVE-mik septembarip qiteqqunnerani siunnersuisarnernut suliallu piareersaataasup suliarinissaanut tunngatillugu isumaqatigiissusiortoqarsimavoq. Ullormi 4. oktober VIVE-mik, kommunaldirektørinik aqutsisoqarfinnilu pisortat attuumassutillit peqatigalugu aallarniutaasumik ataatsimiinneq ingerlanneqarpoq. Kommunit nammineernerulernissaannik misiliinerup aallartinnissaani immikkoortunut pingasunut avinneqarnissaa pilersaarutaavoq:

- IMMIKKOORTOQ 1. Aallartisarfik aamma qinnuteqaatit tigunerat/siullermeertumik nalilersuiffiginerat (september 2023 - februar 2024)

- IMMIKKOORTOQ 2. Qinnuteqaatit, inatsisunik suliaqarnerit, aallartisarnerit, killiffinnut nassuiaatit sukumiinerusumik nalilersuiffiginerat. (marts 2024 - december 2024)

- IMMIKKOORTOQ 3. Misiliinerit atorunnaarnerat, killiffik nalilersuinerlu (2025-2026/2027)

Immikkoortut 1-p 2-llu ingerlaneranni suliniutissat tigussaasut paasineqarumaarput, taamaattorli meeqqanut inuusuttunullu, utoqqarnut sulisoqarnermullu suliassaqaqrfiit iluanni immikkut sammisaqalernissaq anguniarneqalerpoq.

2. Aaqqissuussinerit suut sulissutigineqarnersut aammalu sulinermi tassani kommunit qanoq akuutinneqarnersut paasissutissiissutigeqqullugu Naalakkersuisut qinnuigineqarput?

Akissut: Kommunit nammineernerulernissaannik misiliineri atortut sorliit atorlugit Naalakkersuisut sulinissaat kommunit suleqatigalugit suliniutip ingerlanerani qulaajarneqarumaarpoq.

6.2 Konto pingaarneq 31.02.01 Inersimasunut inuunikkut atugarliortunut suliniutit

Kantomut pingaarnermut suliassami kisitsisit ataatsimiititaliamit ujartorneqarput.

Akissut: Naalakkersuisut suliassat pilersaarutaasut atorlugit kontumi pingaarnermi matumani suliassanut kisitsisunik ikkussinissat soqutiginaateqanngitsutut isumaqarfivaat.

Taamaaliortoqarpoq aningaasaliissutigineqartut pisariaqartumik eqaatsuujuarnissaasa

qulakkeerneqarnissaat anguniarlugu, tamannalu aqqutigalugu aningaasaliissutini

siunertarineqartut iluanni suliniutinut, misiliinernut immikkullu suliassaqaqrfinnut

ukktarineqartunut aningaasaliissutit siunissami atorineqartarnissaat qulakkeerlugu. Tassani

ilaatigut inersimasunut atugarliortunut isumaginninnermi suliniutinik nutaanik misiliinerit

ilaapput. Naalakkersuisut Utoqqarnut Angerlarsimaffeqanngitsunullu Periusissiaat

aallaavigalugit 2024-mi aningaasaliissutit ilarpassui suliniutinut kommunit pisariaqartitaat

tunngavigalugit ineriartortinneqartunut atorineqarnissaat pilersaarutaammat Naalakkersuisut paasissutissiissutigisinnaavaat.

6.3 Konto pingaarneq 31.02.07 Utoqqaat Illersuisuat

1. Kontomut pingaarnermut suliassami kisitsisit ataatsimiititaliamit ugartorneqarput.
Akissut: Utoqqaat Illersuisuat pillugu Inatsisartut inatsisaanni nr. 37, 28. november 2019-imeeersumi §2, imm. 2 naapertorlugu illersuisup sulinera politikikkut arlaannaannulluunniit attuumassuteqanngilaq. Taamaammallu inatsit siuliani taaneqartoq naapertorlugu suliassanut kisitsisinik taamaallaat suliagartoqarsinnaavoq. Inatsit taannarpiaq naapertorlugu Utoqqaat Illersuisuata makku suliassarai:
 - 1) Utoqqaat atugaat periarfissaallu pillugit utoqqarnut siunnersuillunilu ilitsersuineq.
 - 2) Pisortani oqartussanut, pisortanut aamma suliffeqarfimmut namminersortunut kiisalu kattuffimmut peqatigiiffinnullu il.il. aamma inuinnarnut apeqqutit utoqqaat atugarisaannut tunngasut pillugit siunnersuisarnerit ilitsersuisarnerillu.
 - 3) Inuiaqatigiinni utoqqaat, atugaallu pillugit inuiaqatigiinni ilisimasat annertusarnissaat sulissutigissavaa.
 - 4) Utoqqaat pillugit paasissutissat ingerlateqqittarnerat, tamat oqallinneranni utoqqaat illersortarnissaat kiisalu utoqqaat oqallinnermi peqataanissamut periarfissaqarnissaat aamma inuiaqatigiit ineriartornerannut sunniiniartarnissaat.
 - 5) Suliniutinik utoqqaat atugarisaannik periarfissaannillu pitsaanerulersitsisinnaasunik siunnersuuteqarneq.*Imm. 3. Utoqqarnut aallartitat kommunineersut kattuffinneersullu utoqqarnik sullissisut*
imm. 2, nr. 1-5 naapertorlugu Utoqqaat Illersuisuata sulinernut pisariaqartitsineq naapertorlugu ilaatinneqartassapput.
Massakkorpiaq utoqqaat illersuisuannik atorfeqartitsisoqanngilaq. Suliassanut kisitsisit nalunaarutigineqassappata utoqqarnut illersuisussap nutaap toqqarneqarnissaa utaqqimaartariaqarpoq.
2. Susassaqarfiup iluani sulineq pitsaanerpaq atorlugu susassaqarfiup ingerlanneqarnissaa Naalakkersuisunit qanoq qulakkeerneqassava?
Akissut: Naalakkersuisut suliffeqarfimmut politikikkut arlaannaannulluunniit attuumassuteqanngitsumut nuunnermut atatillugu inatsisinut atuuttunut kiisalu pitsaasumik ingerlatsivinni ileqqoqarnissamut najoqqutassanut tunngatillugu najoqqutassanik pilersitsisimapput. Tamatuma ilaatigut kingunerisussaassavaa ulluinnarni aningaasaqarnikkut ingerlatsinermut malittarisassanik aalajangersaasoqassammat, taakkunungalukukkunersiuisumik avataaneersumik ikiorneqarnissap ilaatinissaa ilaavoq.
3. Suliassat aalajangersimasut suut Utoqqaat Illersuisoqarfianit isumagineqassanersut aammalu suleriaatsit assigiissaakkat inatsisitigut aalajangikkat atorneqassanersut pillugit piumasaqaatinik Naalakkersuisut aalajangersaasimappat?
Akissut: Utoqqarnut Illersuisup inatsisit makku eqqortittussaavai. Utoqqaat Illersuisuat pillugu Inatsisartut inatsisaat nr. 37, 28. november 2019-meersoq naapertorlugu Utoqqarnut Illersuisup sulinernut ukiumoortumik missingersuusiortoqartarnissaa piumasaqaataavoq. Taamaasilluni utoqqaat illersuisuata sulinernut ukiumoortumik nalunaarummik suliagartarnissamut inatsisitigut piumasaqaateqarpoq, taannalu Utoqqaat Illersuisuata nittartagaannut ilissallugu Utoqqaat illersuisuat pisussaaffeqarpoq. Utoqqaat Illersuisuat ukiumoortumik nalunaarusiamik kukkunersiuisuunissaq pillugu piumasaqaatilimmik

suliaqartitsissalluni pisussaaffeqarpoq. Naatsorsuutit siulliit kukkunersuisuimit atsiukkat ukiumut naatsorsuusiorfusumut 2023-mut tunngasut 2024-mi tunniunneqassapput.

6.4 Konto pingaarneq 31.02.32 Akiitsut pillugit siunnersuineq

1. Pisortanut akiligassat kinguaattoorutit ineriartorneri qanoq killiffeqarpat?
Akissut: Pisortanut akiitsuni ineriartortoqarneranut ataatsimut killiffik ukiumoortumik Aningaasaqarnikkut ingerlatsineq pillugu Nalunaarummi atuarneqarsinnaavoq. Pisortani akiitsut ineriartorfiunerat kontumut pingaarnermut matumunnga attuumassuteqanngilaq. Suliassaqaqfimmi pisortanut akiitsuni kiisalu isumaginninnikkut suliassat sakkortuut angerlarsimaffeqanngitsuunermit pilersitat pissutaallutik kontumi pingaarnermi akiitsunut siunnersuisarnermut suliniutit kontumit pingaarnermit aningaasalersugaapput. Suliniutigineqartoq INI A/S aqqutigalugu ingerlanneqarpoq, taannalu aningaasaliissutaasut matussusiisinnaannginnerat naapertorlugu suliniummumut aningaasalersueqataavoq. Suliniutigineqartumi isumaginninnermut suliassaqaqfimmi sullissisartut allat suleqatigineqarput, soorlu kommunit, Allorfik politiillu. INI A/S-p suliniutissap eqqunneqarnerata kingorna akiitsunut siunnersuisarnerit ukiumoortumik nalunaarusiani tamani aqutsisut nalunaarutaanni iluarsilluarsimasutut nassuiarpaa. Tabel 1 tullinnguuttuniittoq naapertorlugu attartortut aqqissuussinermik atuisut amerlasuut ilimanarsisippaat suliniummik pisariaqartitsisoqartoq.

Tabel 1: Attartortut ukiumut aqqissuussinermi atuisut kiisalu aqqissuussinerup kingunerisaanik akiitsut ukiumut appartinnissaannut atuisut amerlassusaannut takussutissiaq.

Ukioq	Attartortut amerlassusaat	Akiitsut appartinnissaanni suliat akiitsunut siunnersuiffigineqarsimasut mio. kr.-ninngorlugu
2019	1540	2,2
2020	3978	13,1
2021	3985	11,1
2022	3902	10,3
Katillugit	13405	36,7

Akuliutinnginnissap sunniutai 2019-22-imi ataatsimut 36 mio. kr.-niujumaartut INI S/S naliliivoq. Naliliineq akiitsunut siunnersuinerit suliarineranni suliat amerlassusaannik aamma kinguaattoorutit ineriartorfiunerannut kr.-inngorlugu suliat amerlassusaannik tunngaveqarpoq, tassalu akiitsulinnut suliat tigussaaasut uuttuiffigineqareerpata. Akiligassallit qassit akiitsuminnik akiliisimanersut pillugit kisitsisit nalorninartoqarput, tassalu siunnersorneqarsimagunik imaluunniit siunnersorneqarsimanngikkaluarunilluunniit akiitsuminnut akiliisimassagaluarnerisut. Piffissami 2012-2018-imi Aningaasaqarnikkut ingerlatsineq pillugu Nalunaarutit (matuma kingorna APN) ukiumoortut misissuiffigigaanni ineqarnermut akiliutinut kinguaattoorutit tamarmiusut agguaqatigiissillugit 70 mio. kr.-niupput, tassa piffissami akiitsunut siunnersuisarneq sioqqullugu. Akiitsunut siunnersuisarnerup eqqunnerata kingorna piffissami, tassa piffissami 2019-2023-mut, APN-imi

ineqarnermut akiliutinut kinguaattoorutit agguaqatigiissillugu ukiumut 47 mio. kr.-niupput. Taamatut assigiinngitsoqarnerani qanoq annertutigisooq akiitsunut siunnersuisarnerniit pisuusimassanersoq nalorninartoqarpoq, Naalackersuisulli INI-p tungaaniit akiitsulinnut siunnersuisarnernut annertuunut naammagisimaarinnipput. Naalackersuisut suliasaqarfimmik soqutiginnillutik nakkutiginnipput. suliniutillu nalunaarusiorfiginissaanut sunniutaasutigullu uuttuiffiginissaanut ineriartortoqarnera pillugu INI-mik oqaloqateqarnerit ingerlajuarpup.

2. Akiligassatigut kinguaattoorutit ineriartornerat akuersaarnartutut Naalackersuisunit isigineqarpa, taamaanngippallu pisortanut akiligassatigut kinguaattoorutit ikilisarneqarnissaannut peqataaqataasinnaasunik suliniutissanik Naalackersuisut siunnersuutissaqarpat?

Akissut: Naalackersuisut pisortanut kinguaattoorutit tamarmiusut taamak annertutiginerat naammagiinnarsinnaanngilaat. Pisortanut akiitsut appartitsiffiunissaat siunertaralugu akiitsunut siunnersuisarnermi akiitsoqarfiit allat ilanngunnissaanni annertusaanissamat periarfissanik misissuinissami Naalackersuisut AI 2023-mi konto pingaarneq, 20.11.70 Suliniutinut nutaanut Sillimmatit, aqutugalugu sillimatissanik 0,5 mio. kr.-ninik illikartitsisimappup. Suliassaqarfinni taakkunani meeqqanut akilersuutit ilaasinnaappup. Meeqqat pilersornissaannut meeqqanut akilersuutinut tunngasoq pisortanut akiitsoqarnermi suliassaqarfiuvoq pingaarutilik. APN 2023-mi meeqqanut akilersuutit pisortanut akiitsut 27,4 %-erigaat nassuiarneqarpoq, ukiunilu tulliuttuni aningaasartai makuullutik:

Ukioq	201	201	202	202	202	202
	8	9	0	1	2	3
Kinguaattoorutit: Meeqqanut akilersuutit (mio. kr.-ninut)	372,8	383,6	371,3	412,7	418,1	429,3

Naalackersuisut meeqqanut akilersuutit aqqissuusseqqiffiginissaannut suleqatigiissitamik pilersitsisimappup, taakkulu ilaatigut angajoqqaataasut meeqqanut akilersuutinut akilinngitsuugaasa akilersinniartarnissaannut inatsisip tunngavigineqartup pitsaangortinnissaanut siunnersuummik suliqaarsimappup. November 2022 inatsisartut peqqussutissaat nutaaq periuserineqartussamik ilallugu tusarniutigineqarpoq, tassani innuttaasut akiliisinnaanngitsut innuttaasullu akileerusunngitsut akornanni assigiinnginneq isiginiarneqarnerulerluni. Tusarniaanermut akissutit kommunineersut kingunerisaannik periuserineqartup iluarsiiffiginissaa annertusinissaalu anguniarlugit Naalackersuisut sulissuteqarput.

6.5 Konto pingaarneq 31.03.08 Utoqqalinermi pensionisiat

Innuttaasut utoqqalinersiaqalernissamat pisinnaatitaasut qanoq annertutigisumik suliffinniiginnartarnissaannut Naalackersuit nalilersuinerannik ataatsimiititaliaq ujartuivoq.

Akissut: Naalackersuisut naliliippup utoqqalinersiaqalernissamat massakkut malittarisassaritneqartup, taakkununga sulisartunut annikillisaanissamat killeritinneqartooq qaffassisooq ilanngullugu, inunnut 67-ileereersunut kiisalu utoqqalinersialinni aappariinnut pilersuisussaataanerup atorunnaartussami isiginiarneqassanersut utoqqalinersiallit amerlanerusut suliffimmiiginnartarnissaannut aamma tunngavoq. Naatsorsueqqissaartarfik naapertorlugu 2021-mi inuit 67-ileereersut 4031-iusimappup. Tassungalu peqatigitillugu agguaqatigiissillugu inuit 661-t pingaarnertut suliffillit aamma

inuit ikinnerpaamik qaammammi ataatsimi pingaarnertut suliffillittut nalunaarsorsimasut 1183-it 2021-mi pensionisiaqalernissamut ukiorititamik qaangeereersimapput.

Tabel 1 Pensionisiaqalernissamut ukiorititanik qaangeereersut pingaarnertut suliffillit

	Agguaqatigiissillugu qaammammut pingaarnertut suliffillit	Pingaarnertut suliffik sivikinnerpaamik qaammammi ataatsimi
2021		
Pensionisiaqalernissamut ukioritinneqartumik qaangiisut	631	1183

Paasisaqarfik: Naatsorsueqqissaartarfik

Suliffillit pensionisiaqalernissamut ukioritinneqartunik qaangiisut akornanni pingaarnertut suliffillit amerlanerpaartaat 2021-mi pisortat ingerlatsiviini kiffartuussiviinilu sulisimapput, inuillu taakku 266-iupput. Tullinguuppoq aalisarneq, tassani inuit 104-t pensionisiaqalernissamut ukiorititanik qaangiisimasut

Tabel 2 Ukiut malillugit utoqqalinersiallit qassiunerat 2021-mi takuneqarsinnaavoq.

Maluginiassavat ukiumiit ukiumut agguataarineq qanoq ukioqarnermiit sunnerneqarumaarmat.

Tabel 2 Ukiut malillugit utoqqalinersiallit qassiunerat

2021-mi utoqqalinersiallit ukiui malillugit qassiunerat	2021
70-inik inuusunnerusut	150
70-74-inik ukiullit	32
75-79-inik ukiullit	5
80-89-inik ukiullit	2
Ukiut 90+	0

Paasisaqarfik: Naatsorsueqqissaartarfik

6.6 Konto pingarneq 31.03.12 Isumaginninnikkut isumannaarinerit, Nunat Avannarliit Isumaqaatigiissutaat

Aningaasaliissuteqarnermi erseqqinnerusumik siunertaasup aammalu aqqissuussineq aqutugalugu kikkut pisartagaqarnersut erseqqinnerusumik itisilerneqassasoq ataatsimiititaliamit kissaatigineqarpoq.

Akissut: Tiguisartussat tassaapput utoqqalinersiallit, siusinaartumik pensionisiallit, taakkulu: (1) nunat avannarliit ilaanni imaluunniit EØS-nunami innuttaassuseqassapput, (2) Kalaallit Nunaanni pensionisiaqarsinnaassapput imaluunniit siusinaartumik pensionisiaqassapput aamma (3) nunami avannarlerni imaluunniit EØS-nunami najugaqartussaapput. Isumaginninnikkut isumannaarinnineq pillugu Nunat Avannarliit Isumaqaatigiissutaat nunani avannarlerni innuttaasut innuttaasut EØS-nunaniittut peqatigalugit pisinnaatitaaffiini naligiissitaanissaq pillugu illugiilluni isumaqaatigiissutaavoq. Isumaqaatigiissummi ilaatigut siunertaavoq nunat avannarliit aamma EØS-nunat akornanni innuttaasut nuttarsinnaanissaasa qulakkeerneqarnissaa, taamaaliortoqassaarlu innuttaasut EØS-nunani innuttaasut assigalugit pisortanit ikiorsiissutinik pisinnaatitaaffeqarnissaasa qulakkeerneratigut. Pisinnaatitaaffiit innuttaasup akileraartarfiani pissarsiarineqarsimassasut tunngaviussaaq, taamaaliornikkut pisortat isertitaasa pisortallu aningaasartuutaasa akornanni pitsaaneruserumik ataqatigiittoqarnissaa qulakkeerneqassamat. Isumaqaatigiissummi peqataasut tassaapput: Danmark, Finland, Island, Norge aamma Sverige. Tassungalu Nunani Avannarlerni nunat namminersortitat pisariaqartitsineq naapertorlugu isumaqaatigiissut imminnut atortinneqarnissaanut akuersisarsimanissaat ilaavoq. Sumiiffiit taakku tassaapput: Åland, Savalimmiut aamma

Kalaallit Nunaat. Kalaallit Nunaat Utoqqalinersiat pillugit Inatsisartut inatsisaata kingusinnerusukkut allannngortup kiisalu Siusinaartumik pensionisiat pillugit Inatsisartut inatsisaata nr. 40, 9. december 2015-imeersup kingusinnerusukkullu allannngortup akuersissutigineranni Isumaginninnikkut isumannaarinninnissaq pillugu Nunat Avannarliit Isumaqatigiissummut atuuttumut ullormi 23. november 2015-imi ilaalerpoq. Tamannalu isumaqarpoq kalaallit Nunani Avannarlerni nunami allami aamma EØS-nunami sulisut Nunani Avannarlerni nunani allani isumaginninnikkut qularnaarneqarnissamut pisinnaatitaaffeqalissasut. Pisinnaatitaaffik naaffikkaartumik pissarsiarineqartarpoq, taannalu nunami allami qanoq sivisutigisumik najugaqarsimanermut sulisimanermullu naapertuutissaaq. Tunngavigineqartussaq tassaavoq akiliutigineqartussat akileraarutit akilernerqarfianniit pisassasq. Assersuutigalugu Norgemi sulilluni inuunerup affaa najugaqarsimagaanni, inuunerullu affaa sulilluni Kalaallit Nunaanni najugaqarsimagaanni nammineq pisortanit, pisinnaatitaaffiit aqutitigalugit pensionisianik pisinnaatitaaffeqarneq, ikiorsiissutini assingusunik marlunnik Kalaallit Nunaanneersunik Norge-meersunilu akuersinissat pineqarsimassapput. Tassalu nammineq pisortanit, pensionisianik pisinnaatitaaffiit tunngavigalugit pensionisiasat affaat Kalaallit Nunaannit, affaallu Norgemiit akuerineqarsimapput. Assersuutigineqartumi Folketryktdloven malillugu norskit malittarisassa atuuuttut malillugit Norskit akigititaasa affaannik pisinnaatitaaffeqarpoq, nunatsinnilu innuttaasoq utoqqalinersialik malittarisassat atuuttut malillugit aamma utoqqalinersiaqarneq pillugu inatsit kingusinnerusukkullu allannngortoq malillugu akigititat affaannik pisinnaatitaaffeqarpoq. Assinganillu norskit innutaasut inuunerisa ilarujussuanni Kalaallit Nunaanni sulisimasut taakkuninnga pissarsisinaanermut Kalaallit Nunaanniit tunniunneqartunut pisinnaatitaaffeqarput, tamannalu konto pingaarneq manna aqutitigalugu aningaasalersugaapput.

6.7 Konto pingaarneq 31.07.02 Piginnaasanik ineriartortitsiviusumik pikkorissarnernit Pikkorissarnernit taakkunannga angusat sunniutaat uuttorneqarsimappat?

Akissut: Naalakkersuisut suliffeqarnermut 2021-mut nassuiaataani takuneqarsinnaavoq siusinnerusukkut pikkorissarsimasuni suliffissaaleqisunut procenti appariarsimasoq. Piginnaasanik nalilersuisinnaanermut pikkorissarnernut (RKV) tunngatillugu Kalaallit Nunaanni Utoqqarnik Paarsaqarneq pillugu SDU-p nalunaarusiaani suliatigut uppernarsarneqarsimavoq meritit atorlugit ilinniarneq naatsoq RKV-tut ittoq utoqqarnik paarsaqarnermi suliarnik suliagarnerup kivitsiffiginissaanut iluaqutaasimasoq, taamaasillunilu innangaannarluni aseruuttoornerit il.il. ikinnerulissammata.³

6.8 Konto pingaarneq 31.07.03 Nuttarnerulersitsiniarluni aningaasaliissutit

1. Sulisussaaleqineq taamatullu sulisinnaasut nuuttarsinnaanerannik pisariaqartitsineq eqqarsaatigalugit matumani aningaasaliissutit pisariaqartinneqarnerusariaqaraluartut ataatsimiititaliamit nalilerneqarpoq. Tamanna pillugu Naalakkersuisut oqaaseqaateqarnissaat ataatsimiititaliamit qinnutigineqarpoq.
Akissut: Suliffeqarfinni nuttarsinnaanermut periarfissanik pitsaanerusumik iluaquteqarnissap qulakkeernissaanut atatillugu pissutsit suut allannngortinneqarsinnaaneriniq naliliinissaq siunertaralugu aaqqissuussineq pillugu malittarisassatigut tunngaviit Naalakkersuisunit juunimi misissorlugit suliarineqarput.

³ Kalaallit Nunaanni kommunini utoqqarnik paaqutaqarneq 2022, SDU ISBN 978-87-7899-578-0 Nalunaarusiaq www.sdu/sif-imi pissarsiarineqarsinnaavoq.

Qaammammi tassani ilitersuut nutaaq Majorianut nassiunneqarsimavoq, taamaaliornikkut innuttaasut suliffissarsiortut suliffissarsiorniarlutik nuunnissartik eqqarsaatigisinnaassammassuk.

2. Aningaasaliissutit pisariaqartinneqanngisaannarsimagunarnerat, tamatumalu peqatigisaanik sulisussanik taamatullu suliassanik annertuumik amigaateqartoqarnera Naalakkersuisunit qanoq isumaqarfigineqarpa?

Akissut: Naalakkersuisut aningaasaliissutit ukiumiit ukiumut aalajangiusimaannaqqavaat, tassami innuttaasut suliffissaaleqisut illoqarfimmi/nunaqarfimmi allami suliffissamut neqeroorutaasup akuerineranut atatillugu angalanissamut pequttanillu nuussuinissamut akiliunneqarsinnaanngitsut nuunnissamut akiliunneqarnissaat periarfissinneqartussaavoq. Naalakkersuisut neqeroorutip aalajangiusimaannarnissaanik kissaateqarput, taamaattoq aningaasaliissutit iluarsisat atorlugit, pingaartumik Suliffissarsiornermi ikiorsiissutit pillugit Inatsisartut inatsisaata ulloq 1. januar 2024 aallartiffigalugu atortussanngortinnissaa siunertaralugu, tassani suliffissarsiortunut iliuusissatut pilersaarutit ilaa suliffissarsiortut ilaasa suliffissarsiortut nuunnissaannut aqutissiuunneqassammata.

3. Tunngavissat aningaasanik pissarsinissamut piumasagaatitut aalajangersagaasut inuiaqatigiit aningaasaqarneranni nunatta unammilligassarisaanut naapertuuttut Naalakkersuisut isumaqarpat? Taamaammallu aningaasaliissutit isumatusaartumik atorneqarnissaat piumasagaatitit akimmisaartinneqarsimasinnaava?

Akissut: Nuttarnersitsiniarluni aningaasaliissutit aningaasat agguaaneri pillugit allaffissornikkut suleriaaseq 2021-mi Naalakkersuisunit sukateriffigineqarpoq, taamaalilluni illoqarfimmi allami aalajangersimasumik sulilernissamut imaluunniit ukiup ilaannaani sulilernissamut angalanermi aningaasartuutitut tapiissutinik pissarsisinnaanermut qinnuteqartut sivikinnerpaamik qaammatini pingasuni suliffissaaleqisuusimassallutik.

Taamatut sukaterineq kiisalu suliffissaaleqisut nalinginnaasumik ikitsuuneri nalilerneqarpoq 2022-mi aqqqissuussinermik appassissumik atuisimanernut annertuumik sunnuteqarsimasoq.

Tassani 2023-miit siunissamullu suliassanut kisitsisit qaffannissaat naatsorsuutigineqarpoq.

6.9 Konto pingaarneq 31.07.05 Majoriaq

1. Atuarfimmi atuartut angajulliit ilitersorneqartarnerat pillugu atuarfiup qanoq qanitsigisumik suleqatigineqarnerata itisilerneqarnissaa ataatsimiititaliamit kissaatigineqarpoq.

Akissut: Inatsit naapertorlugu Majoriaq suleqatigiiffiusussamik Majoriamit, isumaginninnermut suliassaqarfimmit aamma meeqqat atuarfianniit peqataaffigineqartumik illoqarfimmi tamani pilersitsissaaq. Suleqatigiissitami qaammatikkaartumik ataatsimiinnerit pisassapput, tassanilu allattoqarneq Majoriamit isumagineqassaaq.

Aamma Majoriap ingerlannissaa pillugu angusassanut isumaqatigiissummi takuneqarsinnaavoq meeqqat atuarfianni klassinut utoqqaanerpaat il.il. ilitersortarnissaat pillugu meeqqat atuarfiannik suleqateqartoqassasoq, takuuk Ilinniartunut inussutissarsiornernullu ilitersuisarneq pillugu Inatsisartut Inatsisaat.

Meeqqat atuarfiata ark 6-p (Ilinniartitaanernut iliuusissatut pilersaarut) assilineranik nunarput tamakkerlugu Majorianut tunniussinissaq isumagissavaa. Ilinniartitaanernut iliuusissatut pilersaarummi ark 6-mi inuusuttunut tamanut meeqqat atuarfianniit anisunut tamanut takussutissiortoqarpoq. Naalackersuisoqarfik ukiuunerata ingerlanerani meeqqat atuarfiini ilinniartitaanernut iliuusissatut pilersaarutit qarasaasiakkut pissarsiarisarnernannut pikkorissartitsinissamik suliaqarniarluni pilersaaruteqarpoq.

2. Quppernermi 366-imi takussutissiap annertusinissaa periarfissaqarpa, taamaalilluni akunnerit atuartsiviit, sap. ak. holdit, ukiumut atuartut, soraarummeertut amerlassusiat kiisalu ukiumut atuartumut ataatsimut aningaasartuutit takussutissiami takuneqarsinnaasunngorlugit.

Akissut: Naalackersuisut ukiumoortumik suliffeqarnermut nassuiaammut innersuussuteqarsinnaapput, nassuiaammilu Majoriami atualernissamut aningaasarsiassanut tunngatillugu piffimmiit piffimmut/kommunimiit kommunimut oqaluttuarisaaneq pineqarpoq.

3. Naatsorsuutigisatullu suliassat Majorianut suliassat taagorneqartut qanoq annertutigisumik missingersuutinut ilanngussani suliassanut naatsorsuutigisanut atorineqassanersut takuneqarsinnaasariaqarpoq.

Akissut: Akissut 6.9.2. takuuk.

4. Majoriaqarfiit ingerlannissaannut kommunit Namminersorlutik Oqartussanit ataatsimoortumik tapiissutit aqutigalugit aamma tunineqartarnerat itisilerneqassasoq ataatsimiititaliamit kissaatigineqarpoq.

Akissut: Naalackersuisut ukiut tamaasa aningaasat qassit Majoriaqarfinnut ataasiakkaannut tunniuttarnissaannut, kingullertullu kommunimut tamarmut tunniuttarnissaannut, naatsorsuisarput.

Majoriap ilinniarnerni sorlerni ilinniartut ataasiakkaat suliarinissaannut ilitsersuisunut qanoq piunasaqartoqarnera malillugu ukiumi siuliani ilinniartut qassit suliaralugit naatsorsuiffigisimanerai, taakkulu immikkoortunut 12-nut avitaapput, ilinniartut Danmarkiliartut qinnuteqaataasa suliarinissaannut ilitsersuisut qanoq piffissamik atuisartiginerat, paasissutissanik katersinissamut qanoq piffissamik atuisartiginerat, suliffimmik misiliinissami suliaqartarnerat, ilinniartut qulit ilinniartinnissaannut pilersaarusiortarneq, qitiusumik ilinniarfinnik suleqateqarnermut qanoq piffissamik atuisoqartigisarnersoq, taamaasillunilu naalackersuisoqarfik aningaasanik ilitsersuisut akissarsiaqartinnissaannut qanoq tunniussaqaqartigisarnersoq takutinniarneqarpoq.

Sullissivinni pisortanut akissarsiat ukiut tamaasa aamma ilanngunneqartarput, paasissutissanik isumaqatigiissutineersunik pissarsiniartoqartarpoq, Airgreelandimi akit malillugit ukiumoortumik ataatsimiinnissanut pisortat peqataanerat qanoq akeqassanersoq ilanngunneqartarpoq, Majoriap internetikut attaveqaataanut tapiissutissat naatsorsorneqartarput, misilitsinnissat assigiinngitsut akilernissaannut tapiissuteqartoqartarpoq, UV-mut atortut iluarsartarnissaannut tapiissutit naatsorsuiffigineqartarput aammalu inuusuttut illoqarfinni ataasiakkaani najugaqartut amerlassusaannut paasissutissat Naatsorsueqqissaartarfimmeersut pissarsiariniarneqartarput, matumani ilinniartut qassiunissaannut qanoq tunniussisoqartiginissaa naatsorsuiffiginiarlugu. Tamakkulu aallaavigalugit Majorianut ataasiakkaanut ingerlatsinermut tapiissutit tunniunneqartarput. Namminersorlutik Oqartussanit ingerlatsinermut tapiissutit 37 mio. kr.-niupput, taakkunanngalu aamma ingerlatsinermut tapiissutit saniatigut aningaasanik

nassaassaqarpoq, taakkulu Majoriaqarfiit innuttaasunut sammisassaqartitsinerit ingerlanneranni utertissinnaavaat.

5. Malittarisassatigut tunngaviit qupperneq 366-imi suliassami kisitsisissatut naatsorsuutigisanut takussutissiap ataani allassimasut naleqqussarneqarnissaat pisariaqarneris Naalakkersuisunit isumaliutigineqarsimava?

Akissut: Naalakkersuisut massakkorpiag malittarisassatigut tunngavigineqartunik pioreersunik naleqqussaanissamut pisariaqartitsisoqanngitsoq isumaqarput, taakkulu tassaapput Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq kiisalu Suliffissanut, Ilitersuisarnernut Pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersoq.

6.10.1 Konto pingaarneq 31.07.06 Suliffissanut isertarfik

Nuna tamakkerlugu suliffissanut isertarfiup atornerqarnera Naalakkersuisunit naatsorsugaatigineqarpa?

Akissut: Naalakkersuisut nuna tamakkerlugu suliffissanut iserfissap atornerqartarneranut tunngatillugu makkuninnga paasisutissiisinaapput.

<i>Cv-t</i>	<i>Atorfimmik</i>	<i>Nittartakkamut</i>
<i>qaammat</i>	<i>inuttassarsiuinerit</i>	<i>al akkaasut</i>
<i>pilersinneqartut</i>	<i>pilersinneqartut</i>	<i>amerlassusaat</i>
2022-01	5	317
2022-02	12	299
2022-03	37	366
2022-04	24	354
2022-05	13	412
2022-06	7	377
2022-07	6	347
2022-08	11	314
2022-09	13	330
2022-10	15	315
2022-11	11	354
2022-12	12	387
2023-01	34	438
2023-02	24	393
2023-03	32	533
2023-04	22	363
2023-05	34	375
2023-06	10	379
2023-07	74	401
2023-08	54	403
2023-09	4	278
<i>Katillugit</i>	<i>454</i>	<i>7735</i>

6.11 Konto pingaarneq 31.07.07 Ilinniartunut tapiissutit - Majoriaq

Aningaasaliissutit aammalu suliasami kisitsisissatut naatsorsuutigisat qanoq imminnut naapertuuppat?

Akissut: Aningaasaliissutit suliasanullu kisitsisit naatsorsuutigineqartut imatut ataqatigiilernissaat naatsorsuutigineqarpoq innuttaasoq ataaseq ilinniarnissamut tapiissutinik qaammatit tamaasa tamakkiisunik pissarsisassasoq.

Taamaakkaluartoq unioqqutitsilluni atuanngitsoornermi ilinniartunut tapiissutit ikilisarneqassapput. Tamatuma saniatigut ilinniartut ingerlatsineri pissusissamisuumngitsut pilersinnaapput, tassami ilinniartut ilaat qaammatini 4-ni ilinniartinneqareerlutik soraarummeernissamut periarfissaqarmata. Tamatuma saniatigut ilinniartunut tapiissutinut konto atorlugu Danmarkimi højskolertitsinerit akilerneqartarput, ingerlatsinerillu qaammatini 6-10-ni sivisussuseqarsinnaapput, taamaasillutillu nalinginnaasumik atuartut ingerlatsisarneranniit akisunerulersinnaallutik.

6.12 Konto pingaarneq 31.08.07 Qinersinernut aningaasartuutit

Digitalimik allakkatigut taasisinnaanerup atuutilersinneqarnissaa pillugu Naalakkersuisut qanoq isumaliuteqarpat?

Akissut: Inatsisartunut qinersisarneq pillugu inatsisip 2020-mi novembarimi akuersissutiginerani siunissami qarasaasiakkut allakkatigut taasisinnaanermut periarfissaq inatsisitigut ammaanneqarpoq.

Politikikkut malinnaatitani ulloq qinersivissaq sioqqullugu aammalu ullup qinersiviup naanera tikillugu qarasaasiakkut allakkatigut taasisinnaanissamut periarfissaqarnissaq pillugu politikikkut kissaateqartoqarnera oqaatigineqarpoq. Naatsorsuutigineqarpoq qarasaasiakkut allakkatigut taasinerit innuttaasunut nunani allaniittunut imaluunniit umiarsuarniittunut il. il. taasinerit piffissaq eqqorlugu anngunnissaannik ajornannginnerulersitsissasoq. Qarasaasiakkut allakkatigut taasinissamut periarfissaqartitsineq innuttaasunit qinersivimmiikkusunningsunit aamma atorneqarsinnaassaaq.

Naalakkersuisut piumasaqaatinut takussutissaliornissamik suliaqarnissaq pingaartutut isigivaat, taannalu aqutsissutissaq immiini neqeroorutaaleriarpat pisisussannngortussat tunuliaqutitut atortussatut atorneqarsinnaavoq. Tamanna tapersersuiffigisinnaaniarlugu siusissukkut misissueqqissaarneq suliarineqarsimavoq, tassanilu siunertariniarneqarpoq qinersinermut atortussamik nutaamik pissarsiniarnissamut atortussannngortitsiniarnissamullu tunngatillugu periaannaat assigiinningsut qulaajarnissaat, taakkulu qarasaasiakkut allakkatigut taasinissamut tapersersuippat, taamaasillutillu qinersinermut atortup pissarsiarinissaanut atortussannngortinnissaanullu atatillugu aalajangiisartuniit attuumassutilinniit atorneqarsinnaassammat.

Siusissukkut misissueqqissaarneq naammassereerpoq, Nunamullu Namminermut Immikkoortortaqarfik Digitaliseeriinermut Aqutsisoqarfik suleqatigalugu suliniutissaq neqeroorutigalugu nassiunnissaa pillugu oqaloqatigiinnernik ingerlatitseqqissaaq. Tamatuma saniatigut qinersinermut allattuiiffiit digitaliseeriiffiginissaat pillugu saniatigut suliniummik sulissuteqartoqarsimavoq, taannalu qinersinerit pingaarnertigut digitaliseeriiffiginissaannut tapersersuineri atorneqassaaq.

7. Suliassaqarfik 34, Peqqinnissamut Naalakkersuisoq

7.1 Konto pingaarneq 34.01.01 Peqqinnissamut Naalakkersuisoqarfik

1. Pissutaasut missingersuutitut ilanngussami taaneqartut saniatigut aningaasaliissutit N 2022-mit AIS 2024 tikillugu amerleriarnernannut suna pissutaava?
Akissut: Kontomi pingaarnermi, 34.01.01 Peqqinnissamut Naalakkersuisoqarfik, suliatigut allannortoqanngilaq, taamaallaat taakku missingersuutit immikkoortiternerini nassuiarneqartut. Aningaasanut inatsit pillugu isumaqatigiissut tunngavigalugu konto pingaarneq, 34.11.08 Atornerluisunik katsorsaannissamut pilersaarut, AIS 2023-p pingajussaaneerneqarnerani ukiumut -0,303 mio kr.-nik allannortinneqarsimanera ilisimatitsissutigineqarsinnaavoq, AI23 qupp. 362 takuuk.
2. Peqqinnissaq pillugu Isumalioqatigiissitap kaammattuutaanik piviusunngortitsinissamut suliniummut allattoqarfiliornissamut aningaasaliissutit naammattut Naalakkersuisunit isumaqarfigineqarpat?
Akissut: Naalakkersuisut 3,4 mio. kr.-nik aningaasaliissutit pisariaqartutut Peqqinnissarlu pillugu Isumalioqatigiissitap periusissatigut sulinerup politikikkullu sullissinerit pitsaanerulersinnissaannut Peqqinnissamut Naalakkersuisoqarfimmi sulisut amerlanerulernissaasa pisariaqarneranik innersuussutaanut naapertuuttutut isigaat. Maannakkut aningaasat allaffissornikkut sulianut ataqatigiissaarinermi, ineriartornermi, pilersaarusiortnermi aamma peqqinnissaq pillugu isumalioqatigiissitap innersuussutaanik atuutilersitsinissamut pisarialinnut tunngatillugu naammattutut isigineqarput. Oqaatigineqassaarli maannakkut peqqissutsimut tunngasumik isumaqatigiissuteqarnissaq pillugu politikikkut oqallinnerit ilaattut suliassanik pingaarnerisuiernermi allannuisoqarsinnaammat.
3. Aningaasaliissutit annertussusiannut suna tunuliaqutaava aammalu suliniummut allattoqarfiup suliassat suut ingerlatissavai?
Akissut: 3,4 mio. kr.-nik aningaasaliissuteqarnermut suliniummut allattoqarfimmik pilersitsinissaq naatsorsuutigineqarpoq. Taassuma immikkoortortaarfimmi pisortamik ataatsimik aamma AC-fuldmægtiginik sisamanik inuttalerneqarnissaa siunnersuutaavoq, taakkulu imatut naatsorsorneqarput.

Tabel 1, akissarsiat, koruunit ilivitsut

Immikkoortortaarfimmi pisortaq	840.000 kr.
AC-fuldmægtigit sisamat immikkut 580.000 kr.	2.320.000 kr.
Katillugit	3.160.000 kr.

Tabel 2, aningaasartuutit allat, koruunit ilivitsut

Piginnaangorsaaneq	120.000 kr.
Sulinermit atatillugu angalasarnerit	120.000 kr.
Katillugit	240.000 kr.

Katillugit 3.160.000 kr. + 240.000 kr. = 3.400.000 kr.

Peqqinnissaq pillugu ataatsimiititaliarsuup pingaarnertut innersuussutaanik atuutilersitsinissat qulakkeernissaat kiisalu Kalaallit Nunaanni Peqqinnissaqarfimmi sulisunik avataaneersunik sulisussarsiortarnermut, ataqatigiissaarinermut atuutilersitsinermullu tunngavissiiinissamik siunnerfeqarluni sulissuteqarnissaq immikkoortortaarfimmik siunertaassasoq siunnersuutigineqarpoq. Taamatuttaaq immikkoortortaarfifiup nutaap sakkussanik, peqqinnissaq pillugu ataatsimiititaliarsuup

isumaliutissiissutaanik malitseqartitsilluni peqqissuseq pillugu isumaqatigiissutissamut ikorfartuisussamik pilersitsinissaq akisussaaffigissavaa.

Immikkoortortaqarfimmi suliassat eqimattanut marlunnut avinneqassapput.

Eqimattaq 1: Suliassa qarfiit attuumassutillit akornanni Peqqinnissaq pillugu ataatsimiititaliarsuup innersuussutaanik ataqatigiissaarineq, suliakkiisarneq atuutilersitsisarnerlu kiisalu naalakkersuinerlut tunngasut pingaarnertut isumagissavaat.

Eqimattaq 2: Kalaallit Nunaanni Peqqinnissaqarfimmi sulisunik avataaneersunik sulilersitsinissamik suliniummot pingaarnertut aqutsisuussapput. Eqimattat suliassat makuupput:

Immikkoortoq 1: Sulisunut avataaneersunut sulilertunut aallartinnermi pilersaaruserneq. Aallartinnerani Kalaallit Nunaanni Peqqinnissaqarfimmi avataaneersunik atorfinitsitsisarnermut periarfissat aporfissallu paasinianeqarnissaat qitiutinneqassapput. Aporfiit aaqqiissutissarsinissaq siunertaralugu paasinianeqartassapput taamaalilluni atorfinitsitsiortorneq annertuunik ilungersunartoqanngitsumik piniassamat.

Suliassat assersuutigalugu tassaasinnaapput makkunanga misissuinerit nassuiaanerillu:

- *Najugaqarsinnaanermut sulisinnaanermullu akuersissutitut malittarisassanik atuuttunik naliliineq kiisalu suliassa qarfinnik attuumassutilinnik, soorlu Isumaginninnermut, Suliffeqarnermut Nunamullu Namminerlut Naalakkersuisoqarfimmik danskillu oqartussaasuunik suleqateqarnerit naleqqussagassaappata naleqqussarlugit.*
- *Suleqatigiikkuutaat qanoq ittut suminngaanneersullu atorfinitsinneqartussatut kissaatigineqarnerlut pillugit paasinianeq*
- *Akuersissutinik tunniussisarnissamut suleriaasissat*
- *Peqqinnissaqarfimmi sulinnermi malittarisassat*
- *Sulinnermi journalinilu oqaatsitut tunngasut*
- *Peqqissaasunngorniarfimmik oqaatsillu pillugit atuarfimmik suleqateqarnissamut isumaqatigiissusernerit, tassunga ilanngullugit pikkorissartitsinissamut pilersaarutit*
- *Avataani nunatsinnilu innuttaaqataalertarnerlut pilersaaruserneq*
- *Aallartisarnerlut pilersaarutit, tassunga ilanngullugu ineqarnerlut ilaatigullu ulluunerani paaqqinnittarfinnut tunngasut*
- *Aningaasalersuineq ujartuiffigineqarpoq*
- *Kommuninik suleqateqarneq*

Immikkoortoq 2: Sulisunut avataaneersunut pilersaarummik atuutilersitsineq

- *Killiffimmi tassani suliniutissatut pilersaarut sukumiisumik nassuiarneqarsimasoq malillugu misiligutaasumik suliniut aallartinneqassaaq. Pilersaarummi qanimut siunersuisarneq sulisunullu peqataatinneqartunut ilinniartitsinermut pilersaarummik ingerlaavartumik naleqqussaasarnissat ilanngunneqassapput. Sulisut suliamut atatillugu inunnut attaveqarfissaannut atassuserneqassapput, tassunga ilanngullugu inunnut attaveqarfissanut annikitsumik pikkorissartitsineq.*
- *Killiffiup qiteqqunnerani naanerani nallersuisoqassaaq, taannalu immikkoortut pingajuanni tamakkiisumik atuutilersitsinissamut toqqammavissiissaaq.*

Immikkoortoq 3: Suliniummik naleqquttumik nalilersuineq naleqqussaanerlu malillugit sulisunik avataaneersunik tamakkiisumik sulilersitsisoqassaaq.

4. Allattoqarfiup naalackersuisoqarfiup ataanut inissinneqarsimaneranut suna tunngaviua?
Akissut: Peqqinnissamut Naalackersuisoqarfik peqqinnissaq pillugu politikkip ineriartortinnissaanut, naalackersuisunik kiffartuussinissamut aamma Peqqinnissamut Naalackersuisut akisussaaffigisaani inatsisinik piareersaanermut pingaarnertut akisussaasuvoq.
Allattoqarfiup peqqinnissaq pillugu politikimut, peqqinnissaqarfimmut tunngatillugu sanaartornermut immikkoortumut pilersaarummut atuutilersitsinissamullu pilersaarummut siunnersuusiornissaq pingaarnertut suliassarai. Taamaattumik immikkoortoq Peqqissutsimut Naalackersuisoqarfimmi inissisimavoq.

7.2 Konto pingaarneq 34.11.01 Napparsimasut nunani allani katsorsarneqartarnerat, timikkut nappaatit

Timikkut nappaatinik nunani allani katsorsaanerup pitsaanerpaamik nukittorsarneqarnissaa siunertaralugu Danmarkimik Islandimillu isumaqatiginninniarnert suli ingerlanneqarpat, taamatullu isumaqatigiinniartoqarpat taakku sumut killippat?

Akissut: Maanna Islandimik isumaqatiginninniartoqanngilaq qanittumilu taamaaliortoqarsimanani. Peqqinnissaqarfik Danmarkimi nunap immikkoortuinik arlalinnik suleqateqarnissamut isumaqatigiissuteqarput ingerlaavartumillu oqaloqateqartarluni.

7.3 Konto pingaarneq 34.11.02 Napparsimasut nunani allani katsorsarneqartarnerat, tarnikkut nappaatit

1. Inissat allannguuteqanngikkaluartut aningaasaliissutit N 2022-mit AIS 2024 tikillugu amerleriarnerrannut suna pissutaava?
Akissut: N2022-mi aningaasartuutit piviusunngortinneqartut takutinneqarput. Taamaattumik N2022-mi aningaasaliissutit qaffanneri takutinneqanngillat. 2022-mut aningaasaliissutit 18,4 mio. kr.-upput.
2. Konto pingaarneq una malillugu aningaasartuutinik akiliisarnermut inatsisitigut tunngavimmut Naalackersuisut innersuussinerat itisilerneqassasoq ataatsimiititaliamit kissaatigineqarpoq, taannami malillugu inissiinernut katsorsaaneernullu aningaasartuutit peqqinnissaqarfimmit akilerneqassapput. Aningaasartuutit danskit oqartussaasuinit akilerneqartussaanninnerat ataatsimiititaliamit tupigusuutigineqarpoq.
Akissut: Kalaallinik innuttaasunik tarnikkut nappaateqarnermik suussusersiffigineqarsimasunik katsorsaaneermit aningaasartuutit Peqqinnissaqarfimmut tuttarput. Kalaallit innuttaasui tarnikkut nappaateqarnermik suussusersiffigineqarsimasut matoqqasuni katsorsartariaqarput Kalaallillu Nunaanni katsorsarneqarnissamut periarfissaqanngillat, taamaattumik Danmarkimi katsorsartinnissaannut inissanik pisisoqarsimavoq.

7.4 Konto pingaarneq 34.11.03 Dronning Ingridip Napparsimavissua

1. MR-scannerimut tunngasumik pissutsit sumut killippat?
Akissut: Peqqinnissaqarfik MR-scannerimik pisinissamut aningaasaateqarfimmit aningaasaliissutinik tigusaqarnikuuvoq. MR-scannerip 2024-imi kvartalit aappaanni ikkunneqarnissaa naatsorsuutaavoq.
2. Uninngatitsinani katsorsaaneerit pillugit suliassami kisitsisissatut naatsorsuutigisat pillugit takussutissiap ataani allassimavoq tigusinissamut periarfissaqannginneq pissutigalugu

uninngatitsinani uninngavimmi ingerlatat ilanngunneqarsimasut. Tamatuma nassuiaatigineqarnissaa ataatsimiititaliamit kissaatigineqarpoq.

Akissut: Suliassani piviusunngortinneqarsimasuni uninngatitsinani katsorsaanerit DIH-mi uninngavimmi ingerlanneqarsimasut ilanngunneqarnikuupput. Pingaartumik pillorissaanermi uninngatitsinani uninngavimmi arlalinnik katsorsaasoqartarsimavoq.

3. Uninngatitsinani katsorsaanerit pillugit suliassami kisitsisissatut naatsorsuutigisat pillugit takussutissiami N 2022-mut sanilliullugu AI 2023 aamma AIS 2024-mi appariaat annertoq nalunaarneqarsimavoq, tamatumalu peqatigisaanik pilatsinnerit qassiuneri pillugit suliassami kisitsisissatut naatsorsuutigisat pillugit takussutissiami akerlianik amerleriartoqarsimalluni. Tamatumunnga suna pissutaava?

Akissut: Suliassami kisitsisissatut naatsorsuutigisani uninngatitsinani katsorsaasinnaassuseq ersersinneqarpoq, piviusumilli uninngatitsinani uninngavinni aamma katsorsaasoqartarpoq. Taakku 2022-mi suliassami kisitsisit piviusunngortinneqartut takutippaat. Siunissami uninngatitsinani katsorsaanerit uninngavimmi ingerlanneqartut suliassami kisitsisinut naatsorsuutigisanik naatsorsuutini ilaasalissapput, piviusunngortinneqartut kisiisaanngitsoq. Peqqinnissaq pillugu ataatsimiititaliarsuup innersuussutai naapertorlugit Peqqinnissaqarfik pillugu paasissutissanik, tassunga ilanngullugit naatsorsueriaatsinik atorineqartunik pitsanngorsaanaasaaq ineriartortitsinissarlu pisariaqartinneqarpoq.

Ukiuni taaneqartumi pilattaanerit naatsorsuutigineqartut amerlassusaat allanngortinneqarsimangillat. Kisitsisit naatsorsorneqartut takutippaat 2022-mi naatsorsuutigineqartunut sanilliullugit ikinnerusunik pilattaasoqarsimasoq.

7.5 Konto pingaarnaq 34.11.04 Kalaallit Peqqissartut Illuat

1. Ataatsimiititaliap paasinninnera malillugu napparsimasunut ingiallortaasut, ilaqquttat innersuunneqarsimangitsut, inissaqartillugu akiliillutik peqqissartut illuanni unnuinissamut periarfissaqarput. Inissaqannginneq qanigisaasut unnuinerisa ingerlaannarnissaanut killiliisinnaasoq, taamaattumillu napparsimasut unnuissusaatitaaneranni tunullunneqarsinnaanerit, ataatsimiititaliamit ilimagineqarsinnaavoq. Qanigisaasut innersuunneqarsimangitsut qanoq amerlatigisut peqqissartut illuanni unnuinissamut periarfissinneqarnissaq pillugu saaffiginnissimasut Naalakkersuisunit kisitsisaatigineqarpat?

Akissut: Inatsisartut UPA2016-imi aalajangerat naapertorlugu qanigisaasut inissinneqarsimasuunngitsut inissaqarpat KPI-mi akiliinatik unnuisinnaallutillu ullaakkorsiorsinnaapput.

KPI-mi sulisut misigisimapput qanigisaasut inissinneqarsimangitsut peqqissartut illuanni unnuerusullutik saaffiginnittartut pingaartumik sulinnigiffearfiup nalaani amerlasartut.

Qoppersakkami "Kalaallit Peqqissartut Illuanni qanigisaasutut najugaqarn", peqqik.gl-imi digitalikkut pissarsiarineqarsinnaasumi: www.peqqik.gl/Emner/Det-gronlandske-Patienthjem/Parorendes_ophold_DGP

qanigisaasunut inissinneqarsimangitsunut unnuinermut malittarisassat allassimapput. Peqqinnissaqarfik saaffiginninnerit amerlassusaannik naatsorsuineq ajorpoq.

2. Qanigisaasut innersuunneqarsimangitsut qanoq amerlatigisut peqqissartut illuanni unnuinissamut periarfissinneqarsimanersut Naalakkersuisunit kisitsisaatigineqarpat?
Akissut: Qanigisaasut inissinneqarsimangitsut qanoq amerlatigisut peqqissartut illuanni unnuinissamut periarfissinneqarsimanersut Peqqinnissaqarfik kisitsisaatiginngilai.
3. Napparsimasup peqqissartut illuanni suli najugaqarnerani qanigisaasut innersuunneqarsimangitsut inissaqartitsisoqannginnera pissutigalugu nuullutik allamik unnuiffissarsiortariaqarsimasut Naalakkersuisunit kisitsisaatigineqarpat?

Akissut: Qanigisaasut innersuunneqarsimannngitsut allami unnuiffissamik ujarlertariaqarsimasut amerlassusaat Peqqinnissaqarfiup kisitsisaatiginngilai.

4. Inuit kingullertut taaneqartut taakku unnuiffissamik allamik naassaarnissamut ikiorneqarnissamut qanoq periarfissaqarpat?

Akissut: Qanigisaasut innersuunneqarsimannngitsut unnuiffissamik nammineq ujarlernissartik akisussaaffigaat. Peqqissartut ingiallortillu innersuunneqarsimasut taakkuupput Peqqinnissaqarfiup pisussaaffigisai.

Napparsimasup najugaqarfimmi avataani misissornerarnerani katsorsarneranilu kiffartuussinerit pillugit Namminersornerullutik Oqartussat nalunaarutaat nr. 2, 24. januar 2005-meersoq naapertorlugu Peqqinnissaqarfik peqqissartut ingiallortillu innersuunneqarsimasut nunami allami katsorsartinnissamut innersuunneqartut najugaqarnerannut akiliisussaataavoq.

5. Qanigisaasut innersuunneqarsimannngitsut peqqissartut illuannut pulaarnissaminnut qanoq periarfissaqarpat?

Akissut: Peqqissartut illuanni sammisassaqtitsisarnerit pingaarnertut peqqissartunut naatsorsuussaapput. Qanigisaasoq peqqissartut illuanni aaqqissuussinernut sammisagaqtitsinernullu assigiinngitsunut peqataarusukkuni, qanigisaasoq peqataanissamut nammineerluni akiliisaaq.

6. Napparsimasut peqqissartut illuanniinnerminni pisariaqartumik nakkutigineqarlutillu paaqqtarineqarnissaat qulakkeerniarlugu Naalakkersuisut allanik oqaaseqaatissaqarpat?

Akissut: Kalaallit Peqqissartut Illuanni sulisut pingaarnertut suliassatik isiginiartarpaat, tassa peqqissartunik peqqissartut illuanni najugaqartunik isumaginninneq, taakku tulliatut peqqissartunut qanigisaasut innersuunneqarsimasut. Qanigisaasut innersuunneqarsimannngitsut peqqissartut illuanni inissaqarpat unnuisinnaapput. Piffissaq isumalluutillu suliassanut allanut, assersuutigalugu qanigisaasunut innersuunneqarsimannngitsunut atorneqartut peqqissartunik katsorsaanermut, paaqqinninnermut siunnersuinernullu atorneqanngitsoortarput.

7.6 Konto pingaarneq 34.11.11 Tarnikkut napparsimasunik inissiisarfirmut pinerluttulerinnermut inatsit malillugu inissiineq

Konto pingaarneq una malillugu aningaasartuutunik akiliisarnermut inatsisitigut tunngavimmut Naalakkersuisut innersuussinerat itisilerneqassasoq ataatsimiititaliamit kissaatigineqarpoq, taannami malillugu inissiinernut katsorsaanernullu aningaasartuutit peqqinnissaqarfimmit akilerneqassapput. Aningaasartuutit danskit oqartussaasuinit akilerneqartussaanninnerat ataatsimiititaliamit tupigusuutigineqarpoq.

Akissut: Namminersorlutik Oqartussat oqartussallu danskiunngitsut kalaallit innuttaasuisa, kalaallit pinerluttulerinnermi inatsisaat malillugu eqqartuunneqarsimasut peqqinnissakkut katsorsartinnerannut akiliisussaapput.

7.7 Konto pingaarneq 34.12.01 Nunap immikkoortuini peqqinnissaqarfiit

Nunap immikkoortuini sulisut naammattut piginnarneqarnissaannut, taamaalillunilu nunap immikkoortuini peqqinnissaqarfimmi napparsimasunik katsorsaanerit assertuutigalugu Nuummumut nuunneqarnissaasa sapinngisamik pinngitsoortinneqarnissaanut, sanilliullugu nunap immikkoortuini peqqinnissaqarfiit sullississutaasa peqqinnissakkullu sullissinerisa killiffiannik paasitinneqarnissani ataatsimiititaliap kissaatigaa?

Akissut: Taamaallaat Nuummi, Tasiilami Sisimiunilu aalajangersimasumik atorfilinnik nakorsaqarpoq. Peqqinnissaqarfimmi sulisunik, minnerunngitsumik nakorsanik sulisussarsiortarneq sulisorinniinnartarnerlu suli annertusiartuinnartumik ilungersunarput. Illoqarfiit taaneqartut avataanni nakorsatut ilisimasallit amigaatigineqaraangata

peqgissartut napparsimaruluttut illersorsinnaasumik katsorsarneqarnissaat qulakkeerniarlugu Nuummukaannissaat pisariaqartarpoq.

7.8 Konto pingaarneq 34.12.05 Nuna tamakkerlugu nakorsaaserisoqarfik

Nunap immikkoortuini peqqinnissaqarfinni nakorsaataasivinnik Naalackersuisut qanoq iliorlutik akuttunngitsumik nakkutilliisarnersut, taamaalillutillu nunap immikkoortuini nakorsaatinik amigaateqalernissamik pinaveersimatitsisarnersut, paasissutissiissutigineqassasoq ataatsimiititaliamit kissaatigineqarpoq.

Akissut: Nunatta Nakorsaataasiviata Nakorsaatiit pillugit Inatsisartut peqqussutaanni nr. 1, 12. maj 2005-imeersumi § 25, imm. 2 naapertorlugu akuttunngitsumik nakkutilliisussaavoq.

7.9 Konto pingaarneq 34.12.06 Ataatsimut aningaasartuutit

Peqqinnissaqarfup iluani sulisussaaleqinerujussuarmut sanilliullugu sulisussarsiortarnermut sulisooreersunillu attassiinnarnissamut suliniutit aningaasallu immikkoortinneqartut naammannersut paasissutissiissutigineqassasoq ataatsimiititaliamit kissaatigineqarpoq.

Akissut: Isumalluutit immikkoortinneqartut naammaanngillat. Aningaasaqarnermut Sulisoqarnermullu Aqutsisoqarfimmi isumalluutit amigarput. Tamanna Aningaasaqarnermut Sulisoqarnermullu Aqutsisoqarfimmit sulisunik isumaqatigiissutit amigaatigineqarneri kinguaattooqqaneriluunniit annertuumik unammilligassaanerisigut kiisalu akissarsiat tunniunneqartarnerannik ajornartorsiuteqarnikkut takutinneqarpoq. Ajornartorsiutit taakku Peqqinnissaqarfik aqutsisoqarfimmit sullinneqarnissamik aqutsisoqarfimmut annertuupilussuarmik piumasaqalersimaneratigut annertusisimapput, naak tamatumunnga aningaasaliissuteqartoqarsimanngikkaluartoq. Tamanna sulisussarsiortarnikkut sulisorinniinnartarnikkullu ilungersunartunik pilersitsivoq, tassa 1) Peqqinnissaqarfimmi atorfiit isumaqatigiissuteqanngitsumik sulilertussanit inuttalerneqarusuttanngimmata aamma 2) piffissami sivikitsumi atorfeqarsimasut isumaqatigiissutinik akissarsianillu ajornartorsiuteqarsimanerat pissutigalugu Peqqinnissaqarfimmi nutaamik atorfittaarnissaannut pinaveersaartitsisarmata.

Taamatutaaq Peqqinnissaqarfup sulisussarsiortarnikkut sulisorinniinnartarnikkullu suliniutaannut allaffissornikkut tapersersuinissamut isumalluutit amigaatigineqarput. Piffissamut sivikitsumut sulisussanik amerlasuunik ingerlaavartumik aallartisaasarneq ilisarititsisarnerlu aalajangersimasumik sulisunut ataatsimullu isigalugu sulisorinniinnartarnermut artukkiisarpoq.

Tamatuma saniatigut soorunami minnerunngitsumik suliffitsialattut isigineqarnissaanut peqqinnissaqarfup iluani sulinermi avatangiisit orniginartuunissaasa qulakkeernissaat pingaarutilipilussuavoq.

Taamaattumik Naalackersuisut sulisussarsiortarnikkut suliniummik pitsanngorsaananissamut, ilaatigut Aningaasaqarnermut Sulisoqarnermullu Aqutsisoqarfimmi isumalluutit amerlaninngortinnissaat siunertaralugu ilaatigut atorneqarsinnaajumaartumut 2 mio. kr.-nik sillimatinik immikkoortitsisimapput. Aningaasanut inatsimmi konto pingaarneq 20.11.70 innersuussutigineqarpoq. Aningaasat aningaasanut inatsimmik suliaqarnermi kingusinnerusukkat allannguutissatut siunnersuutitut atugassanngortinneqassapput.

7.10 Konto pingaarneq 34.13.01 Peqqinnissaqarfii, kigutigissaaneq

1. N 2022-mit AIS 2024-mut allannguutit qiviaraanni suliassami kisitsisissatut naatsorsuutigisani nakorsiartut amerlassusissaattut naatsorsuutigisat sulisorisassatut naatsorsuutigisanut qanoq ataqatigiippat?
Akissut: 2022-mut suliassami kisitsisit piviusunnngortinneqartut takutippaat, 2022-mut sanilliullugit ukioq naallugu suliffiit nakorsiartullu ikinnerusut piviusunnngortinneqarsimapput, taanna ilaatigut kigutigissaanermi sulisussarsiortarnikkut ilungersunartut pissutaapput. Ukioq naallugu suliffiit nakorsiartullu amerlassusaat toqqaannartumik ataqatigiipput. AI2023-miit AI2024-mut sulisunut aningaasartuutissatut naatsorsuutit aamma suliassami kisitsisissatut naatsorsuutit allannngortinneqarsimangillat.
2. Suliassami kisitsisissatut naatsorsuutigisani nakorsiartut amerlassusissaattut naatsorsuutigisat pillugit takussutissiap ataani oqaaseqaammik ilanngussisoqarpoq, taannalu erseqqinnerusumik itisilerneqassasoq ataatsimiititaliamit kissaatigineqarpoq.
Akissut: Utoqqarnik/inersimasunik nakorsiartitsinerit meeqqanik inuusuttunillu nakorsiartitsinerimut sanilliullugit amerlanertigut akisunerussapput ajornarnerullutillu. Meeqqat inuusuttullu kigutigissaavimmit aggersarneqartarput malinnaavigineqartuarlutillu, illuatungaani inersimasut nakorsiarnissaminnut namminneq piffissamik inniminniisarlutik. Meeqqanik inuusuttunillu nakorsiartitsinerit amerlanertigut "ileqquusumik misissortinnerusarput" inersimasullu kigutimikkut peqqissutsimigut ajornartorsiuleraangamik nakorsiarnissamut piffissamik inniminniisarlutik. Taamaattumik inersimasunik nakorsiartitsinerit immaqalu katsorsaanerit nalinginnaasumik aningaasartuutaanerusarput.

8. Suliassaqarfik 40 Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

8.1 Konto pingaarneq 40.02.01 Ilinniartut Ineqarfiisa Allaffeqarfiata ataatsimut kontoa

1. Nuummi Nuussuarmilu ilinniartut ineqarfiini inuit 98-inik amerlineqartut, aningaasaliissutilli taamaaqataanik amerlineqanngitsut, ataatsimiititaliamit maluginiarneqarpoq. Tamatuma nassuiarneqarnissaa ataatsimiititaliamit kissaatigineqarpoq.

Akissut: Suliassaqarfiup iluani pissutsit pissutigalugit aningaasaliisoqarnissaanik KAF-imit kissaatigisaq siullermeernissamut ilanngunneqarsimangilaq.

Naalakkersuisut aappassarinninnissamut allannguutissatut siunnersuusiussapput.

2. Ataatsimiititaliap "Nypigekollegiet" imaluunniit Narsarsuarmi "Blok 2-10" tusarsimangilai. Ilinniartut ineqarfii nutaaviit pineqarpat?

Akissut: "Nypigekollegiet" Nuummi C.E. Jansensvej 23, B-1282-miittoq.

"Narsarsuarmi" Blok 2-10 inissiaapput pisoqaanerit H.J. Rinksvej-imiittut.

Inissiat pineqartut ilinniartunut inissiaanngillat nutaat.

8.2 Konto pingaarneq 40.02.03 Aningaaserivinnit taarsigassarsarsiat taarsigassarsiallu akilerneqartarnerat

Misiligutaasumik ilinniarnermut taarsigassarsiat amerlassusiisa AI 2023-mit (45) AIS 2024-mut (12) nikinnerannut suna pissutaava?

Akissut: Taanna nikingassut amerlassutsit assigiinngitsumik naatsorsorneqarsinnaanerannut tunngaveqarpoq. USF-ip timmisartuussisartunit akiligassat amerlassusaat naatsorsortarpai, timmisartuussisartullu ilaat qaammatikkaartumik akiligassat nassiuttarmatikkat allallu piffissamut sivisunerusumut akiligassanik ataatsimoortunik nassiussisarmata pilotinngorniartumut ataatsimut akiligassat amerlaassusii nikerarsinnaapput.

Taakku aqqaneq-marluk (AIS24) akiligassat tamarmiusut tunngavigalugit naatsorsorneqarput taakkulu 45-t (AI23) akiligassat annikinnerusut tunngavigalugit naatsorsorneqarlutik.

8.3 Konto pingaarneq 40.02.07 Immikkut ikiorsiissutit, angalanermut aningaasartuutit il.il., suliffeqarfiit

Konto pingaarnerup inatsisitigut pisussaaffigalugu aningaasaliissutit pinnagu tapiissutit aningaasaliissutit taagorneqarnera ataatsimiititaliamit eqqumiigineqarpoq Tamanna nassuiaatigeqqullugu Naalakkersuisut qinnuigineqarput.

Akissut: Ilinniagaqarnerisutit aningaasanik tapiissutinik immikkullu ikiorsiinernik imaqarmata konto pingaarneq manna tapiissutit aningaasaliissutaavoq, tassa nerisaqarnikkut najugaqarnikkut, akiliunneqarluni angalanikkut, pequtit assartornerinut, atuakkanut, assartuinermi atuarnermi akitsuutit il.il. immikkut immikkut akiliutinut ilaanissamut immikkut piumasaqaatinik ilinniagaqartut naammassinnissammata, tak. ilinniagaqarnerisutit pillugit nalunaarut nr. 9, 19. juli 2017-imeersoq.

Ataatsimut isigalugu aningaasaliissutit inatsisitigut pisussaaffiusut akimik taasilluni tapiissutit inatsisitigut aalajangersakkatut isigineqarput.

8.4 Konto pingaarneq 40.10.12 Efterskolit

Atuartumut ataatsimut qaammammut 281 kr.-it konto pingaarneq una aqqutigalugu Kalaallit Illuinut utertinneqartartut Naalakkersuisunit paasissutissiissutigineqarpoq. Aningaasat Danmarkimi efterskolertut ilitsersorneqarnerannut atorneqartarput. Aningaasat ataatsimiititaliamit maluginiarneqarput atuartumullu ataatsimut aningaasat pineqartut Naalakkersuisunit nassuiaatigineqarnissaat kissaatigalugu.

Akissut: Taakku tassaapput aningaasanut inatsimmi oqaasertaliussani akigititaq pisoqqat Inatsisartunit akuerineqarsimasut. 2004-mi akigititaq 225 kr.-usimavoq, kingornalu imatut allannngortinneqarsimalluni: 2005-imi 250 kr., 2012-imi 256 kr., 2013-imi 261 kr., 2014-imi 265 kr., 2015-imi 268 kr. aamma 2018-imi maannakkumut 281 kr.

8.5 Konto pingaarneq 40.12.35 GUX Aasiaat

Ilinniarnertuunngorniarfimmil soraarummeernermit oqalutseqartitsisoqartarnerseq imaluunniit oqalutseqartitsisoqartalernissaa eqqarsaataanersooq paasissutissiissutigeqqullugu Naalakkersuisut qinnuigineqarput.

Akissut: Maannakkut GUX-imi misilitsinnerni oqalutseqartarneq atorneqanngilaq pilersaarutigineqaranilu.

8.6 Konto pingaarneq 40.12.36 GUX Nuuk

Ukiumut ilinniartut amerlassusiat AIS2023-mi qaffariaateqartoq, ilinniartumulli ataatsimut ukiumut aningaasartuutit taamaaginnangajattut, ataatsimiititaliamit maluginiarneqarpoq. Ukiumut ilinniartut amerleriaataat malillugu ukioq ataaseq ilinniartumut aningaasartuutit ikileriannginnerat ataatsimiititaliamit eqqumiigineqarpoq.

Akissut: Ilimagineqarpoq apeqqut ukiumi ataatsimi ilinniartumut AI 2023 aamma AIS 2024 akornanni aningaasartuutit pineqartut, matumani ukiumi ataatsimi ilinniartumut ataatsimut aningaasartuutit ukiumi ataatsimi ilinniartut amerliartuinnarneri ilutigalugit appariartunnginnerat Ataatsimiititaliamit eqqumiigineqarpoq. Oqaatigineqassaaq ukiumi ataatsimi ilinniartut amerlassusiat AI 2023-p AIS2024-llu akornanni ukiuni tallimani ilinniartunik appariartortussaammata. Aamma oqaatigineqassaaq AIS 2024-imi ukiumut ataatsimut ilinniartumut aningaasartuutit naatsorsorneri eqqunngimmata aappassaaneerinninnermilu iluarsineqarumaarlutik.

8.7 Konto pingaarneq 40.90.07 Nunani tamalaani pilersaarutinut suleqatigiittoqarnera pillugu ilinniarnerni paasissutissiisarnernilu nutaaliorneq

Fonden for Entreprenørskabip ataani Kalallit Nunaanni immikkoortumik pilersitsinermi Naalakkersuisut qanoq pilersaaruteqarnerat paasissutissiissutigineqassasooq ataatsimiititaliamit kissaatigineqarpoq. Allaffimmi tassani suliassat sorpiaat suliarineqassappat tamatumunngalu tapiissutit qanoq agguataarneqassappat?

Akissut: Fonden for Entreprenørskab (FFE) nunap annerpaartaani meeqqanut atuarfinni inuusuttunullu ilinniarfinni ilinniartitsisunut atuartitsisunullu nutaaliorneq sanaartukkanillu suliassinneqartarneq pillugit pikkorissaasimavoq. Ingerlaqqiffiusumik ilinniarfinni 2024-mi ilinniartitsisoqarnissaa naatsorsuutigineqarpoq.

FFE nutaaliornermi sanaartukkanillu suliassinneqartarnermi ilinniartitsissutinik meeqqat atuarfinut suliaqarpoq inuusuttunullu ilinniarfinnut ilinniartitsissutissanik nutaanik suliaqaleruttorluni.

Ilulissani 17. november 2023-mi pisussamik pilersaarusiortoqarsimavoq, matumani FFE atuarfinni tamani ilinniartitsiffiusartuni inummik ataatsimik Arsarnerit Inuusuttai-ni, nunatsinni aallarnisaanermi finalemut annerpaamut akeqanngitsumik peqataasooqarnissaanut qaaqqusisimavoq. Pisussamut peqataasussanut tamanut FFE-p angalanermut, nerisanut ineqarnermullu aningaasartuutit akilissavai. Pisussaq Avannaata Kommunia suleqatigalugu piviusunngortinneqassaaq.

Angalanerit, ilinniagaqaqqinnerit aallarnisaanermullu tunngatillugu finalep saniatigut FFE allaffeqarpoq Issortarfimmu 1, 3905 Nuussuarmi maannamullu inuk ataaseq atorfeqarpoq.

8.8 Konto pingaarneq 40.90.08 Ilinniartitaanermi PAT-i

N 2022-mut sanilliullugu aningaasartuutit allat eqqarsaatigalugit suliassami kisitsisissatut naatsorsuutigisani allannguutitut suna pissutaava?

Akissut: Kontonut nalunaarsuinnermut atortumi aningaasartuutit allanngortinnerini aningaasartuutit ilaat siornatigut "Aningaasartuutit allat" ataannut nalunaarsorneqartartut AI2023-mut "Atuinnermut akitsuut" ataannut nalunaarsorneqarsimapput. Tamanna kukkuneruvoq, "Atuinnermut akitsuut" tassaasariaqarmata aningaasartuutit nunatsinni meeqqat atuarfiini, qitiusumik atuarfiini, GUX-ini, Majoriani paaqqinnittarfinnilu allani ataasiakkaani internetimut attaveqarnermut atatillugu aningaasartuutitut tunngasut. AIS 2024-mut allannguisoqassaaq, taamaalilluni suliassami kisitsisit tassaasalissallutik aningaasartuutit atuarfiit ilinniarfeqarfiillu internetimut attaveqarnerinut tunngasut. Taamaattumik suliassami kisitsisit annertunerusumik allanngortinneqassanngillat.

8.9 Konto pingaarneq 40.90.15 Ilinniartut inissaannik attartorneq

1. Ilinniartut ineqarfiinik nalinginnaasunik sanaartornermi Immikkoortoq 2-mi Nuummi sanaartugassat neqeroortitsissutigineqarnerinik taamaatitsinerup akuerineqarnissaa Naalakkersuisunit Aningaasaqarnermut Akileraartarnermullu Ataatsimiititaliamut qinnutigineqarmat ataatsimiititaliamit oqaatigineqassaaq. Tamanna kontop matuma missingersuusiorneqarneranut qanoq kinguneqassava?

Akissut: Immikkoortoq 2-mut inissat naatsorsuutigisatut annertusinissaat attanniarlugu ukiumut 8,2 mio. kr.-t missaannik aningaasaliisoqassasoq naatsorsuutigineqarpoq.

2. Siuliani allassimasut ukiuni missingersuusiordiusuni missingersuusiornermut qanoq kinguneqassappat?

Akissut: Tassani Immikkoortoq 2 qaqugu naammassineqassanersoq iserterfigineqarnissaminullu piariissanersoq apeqqutaavoq, tamatumalu saniatigut apeqqummut 8.9.1-imut siulianiittumut akissut innersuunneqarpoq.

8.10 Konto pingaarneq 40.91.03 Pikkorissartitsineq

1. Ilanngaaseereerluni aningaasartuutit N2022-miilli marloriaammik amerleriaateqarsimasut ataatsimiititaliamit maluginiarneqarpoq. Tamatuma nassuiaatigineqarnissaa ataatsimiititaliamit kissaatigineqarpoq.
2. Konto pingarnermi matumani pikkorissarnissamik neqeroortutini kikkut siunnerfigineqarpat?

Akissut: Ilinniarsimasut ilinniarsimannngitsullu, tassunga ilanngullugit suliffeqanngitsut siunnerfigineqarput. Tamatuma saniatigut Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq aamma Naalakkersuisut nalunaarutaat nr. 21, 1. juli 2008-meersoq innersuussutigineqarput.

8.11 Konto pingarneq 40.91.05 Inersimasunut ilinniartitaanerit

Aningaasat "ilinniartitaanermi immikkut ittumik suliniuteqarneq"-mut atatillugu atorneqassasut konto pingarnermi matumani oqaasertani Naalakkersuisunit paasissutissiissutigineqarpoq. Tassungaa atatillugu ilinniartitaanermi immikkut ittumik suliniuteqarneq qanoq paasineqassanersoq itisileqqullugu Naalakkersuisut qinnuigineqarput. *Akissut: Kontomi pingarnermi matumani 40.91.05-imi allassimappat: 'pikkorissartut ... najugaqarnerinut' taaguut 'pikkorissartut' eqqortumik taaguummik 'inersimasut ilinniartut' taarserneqartariaqarpoq. Taamatuttaaq oqaatsit 'pikkorissartitsinermut ajunngitsorsiassaannut' imatut taarserneqartariaqarpoq 'sulineri akissarsiassaraluanik annaasat', taakku inuussutissarsiutinut ilinniarnermi pikkorissarnerit pillugit malittarisassat naapertorlugit inersimasumut ilinniartumut tunniunneqartarput. Inersimasunik ilinniartitsinerup ilusilersugaanera sivilissusialu aalajangersarneqartarpoq, ilinniartup suliatigut minnerpaamik inuusuttutut ilinniartup pisinnaasassaani pisinnaasaqalernissaa, taamalu soraarummeernermi/misilitsinnermi (svendeprove) angusaqarsinnaaneranut tunngaviusunik pisinnaasaqalernissaa isiginiarlugu, Inersimasunik ilinniartitsisarneq pillugu nalunaarummi § 4 takuuk.*

Taamaalillutik inersimasunut ilinniarfinni inuusuttunut nalinginnaasumik ilinniarfittulli atuarfimiinnissaq suliffimmillu misiliinissaq piumasaqaataapput. Aningaasat atuarfimi suliffimmilu misiliiffiusumi atuartitsinermut ilinniartitsinermullu atatillugu toqqaannartumik atorneqanngimmata, inersimasulli ilinniartup atuarfimiinnerani suliffimmillu misiliiffimiinnerani 'sulineri akissarsiassaraluanik annaasaanut' aamma angalaneranut najugaqarneranullu kiisalu suliffimi ilinniarnissaq eqqarsaatigalugu ilitsersuisumut atatillugu atorneqartarmata, 'ilinniartitaanermut immikkut ittumik suliniuteqarnermut atatillugu' ima allassimassagaluarpoq 'atuarfimiinnermut suliffimmilu misiliiffimiinnermut atatillugu'.

Taamaalilluni kontomi pingarnermi 40.91.05-imi allassimasut, immikkoortup aappaani oqaaseqatigiinni siullerni imatut allannortinnissaat siunnersuutigineqarpoq: 'Konto pingarneq manna aqutigalugu inersimasunut ilinniartunut ilitsersuisunullu atuarfimiinnerannut suliffimmillu misiliiffimiinnerannut atatillugu sulineri akissarsiassaraluanik annaasanut, angalanernut najugaqarnermullu aningaasartuutit akilerneqassapput'. Tamanna aappassaaneerinninnissamut allannuutissatut siunnersuutitut pissaaq.

8.12 Konto pingarneq 40.91.06 Ilinniartitsisunik ilinniartitseqqittarneq

1. Suliassami kisitsisissatut naatsorsuutigisani N 2022-mi "Pikkorissartut allat" ataani pikkorissartuq ataasiinnaasimasoq aammalu AIS2024-mi pikkorissartut 50-iunissaat naatsorsuutigineqartoq ataatsimiititaliamit maluginiarneqarpoq. Tamatuma nassuiarneqarnissaa ataatsimiititaliamit kissaatigineqarpoq.

Akissut: Suliassami kisitsisissatut naatsorsuutigisani KISII allannerluisoorsimavoq, tassani 23-usussaagaluarpoq.

2. Taamatuttaaq ilinniartitaanermut suliassaqarfimmi aningaasaqarnerup killiffianik paasitinneqarnissaq ataatsimiititaliamit kissaatigineqarpoq.

Akissut: Konto pingarneq 40.91.06 pillugu killiffik tassaavoq – siuliani kukkuneq eqqaassanngikkaanni – allanngorarpallaanngilaq: 2022-mi PG-mi pikkorissartut naammassisullu ikinnerusimapput, tamanna Covid-19-imik pissuteqarsimassanganerqarpoq, nalinginnaasumullu maanna uteqqinnissaa naatsorsuutigineqarpoq.

8.13 Konto pingarneq 40.97.03 Kalaallit Nunaanni ilageeqarneq

Ukiuni missingersuusiorfiusumi kiisalu ukiuni missingersuusiorfiusuni suliassami kisitsisissatut naatsorsuutigisat N2022-mut sanilliullutik annertuumik qaffariarnerannut suna pissutaava? Tassunga atatillugu ataatsimiititaliamit maluginiarneqarpoq N2022-mut sanilliullugu missingersuutit kisitsisitaat appariarsimasut, tamatumalu peqatigisaanik suliassami kisitsisit malunnaateqarluartumik qaffariarsimasut. Kiisalu naak ilassutitut aningaasaliissuteqarnissamik qinnuteqaat Aningaasaqarnermut Ataatsimiititaliamit 2022-p naanerani akuerineqaraluartoq aningaasaliissutit annertunerusumik allannguuteqarsimangitsut ataatsimiititaliamit aamma maluginiarneqarpoq.

Akissut:

Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup oqaatigaa ukiumut missingersuusiorfiusumut suliassami kisitsisit taamaallaat nikingasut taakkulu AIS 2024-p aappassaaneerqarnerani iluarsineqarumaartut.

Missingersuutini kisitsisit M2022-mut sanilliullugit appariarnerinut Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup Ilagiinni atuineruneq akilerniarlugu 2022-p naanerani Kontomut pingaarnermut, 40.97.03 Kalaallit Nunaanni Ilageeqarneq, aningaasaliissutit 5.100.000 kr.-nik ilaneqarnissaannut qinnuteqarsimanera pissutaavoq.

Kalaallit Nunaanni Ilageeqarneq 2022-mi 4,2 mio. kr.-nik atuinerusimavoq, 750 tsn. kr.-nik immikkoortitat minillugit. Ilageeqarnerup 2022-mut missingersuutit malissimanginneri kiisalu suliassa qarfinni arlalinni, tassunga ilanngullugit akissarsianut, soraarnerussutisiassanut tapiissutinut, feeriarnersiutinut, vikarinik atorfinitsitsinernut assartuineremullu annikippallaartumik missingiisoqarsimanera ilageeqarnerup atuineruneramut pissutaapput. Tamatuma saniatigut Ilagiit 2021-mit atuinerussutit nuunneqarnerannut akiliutit missingersuutinut ilanngussimangilaat ilaatigullu kvartalimi kingullermi kingumoortumik atuuttumik akilerneqartunik SIK-mik isumaqatigiisummi qaffaasoqarnera iliuuseqarfigisimanagu. Ilagiit ataatsimut isigalugu kukkusumik missingersuusiorsimapput aningaasartuutillu aningaasaliissutit iluanni akilerneqarsinnaanissaasa qulakkeernissaannut missingersuutinik iluminni malitseqartitsisimanatik.

Taamaattumik aningaasaliissutit 2022-mi 5.100.000 kr.-nik ilaneqarnissaat qinnutigineqarsimavoq. Aningaasaliissutit allanngornerat susassa qarfimmi 40-mi aningaasanik missingersuutinut sunniuteqanngitsumik nuussineruvoq.

9. Suliassaqarfik 50-51 Aalisarnermut Piniarnermullu Naalakkersuisoq

9.1 Konto pingaarneq 50.01.20 Aalisarneq piniarnerlu

1. N 2022-p aammalu AIS 2024-p akornanni aningaasaliissutit nikerarnerannut suna pissutaava?

Akissut: 2022-mi aningaasaliissutit 669tkr.-upput, naatsorsuutinilu takuneqarsinnaavoq 510tkr. atorneqarsimasut, 2023-mut aningaasaliissutit inerneru akit affaannik iluarsineqarnerisa kingunerisaanik AIS2024-mi aningaasaliissutit 691tkr.-upput.

2. Aningaasaliissutit ingerlatanut sorlerpianut atorneqartarnersut

paasissutissiissutigineqassasoq ataatsimiititaliamit kissaatigineqarpoq.

Akissut: Suliassami kisitsisini takuneqarsinnaavoq aningaasanut inatsimmi kontomut uunga aningaasaliissutit aalisarnermi suliniutinut, piniarnermi suliniutinut tuukkanullu qaartartulinnut atorneqarsimasut.

Suliniutit aalajangersimasut eqqaaneqarsinnaasut tassaapput:

- Aalisarneq: aalisarnermi ineriartortitsinissamut suliniutinut, tassunga ilanngullugit sinerissap qanittuani angallatini minnerusuni ERS-inik pilersitsinermut, Tinilerilaami Tasiilamilu misileraalluni aalisarnermut atortunik aamma Narsap eqqaani misileraalluni ammassassuarniarnermut atortunik tapiissutit tunniunneqartarput.

- Piniarneq: Suliniutinut aningaasaliissutit piniagassanik piujuartitsisumik tunngavilimmik atuineq pillugu paasititsiniaanernut atorneqarput. Taamatuttaaq 2022-2023-mi suliniutinut aningaasat, NAMMCO-qarfimmi arfernun angisuunut mikisunullu qaammataasakkut mikisunnguanik nalunaaqutsiinermik ineriartortitsinissamut ilaannakortumik tapiissuteqarnermut atorneqarsimapput.

- Tuukkat qaartartullit. KONFIFA ukiut tamaasa qamutilinnik tuukkanillu qaartartortalinnik atuisarnermi pikkorissartitsisarpoq. Tamatuma saniatigut tuukkanik qaartartortalinnik pisinermut aningaasanut inatsimmi kontokkut ugguuna akilerneqartumik tapiissuteqartoqartarpoq.

9.2 Konto pingaarneq 50.06.50 Aalisarnerup ineriartortinneqarnissaanut immikkoortitat

Suliassami kisitsisissatut naatsorsuutigisat sooq N2022-mit AIS2024-mut 50 %-it missaannik amerleriarpat?

Akissut: Ukiut tamaasa aningaasaliisoqartarpoq, qanoq amerlatiginerannut aningaasaqarnikkut inissisimaneq apeqqutaasarpoq. Aningaasaliissutit angallatinik naammasseqqammersunik atornikunilluunniit 40%-it tikillugit tapiissutilerlugit pisinermut angallatinillu isaterinermut atorneqartarput. Aningaasat atorneqanngitsut sipaarneqartarput ukiumullu aningaasanut inatsiseqarfusumut tullermut nuunneqartarlutik. Aalisarnermut aningaasaliissutinut immikkoortitat pillugit Inatsisartut inatsisaat nr. 15, 20. november 2006-imeersumi § 1, imm. 2 takuuk.

Kontomi tassani atuineq qinnuteqartut aalajangersimasut apeqqutaallutik ukiumiit ukiumut nikerarsinnaapput.

9.3 Konto pingaarneq 51.01.05 Kalaallit Nunaanni Aalisarsinnaanermut Akuersissutinik Nakkutilliisoqarfik aamma Piniarnermik Nakkutilliisoqarneq

Aningaasaliissutit allannguuteqannginnerat nakkutilliinerullu nukittorsarneqarnissaanik pisariaqartinneqarnera imminnut qanoq naapertuutsigippat?

Akissut: Aningaasanut inatsimmi kontomi, 20.11.50 Sillimmatit, angallammik nakkutilliisummik nutaamik Nanoq IV-mik, AIS2024-p aappassaaneerqarnerani atuutilerneqarnissamik naatsorsuutigineqartumik ukiumut ingerlatsinermut 3,3 mio. kr. immikkoortinneqarsimapput.

9.4 Konto pingaarneq 51.07.40 Taarsigassarsiarititat ernialersugaanngitsut akilersuutitaqanngitsullu

1. Konto pingaarnermi matumani oqaasertani Ammassaliup allassimanagera ataatsi-miititaliamit eqqumiigineqarpoq, naatsorsuutigineqarporlu taanna iluarsineqassasoq.
Akissut: Maannakkorpiaq taaguutit eqqortut atorineqarnissaat siunertaralugu sulissuteqartoqarpoq.
2. Nunatta sinnerani umiatsiaaqqat inuussutissarsiuutit atorineqartussat 75 % angullugu tapiiffigineqartartut allassimavoq. Tamanna itisileqqullugu Naalakkersuisut qinnuigineqarput, ataatsimiititaliarmi isumaqarmat tamanna imaanngimmat ass. Nuummi Ilulissanilu atuuttoq.

Akissut: Aalisarnermik piniarnermillu inuussutissarsiuutillit inuussutissarsiornerannik siuarsaaneq pillugu Inatsisartut inatsisaanni nr. 13, 3. december 2012-imeersumi § 5 imm. naapertorlugu akip 84%-ianik aamma 75%-ianik tapiissuteqartoqarsinnaavoq. Nassuiaatit innersuussutigineqarput, tassa allassimavoq

" Imm. 2-mut

..... Umiatsiaaqqanut tapit eqqarsaatigalugit, inuussutissarsiuutigalugu umiatsiaaqqanut siullertut aalisarnermut atorineqartussanut tapiisoqarsinnaavoq piffinni aalisarsinnaasutsimik ulikkaaruffiusimannngitsuni", nanginneralu "Sumiiffinni aalisarfiusuni annertuumik aalisartoqarnerata kingunerisaanik umiatsiaaqqanut tapiissuteqartarneq tunulliunneqarsinnaavoq, aalisarpallaartoqarneratigut ajornartorsiut ajornerulersinniarnagu.

Imm. 3-mut

Aalajangersakkap maliinnarpaa aalisarnermik piniarnermillu inuussutissarsiuutillit inuussutissarsiornerannik siuarsaaneq pillugu peqqussut maanna atuuttoq. Tapiissutissat annertussusissaat taaneqareersunit 75 % aamma 84 % -init annertunerussanngillat. Qaanaap, Ammassallip Ittoqqortoormiullu kommuunini isertitaqartarnermut allaninnarnit periarfissalunnerunera pissutigalugu taakkununga tapiissut 84 %-iutinneqarpoq allani 75 %iusoq. Piffinni pineqartuni tapiissutip annertuneruneranut pissutaavoq taakku immikkut ittumik piniarnermik aalisarnermillu isertitaminnik tunaartaqarneruneranik, tassunga ilaalluni piffinni pineqartuni misilittagaammat isertitaqarsinnaanerup annikinnerunera."

10. Suliassaqarfik 62-64 – Nunanut Allanut Inuussutissarsiornermut Niuernernullu Naalakkersuisoq

10.1 Konto pingaarneq 64.10.03 Northern Periphery and Arctic-imut Kalaallit Nunaata tapersiissutai

Aningaasaliissutit matumani pineqartut sunniutaannik uuttuinissaq ataatsimiititaliamit ujjartorneqarput. Aningaasaliissutit uku nunatsinni inuiaqatigiinnit qanoq iluaqutissarsiffigineqartarnersut itisilerneqassasoq Naalakkersuisunut qinnutigineqarpoq. *Akissut: The Northern Periphery and Arctic 2014-2020 Programme nunat 9-t assigiissutillit suleqatigiiffigaat. Assigiissutsit tassaallutik inukitsunnguugamik, tikikikkuminaatsuugamik, aningaasarsiutigineqartut allanngorarpallaanngineri kiisalu inuiaqatigiit pisuussutinik pinngortitameersunik pinngitsuisinnaannginneri inuiaqatigiillu ilaasortasut silap allanngoriartorneranit annertuumik eqqorneqarlutik. Assigiissutsit tamakku misilittakkat aallaavigalugit suleqatigiilernerimut tunngaviupput.*

Northern Periphery & Arctic programmetimut (NPA) aningaasaliissutit inuiaqatigiinnut iluaqutaassusaat uuttortarneqarneq qjorpoq. Taamaattumik NP programimut aningaasaliissutigineqarsimasut akileraarutitit aqqutigalugit inuiaqatigiinnilu allatigut isertitsissutaasarneri toqqaanartumik kisitsisaatigineqanngillat. Taamaattoq ilisimatitsissutigineqarsinnaavoq suliffeqarfii namminersortut arlallit, pisortat suliffeqarfii kiisalu suliffeqarfii ilisimatusarnermik ilinniarnernillu sammisaqartut il.il. ukiut ingerlanerini NPA-mut peqataasarnikuummata. Northern Periphery Arctic Programme 2023-mi martsimi kingullermik ataatsimiinnerani suliniutin 9-usunit 6-it akuerineqarput. Suliniutin 9-usunit suliniutin 2-t kalaallinut attuumassuteqarput. Suliniutilli marluk kalaallinut attuumassuteqartut arlaannaalluunniit tapiissutisinnigilaq. Suliniutaasinnaasut katersorneqarneri allaaserineqarnerilu kalaallit sinnerlugit Nalik Ventures-imit isumagineqartarpoq. Nalik Venturesip ilisimatitsissutigaa qinnuteqartitsisarneq oqimaatsuusoq suliassallu taasuma allanit isumagineqartalernissaa kissaatiginartillugu oqaatigisimallugu. Porgrammip ingerlatiinnarnissaa eqqarsaatigalugu sinaakkutissat suussanerisa misissornissaat suliassaalissaaq.

Tamakkiisumik ilisimatitsissutigineqarsinnaavoq suliniutin Northern Periphery Arctic Programmeme tiguneqartartut assigiinngitsuusinnaasarmata tassaasinnaallutillu; tunisassiamik aalajangersimasumik ineriartortitsineq, nutaaliornerni aaqqiissutissarsiornerit, ilisimasani avitseqateqartarnerit, piginnaasanik ineriartortitsineq sulihamullu atatillugu attavissarsiornerit il.il. Pilersaarutit iluini suleqatigiinneq aqqutigalugu Kalaallit Nunaaniit peqataasut ilisimaligaat tamarmiusut aallaavigalugit aamma nunat tamalaat suleqatigiinnerinut peqataanerulerneru aallaavigalugit pilersaarutit aningaasaqarnikkut suliatigullu peqataasup inuiaqatigiillu pissarsiaatut isigineqassapput.

10.2 Konto pingaarneq 64.10.06 Taarsigassarsianut qularnaveeqqusiissutit akilernerarneri
Taarsigassarsianut qularnaveeqqusiissutit tamakkiisut, matumani aningaasaliissutinut tunngaviusut, aningaasannorlugit qanoq amerlatigaat?

Akissut: 2012 tikillugu nunami inuussutissarsiortut taarsigassarsiaannut qularnaveeqqusiisoqartarpoq, taamatuttaaq takornariartitsinermik inuussutissarsiutilinnut aamma nunami inuussutissarsiutilinnut inuussutissarsiutinik siuarsaanermut. . Taarsigassarsiarpassuarnut qularnaveeqqusiisoqartarpoq taamatuttaaq ilaatigut suliffeqarfinnut namminersortut pigisaannut, angallatit atorlugit suliffeqarfinnut, sanaartornermik suliallit suliffeqarfutaannut, cafee-nut allanullu. Taarsigassarsianut sivilunerpaamik ukiut 10-t akilersugassanut qularnaveeqqusiisoqarsinnaasarsimavoq. 2022-mi taarsigassarsianut sinneruttunut akiitsut sinneruttut 0,4 mio. kr.-it missaanniipput.

10.3 Konto pingaarneq 64.10.27 Inuussutissarsiutit ineriartortinnerinut pilerisaarinernullu suliniutit

Konto pingaarnermi matumani suliassanut takussutissiaq missingersuutinut ilanngussami Naalackersuisunit taaneqarpoq. Suliassanut takussutissiaq taamaattoq ilaangimmat ataatsimiititaliamit eqqumaffigeqquneqassaaq. Amigaataasoq taanna iluarsiniarlugu siunnersuutip aappassaaneernejarnissaanut Naalackersuisut allannguutissatut siunnersuuteqarnissaat ataatsimiititaliamit naatsorsuutigineqarsinnaava?

Akissut: Immikkoortumi kukkuneqarpoq: Konto pingaarnermi matumani suliassanut takussutissiaq siunissami kontumi pingaarnermi missingersuusiorfiusoq tamakkerlugu atuinerit assigiinnerusumik nalunaarutigisalnissaat siunertarlugu naleqqussagaavoq. Aammattaaq suliassanut takussutissiami missingersuusiornerit, atuinerit nalunaarusiortarnerillu akornanni toqqaannarnerusumik attaveqalernissaq pilersinneqassaaq.

AIS2024-mi peerneqarsimangilaq. Tamanna aningasanut inatsisissatut siunnersuutip katiterneqarnerani pissaaq.

10.4 Konto pingaarneq 64.10.30 Puisit amiinik tunisineq

1. Assersuutigalugu Great Greenlandimi naammassisinnaaqassutsimik atorluanaissaq qulakkeerumallugu assersuutigalugu Norgemit puisit amiinik eqqussuinissamut qanoq periarfissaqarnerisooq paasissutissiissutigineqassasoq ataatsimiititaliamit kissaatigineqarpoq.

Akissut: Akissuteqartinnani akissuteqarnissamut oqaaseqaatissanik Aalisarnermut Piniarnermullu Naalackersuisoqarfimmu pissarsiniartoqarsimavoq.

EU-mi puisit pillugit aaqquissuussineq, sinaakkutitut inatsisaavoq, EU-mi tunitsiviusartunut puisit amiinik tuniniaanissamut nittarsaassisarnerit tamakkiisumik inerteqqutigineqarnerinut atuutsinneqanngitsunik marlunnik imaqarpoq. Puisit amiinik eqqusseqqusinninnermut tunngatillugu kalaallinut soqutiginaatilimmik oqaasertaliisoqarsimavoq tassalu inerteqquteqarneq inuiaqatigiinnit inunnuq nunap inoqqaavinullu allanut atuutsinneqanngitsoq.

Norgilli puisinniarnermi oqaaseq 'Indigenous communities' atorneq ajorpaa. Norge piffinni nunat tamalaat oqartussaaffigisaani piffinnilu aningaasarsiornikkut oqartussaaffigisamini aningaasarsiuutigalugu puisinniartarpoq. Norge Tunumi puisinniarsinnaanissaminut ukiut tamaasa allakkatigut qinnuteqartarpoq, kalaallilu aningaasarsiornikkut soqutigisaani sikup killinga tikissinnaagaangamikku tamaani aataanik piniartarlutik.

Norgip nammineq sineriamini puisinniartarnera annikitsuararsuuvoq aalisakkanillu illersuiniarlutik ingerlannerusarlugu.

Norskit puisinniarnerat Kitaata-sikuanik taaneqartartumit (Grønlandshavimi norskit oqartussaaffigisaani) ingerlanneqartarpoq aammalu Sikorsuarneq (Barentshavet/Hvidehavet) nunallu inoqqaavinit ingerlanneqarneq ajorluni tamatumalu kingunerisaanik puisit amii tamakku Kalaallit Nunaanni suliarineqareeraangamik Inuit nunallu inoqqaavisa pisinnaatitaaffiatullu EU-mut nioqqutigineqarsinnaaneq ajorput.

Kalaallit Nunaanni Aalisarnermut Piniarnermullu Nalaakkersuisoqarfik Nunavut-imilu oqartussat massakkuugallartoq "Certifying Body-mik kisimik pigisaqarput taannalu tassaalluni puisit amiinik eqquassinissamut annissinissamullu EU-mi oqartussaasut akuersissutaat.

Nangillugu ilisimatitsissutigineqarsinnaavoq amminik Canadameersunik norgemeersunillu eqquisarnerit Naalakkersuisuusimasut unitsinnikummassuk ammit nunanit taakkunaneersut inuit piginnaatitaaffiit ilaatinneqanngimmata aamma piginnaatitaaffiit 2015-imi sukaterneqarnerisa kingorna. Amminik Canadameersunik Norgemeersunillu eqqussuineq nunatsinni nunanilu allani tusagassiuutitigut kusanangitsumik sammineqartarsimavoq.

Puisit amii Canadameersut Norgemeersullu Great Greenlandip nammineq ilisarnaatini atornagu taamanikkut nittarsaattarsimavai tamannali unitsinneqarsimalluni tunisassiat Great Greenlandip ilisarnaataa taamaallaat atorlugu immikkoortinneqarsinnaaneq ajormata. Kalaallit Nunaata Canadallu akornanni kiisalu Kalaallit Nunaata Norgellu akornanni puisit ataatsimoorussaapput puiseqatigiullutillu ataatsit, piniarnerinullu atatillugu immikkoortinneqartarlutik tassalu "aningaasarsitugalugu pisat" aamma "Inuit pisaat".

Naalakkersuisut Great Greenlandimik piginnittutut kissaatiginartinneruaat puisit amiisa nunatsinni piniartunit pisat Great Greenlandimut atorneqarnerunissaat anguniarlugu immikkut iliuuseqartoqarnissaa kissaatiginartinneruaat. Aningaasarsitugalugu piniartarnerit EU/UK-mit nunanillu allanit taamatut killilersuiffigineqartunit isorineqarsinnaasut pinnagit tamanna toqqarneqartariaqarsimavoq. Kalaallit Nunaani amernik ajoraluartumik suli eqqaasoqartaraluartoq nungusaataangitsumik atuinissamik eqqarsartaaseq aallaavigalugu amernik nunanit allaneersunik aningaasarsitugalugulu pisarineqarsimasunik pisiortornani amminik Kalaallit Nunaaneersunik salliutitsinissaq "atuilluarneruvoq".

10.5 Konto pingarneq 64.10.31 Takornarianut sullissiviit nunatsinnilu takornariagassat

1. Nuuk Natur- og GeoCenterip pilersinneqarnissaanut ukiut arlallit ingerlaneranni aningaasanik immikkoortitsisoqartarpoq. Nuummi suliap killiffia paasissutissiissutigineqassasoq ataatsimiititaliamit kissaatigineqarpoq. *Akissut: Nuuk Natur- og Geocenter Nuup sissiuqatoqaani quersuarni pisoqqani marlunni pilersinneqartussaasimagaluarpoq. Pilersaarulli taana piviusunngorsinnaajunnaarpoq. Kommuneqarfik Sermersooq suleqatigalugu inissiiffiusinnaasunik allanik nalilersuisoqarsimavoq sulili aalajangertoqarani. Ilutigalugu Covid-19-illu pilersitaanik sipaarniuteqartoqarnera pissutigalugu takornarianut sullissivissanut marlunnut aningaasaliissutit allanut nuunneqarput, tamatumalu kingunerisaanik suliniutip ingerlaqqinnissaa taamaassappallu isikkussaa annertussusissaalu isummerfigisariaqassapput. Apeqqutip piffissami qanittumi isummerfigineqarnissaa Naalakkersuisunit naatsorsuutigineqarpoq.*
2. Takornariat ornittagaannik amerlanerusunik pilersitsinissaq Naalakkersuisunit pilersaarutigineqarpa? *Akissut: Takornariat ornittagassaanut tunngatillugu kommunini ataasiakkaani assigiinngitsunik takorluugaqartoqarpoq. Kommunit soqutiginninnerunissaat*

isumassarsianillu suliniuteqarnerunissaat Naalakkersuisunit kissaatiginartinneqarpoq.

3. Takornariat ornittagaannut aningaasalersueqataanissami kommunit qanoq akkuutinneqartussatut naatsorsuutigineqarpat?

Akissut: Takornariat ornittagassaat naqqarpiaanit sananeqassaneri, illunik/ininik pioreersunik pisinikkut, illunik/ininik attartornikkut il.il. pissarsiarineqarnissaat apeqqutaalluni pissarsiariniarneranut kommunit peqataanissaat naatsorsuutigineqarpoq.

Ingerlatsinermut aningaasartuutit matussuserneqartarnissaat eqqarsaatigalugit apeqqutaasaaq kommunit taamatut aaqqiissuteqarnikkut iluaqutissartanik takunnissinnaanersut.

Takornariat ornittagasaanut tunngatillugu kommuni isumassarsiavinnik peqartoqarpat kommunit peqataanissaasa annertussusissaasa isumaqatiginninniutigineqarnissaat pissusissamisuuksaaq.

4. Danskisut taaguutip (visitorcentre) taamaaqataata eqqortup Naalakkersuisunit pinerit tamaasa atorineqarnissaa ataatsimiititaliamit kaammattuutigineqassaaq. Taaguut Oqaasiliortunit pisortatigoortumik akuerisaq kalaallisuuani atorineqassasoq ataatsimiititaliamit kaammattuutigineqarpoq.

Akissut: Naalakkersuisut oqaaseqaatigineqartut tusaatissatut tiguaat.

10.6 Kontumut pingaarnermut, 64.10.32 Takornariaqarnermik ineriartortitsineq inuussutissarsiutinillu siuarsaaneq

1. Amerlanngitsunik taarsigassarsineq suliassami kisitsisinut takussutissiami aningaasaliiffigineqanngitsutut allassimasooq ataatsimiititaliap maluginiarpaa. Tamatumunnga suna pissutaava aammalu ikittunik taarsigassarsinerup atorineqarnerulernissaanik sulineq sumut killippa?

Apeqqutinut 10.6,1 aamma 3-mut akissutit:

Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allanngortinneqarnera pillugu Inatsisartut inatsisaat ulloq 17. november 2017-imeersoq (Annikitsunik taarsigassarsititsisarnermik aaqqissuussineq) naapertorlugu annikitsumik taarsigassarsisitsisarnermut aaqqissuussineq atuutsilernerminut ukiut 4 ingerlareernerani atorunnaarsinneqartussaavoq. Tassa imaappoq annikitsumik taarsigassarsisitsarnermut aaqqissuussinermut aningaasaliissutit 1. januar 2022 atorunnaarput. Annikitsumik taarsigassarsisitsisarnermut aaqqissuussineq misiligutitut ingerlanneqarsimavoq aaqqissuusarluk massakkut Nalik Venturesimit nalilersorneqaleruttorpoq.

Naak aningaasaliissutaasartut unitsinneqaraluartut Nalik Venturesip aaqqissuusaaq suli ingerlappaa annikitsumik attartorsimasut taarsersugai atorlugit nutaanik taarsigassarsisitsisarnermigut. Taamaasilluni 2022-mi annikitsumik 19-inik taarsigassarsisitsisoqarsimavoq katillugit 1,7 mio. kr.-inik taakkunanga qulit suliffeqarfinnut takornarialerinermik ingerlataqartunut.

Aaqqissuusamik nalilersuineq 2023 naatinnagu naammassissangatinneqarpoq.

2. Takornariaqarnermi inuussutissarsiutinik siuarsaanermi ikittunik taarsigassarsisitsinerup nunaqarfinni mikisuni aningaasalersuutigineqassaa Naalakkersuisunit naleqquttutut isigineqarpa?

Akissut: Suliffeqarfinnik mikinerusunik nukittorsaanissamut sakkussat suugaluartulluunniit Naalakkersuisunit tikilluaqquneqarput. Siunissami annikitsumi, taarsigassarsisarnissat Nalik Ventures nalilersuereerpat aaqqissorneqassapput.

3. Matumani aningaasaliissutit ingerlatanut sorlernorpiaq atorneqartarpat?

Akissut: Imm. 10.6.1. takuuk

10.7 Konto pingaarneq 64.20.07 Inuit Circumpolar Council

ICC-mi ingerlatat sunniutaannik uuttuinissaq ataatsimiititaliamit ujartorneqarpoq. ICC-p Kalaallit Nunaanni ingerlatai qanoq iluaqutaassuseqarpat?

Akissut: ICC – Inuit Circumpolar Council kattuffiuvoq nunat tamalaanit

ilaasortaaffigineqartoq ataqqisaq FN-ip Aningaasaqarneq isumaginninnerlu pillugit siunnersuisoqatigiivini (ECOSOC) NGO-tut akuerisatut inissisimasog. NGO-t 6000-init amerlanerusut taamatut inissisimapput taakkunannga 13-it nunat inoqqaavisa kattuffiullutik. ECOSOC-NGO inissisimasut FN-ip ataani suliniaqatigiiffiit ataatsimiinnerini alaatsinaatsutut peqataanissamut periarfissinneqartarput nunat inoqqaavinut kisiat tunngasuninnaanngitsoq soorlu Nunap Inoqqaavisa Piginnaatitaaffii pillugit FN-imi immikkut ilisimasallit (EMRIP) FN-ip inuit pisinnaatitaaffii pillugu Siunnersuisoqatigiivisa ataani inissisimasog aammalu FN-ip nunap inoqqaavi pillugit ataavartumik ataatsimiititaliaani (PFII) ECOSOC ataani inissisimasumi.

ICC-ip Naalackersuisullu nunat inoqqaavisa piginnaatitaaffiit tunngasut suliarisarpaat taamaattorlu assigiinngitsunik aallaaveqarlutik.

ICC nunap inoqqaavisa piginnaatitaaffiit tunngasunik inuunnaat isaat aallaavigalugit sulisarpaq nunallu tamalaat suliniaqatigiiffiini taasisinnaatitaalluni peqataasinnaalluni soorlu FN-imi. Assersuutigalugu ataatsimiinnissani taamatut ittuni Naalackersuisut Danmark FN-imi pisortatigoortumik ilaasortaasog aqutitigalugu taamaallaat peqataasinnaatitaapput, taamaattumillu saqqummiussassaajunnartut kunngeqarfiup sinaakkusiussai aallaavigalugit ataqatigiissarneqartariaqartarlutik.

ICC nunani tamalaani tamakkiisumik, assigiinngitsorpassuarnik kiffaanngissuseqarlunilu susassaminut tunngatillugu suleqateqarpoq tamatumalu saniatigut naggueqatigut Canadameersut, Alaskameersut Chukotkameersullu akornanni suleqatigiittarneri isumagisarisarlugit, suleqatigiinnerit Ukrainimi sorsuttoqalernerata kingorna suli pingaaruteqarnerulersut.

ICC Issittumi Siunnersuisoqatigiinni aalajangersimasumik ilaasortaanermit pingaarutilittut inissisimavortaaq, kattuffillu nunat inoqqaavilu sinnerlugit ilaasortaasut tallimat peqatigalugit Issittumi nunat inoqqaavisa nipaas isumagisarlugit. Assersuutigalugu Kalaallit Nunaat Kunngeqarfiup Danmarkip sinaakkusiussai aallaavigalugit peqataasarpoq tassani isummiussat isumaqatiginninniarnerinilu inissisimaffiit Kalaallit Nunaata, Savalimmiut Danmarkillu akornanni ataqatigiissaarneqaaqartarlutik.

Naalackersuisut ICC-ilu nalinginnaasumik qanimut suleqatigiippat tassuunakkut issittoq aallaavigalugu nunat inoqqaavisa piginnaatitaaffii soqutigisaallu pitsanngorsarniarlugit ilaatigut ICC-ip nunani tamalaat suleqatigiiffiini suliatik aallaavigalugit isummaminik paasissutissanillu saqqummiisinnaasarlutik. Taamatut qanimut attaveqarsinnaaneq Naalackersuisut nunap inoqqaavisa piginnaatitaaffii pillugit suliaqarnerani iluaqutaasorujussuuvog.

2018-imit 2022-mut suliat pillugit sukumiisumik allaaserinnilluni ICC-p nahunaarusiaa Naalackersuisunit innersuussutigineqassaaq (ilanngussatut ilanngullugu nassiunneqarpoq).

11. Suliassaqarfik 66 – 67 Aningaasaqarnermut, Naligiissitaanermut, Aatsitassanut Inatsisillu Atuutsinneqarnerannut Naalakkersuisoq

11.1 Konto pingarneq 66.01.01 Aatsitassanut ikummatissanullu Aqutsisoqarfik – Allaffissorneq

Sulisorisassatut naatsorsuutigisat ikileriarnarat aammalu akissarsianut aningaasartuutit amerleriarnarat imminnut qanoq naapertuuppat?

Akissut: Ukiumut suliffiit amerlassusaat siunerusukkut kukkusumik nalunaarutigineqartarsimapput pissutsinillu piviusunik aallaaveqarsimanatik. Tamanna allannguutissatut siunnersuuteqarnikkut iluarsineqassaaq. Taamaasiornikkut ukiumut suliffiit amerlassusaat aningaasarsianullu aningaasartuutit ataqatigiilissapput.

11.2 Konto pingarneq 67.01.02 Geologiimut Immikkoortoqarfik

1. Piffissaq ungasinnerusoq eqqarsaatigalugu Geologiimut Immikkoortoqarfiup namminersortutut ilisimatusarfinngortinneqarnissaa sulissutigineqartoq Naalakkersuisunit paasissutissiissutigineqarpoq. Taamaassimappat aningaasaliissutit N2022-mit AIS20-24-mut sooq taama malunnaateqartigisumik ikileriartinneqarpat?
Akissut: Aningaasaliissutit Naalakkersuisut suliassamissut pingaartitaanik aallaaveqarput. Namminersortumik immikkoortortaqaalernissamik kissaat suli suliarineqarpoq. N2022-mi aningaasaliissutit qaqqat sisoorsinnaanerisa misissorneqarnissaanut atortussanik pisinissamut 4,5 mio. kr.-inik nalilinnik immikkut pisisariaqarsimanermik sunnerneqangaatsiarsimapput, taamaattumillu ikileriaativiit annikitsuararsuullutik.
2. Suliniut siuliani taaneqartoq qaqqap sisoorneranik suliamut attuumassuteqarpa?
Akissut: Naatsorsuutini kisitsisit 2022-meersut CCS-ip suliaanik qaqqallu sisoorneranik aallaaveqarput. Aningaasanut inatsimmi kontot uku 2023-mi pilersinneqarput 67.01.14 Qaqqat sisoorneri aamma 67.01.15 CCS. Taamaattumik 2022-mi naatsorsuutini kisitsisit ukiumit tulliuttunit qaffasinnerungaatsiassapput. Taamaattumik 2022-mi naatsorsuutit AIS24-illu imminnut sanilliunneqarnera piviusorsioortuunngilaq. Kisitsisit sulianit assigiinngitsunit aallaaveqarmata.

11.3 Konto pingarneq 67.01.03 Geologiimut ussassaarinermilu suliniutit

1. Geologiimut Immikkoortoqarfiup (konto pingarneq 67.01.02) suliassai missingersuutininut ilanngussami uteqqinneqarput. Tamatumunnga suna pissutaava?
Akissut: Iluumorpoq uteqqiinerupput tassanimit suliniummut tunngatillugu tunngaviit tamakkiisumik allaaserineqarmata.
2. Nunani tamalaani nittarsaassinermik suliniutit, Geologiimut immikkoortortamittaaq isumagineqartut, konto pingarnerup 67.01.02-p, Geologiimut immikkoortoqarfimmut tunngasup, ataani aningaasaliissutigineqannginnerannut suna tunngaviua?
Akissut: Nunani tamalaani nittarsaassinerni aningaasartuutit suliallu 67.01.03 inissinneqartarsimagaluarput suliassatut immikkut pingaarutilittut isigineqarmata.
3. Naalakkersuisut aatsitassanut immikkoortup inuussutissarsiutitut imminut napatissinnaasutut ineriartortinneqarnissaata suliniutigineqarnissaa anguniagaraat. N2022-p AIS2024-llu akornanni aningaasaliissutit ikileriangaatsiarnanik qanoq isilluni aallaaveqarsinnaava?
Akissut: N2022-mi aningaasaliissutit qaqqat sisoorsinnaanerisa misissorneqarnissaanut atortussanik pisinissamut 4,5 mio. kr.-inik nalilinnik immikkut pisisariaqarsimanermik sunnerneqangaatsiarsimapput, taamaattumillu ikileriaativiit annikitsuararsuullutik.

12 Suliassaqarfik 70 – 72 - Ineqarnermut Attaveqaasersuutinullu Naalakkersuisoq

12.1 Konto pingaarneq 70.01.07 Sanaartornermi oqartussaassuseq

Sulisorisat N2022-mit AIS2024-mut allanngornerannut suna pissutaava?

Akissut: Naalakkersuisut 2023-mut Aningaasanut inatsit innersuussutigissavaat tassani kontomi pingaarnermi 70.01.07-imi ima allassimasoqarmat:

Kontomi pingaarnermi matumani aamma kontumi pingaarnermi, 72.02.03 Allaffissornermut pilersaarusionermullu aningaasartuutit, suliassat kontumut pingaarnermut matumunnga katinneqarput, taamaattumik matumani aningaasaliissutit 3,9 mio. kr.-nik qaffanneqarput. Taamaalilluni konto pingaarneq, 72.02.03 Allaffissornermut pilersaarusionermullu aningaasartuutit, peerneqarpoq. Tamanna Inissianut tamakkiisumik Pilersaarummik suliniutip naammassineqarnerata kingunerisaanik pivoq. Isumalluutit inissianik ingerlatsinerimut malitseqartitsinerimut, iluarsaassinermut, suliniutinut nutaanut nutaamillu inatsisiliornermut siunissami atorveqassapput. Taamaalilluni ineqarnermut suliassaqarfik maannamiit Sanaartornermut Immikkoortortaqarfiup akisussaaffigilissavaa. Kontut pingaarnerit ataatsimuulersinnerisigut sulisunut tunngatillugu kisitsisit aamma qaffariarput.

Sulisut amerlassusaanut kisitsisit AI2023-mit AIS2024-mut amerleriarneri aningaasaliissutit akit akissarsiallu iluarsiiiffigineqarnerinik aallaaveqarput immikkoortortaqarfimmi atorfiit taaguutaasa allanngortiternerisa saniatigut sulisut siunnersuutigineqartut amerleriarnerinik kinguneqarsinnaasoq. Tamanna pisariaqarsimavoq immikkoortortaqarfimmi sulisoqarmat 2024-mi soraarninngorsinnaatitaalersussanik, taamaattumillu atorfinitsitsinerit ingerlanneqarsimallutik ilisimasanik paarlaasseqatigiinnissat suliariligassallu isumannaatsumik suliarineqartalernissaat eqqarsaatigalugit.

12.2 Konto pingaarneq 72.20.05 Ilaasunik angallassinermut tapiissutit

1. Kiffartuussinissamik isumaqatigiissutinik suliassaqarfimmut tamatumalu malitseqartinneqarneranut atatillugu misissueqqissaarnermik sulinermi aningaasartuutit kiisalu suliarinnittussarsiuussinissami aningaasartuutaasinnaasut konto pingaarneq una aqqutigalugu akilerneqartartut Naalakkersuisunit paasissutissiissutigineqarpoq. Misissueqqissaarneq taaneqartoq qaqugu naammassisussatut Naalakkersuisunit naatsorsuutigineqarpa?
Akissut: Konto pingaarneq una isumaqatigiissutissat misissoqqissaarnerinut atorveqarnerusarpoq. Kujataanut tunngatillugu 2025 nallertinnagu nutaamik kiffartuussinissamut isumaqatigiissusiortoqartussaavoq Arctic Umiaq Linelu nutaamik isumaqatigiissusiortofigineqartussaalluni. Tamatuma saniatigut kiffartuussinissamik isumaqatigiissutit nalilersorneqaleruttorput massakkuugallartorli kinguartooqqalluni ilanngussassanik amigaateqartoqarmat. Nalilersuinerit naammassippata nalilersukkallu akuerineqareerpata Inatsisartunut ataatsimiititalianut susassaqtunut nassiunneqarumaarpoq.
2. Kiffartuussinissamik isumaqatigiissut ukiunut 2021-2025-mut ukiuni 5-ini atuuttussaq aqqutigalugu Sarfaq Ittuk atorlugi sinerissami ilaasunik umiarsuarmik angallassisarnissap ingerlaannarnissaa pillugu Arctic Umiaq Linemik isumaqatigiissusiortoqarsimanera Naalakkersuisunit paasissutissiissutigineqarpoq kiisalu kiffartuussinissamik isumaqatigiissutit atorunnaanginnerani nutaamik isumaqatigiinniartoqassasoq paasissutissiissutigineqarpoq. Tamatuma itisilerneqarnissaa ataatsimiititaliamit kissaatigineqarpoq.

3. *Akissut: Kiffartuussinissamik isumaqatigiissutissaq nutaanik periarfissiillunilu nutaanik atortutaarnernik kinguneqartussaag Ineqarnermut Attaveqaatersuutinullu Naalakkersuisoqarfiup Arctic Umiaq Linellu akornanni ulluni makkunani oqaloqatigiissutigineqarpoq. Isumaqatiginninniarnissanut piginnaatitsissut Aningaasaqarnermut Akileraartarnermullu Ataatsimiititaliamit akuerineqartussanngorpat Inatsisartuni ataatsimiititaliat susassaqartut ilisimatinneqarumaarput.*

12.3 Konto pingaarneq 72.20.10 Usinik assartuineq

Royal Arctic Line A/S-ip siunissamut pilersaarutaasa ingerlatassaasalu killiffiat paasissutissiissutigineqassasoq ataatsimiititaliamit kissaatigineqarpoq.

Akissut: Royal Arctic Line A/S-ip 2023-mi ukiup affaanut naatsorsuutai aammalu 2022-mut ukiumoortumik nalunaarusiaa Naalakkersuisunit innersuussutigineqarput taakkulu uani nanineqarsinnaapput: <https://www.ral.dk/regnskaber/>.

12.4 Konto pingaarneq 72.20.12 Sikunik alapernaarsuineq

N 2022-mit AIS 2024 tikillugu aningaasaliissutit nikerarnerujussuannut suna pissutaava?

Akissut: Naalakkersuisut 2023-mut aningaasanut inatsit innersuussutigissavaat, tassani konto pingaarneq 72.20.12-imut ilaatigut ima allassimasoqarmat:

"Namminersorlutik Oqartussat sikunik nalunaarsuisarnermut aningaasalersueqataapput. Akiligassaliortarnerup pitsanngorsaaviginissaa saqqumisitsinissarlu siunertaralugit Umiarsuaatileqatigiiffinnit Arctic Umiaq Linemit aamma Royal Arctic Linemit DMI-mut akiliutit konto pingaarnermut 72.20.12 Sikunik alapernaarsuinermit ataatsimuulersinneqarput.

Taamaattumik konto pingaarnermi uani aningaasaliissutit 3. mio. kr.-inik qaffanneqarput konto pingaarnermilu 72.20.10 Usinik assartuineq paarlattuanik aningaasaliissutit 3 mio. kr.-inik ilanngarneqarlutik. '

13. Suliassaqarfik 73-77 Imminut Pilersornermut, Nukissiutinut Avatangiisinullu Naalakkersuisoq

13.1 Konto pingaarneq 73.04.01 Nunalerinermik inuussutissarsiuteqartunut aningaasalersuinikkut tapersiisarneq

1. Naggorissaatinut nerukkaatissanullu immikkut aningaasartuuteqarnermut atatillugu nunalerinermut inuussutissarsiuteqartunut 2023-mi 5 mio. kr.-it ikiorsiissutigineqarnissaat akuerineqarmat ataatsimiititaliamit oqaatigineqassaaq. Tamanna AIS2024-mi aningaasaliissutinut sunniuteqarsimanersoq paasissutissiissutigineqassasoq ataatsimiititaliamit kissaatigineqarpoq.

Akissut:

Nerukkaatissanut naggorissaatissanullu akit piffissap sivikitsup iluani qaffariataarmata tassanngaannartumik 5 mio. kr.-inik aningaasaliisoqartoqariaqarsimavoq. Immikkut ittumik tassanngaannartumillu ikiorsiinissaq pineqarmat tamanna AIS 2024-mut aningaasaliissutinut sunniuteqanngilaq.

2. Tassunga atatillugu ilassutitut aningaasaliissuteqarnissamik qinnuteqaatit assingusut siunissami naatsorsuutigineqarsinnaanersut paasissutissiissutigineqassasoq ataatsimiititaliamit kissaatigineqarpoq.

Akissut:

Nerukkaatissat naggorissaatissallu akii suli qaffasissorujussuupput Ukrainimilu sorsunneq ingerlagallartillugu taamaaginnassanganneqarlutik. Inuussutissarsiuteqartut pissutsinut nutaanut naleqqussarsimanissaat Naalakkersuisut naatsorsuutigaat.

13.2 Konto pingaarneq 73.04.07 Savaatillit nioqqtissanik pisiortornerminni taarsigassarsiaannut qularnaveeqqutinik akiliineq

Nunalerinermi nioqqtissianik nunalerinermut atugassanik pisiniarnissamut qularnaveeqqusiissutip qaffanneqarnissaa pillugu ilassutitut aningaasaliissuteqarnissamik qinnuteqaammik (ataatsimiititaliap suliaa nr. 01.31.06/22-00989) ataatsimiititaliap akuersissutiginninnera konto pingaarnermut matumunnga pitsaasumik sunniuteqarsimanersoq paasissutissiissutigineqassasoq ataatsimiititaliamit kissaatigineqarpoq. Suliassaq Savaatillit Peqatigiit Suleqatigiissut nerukkaatissanik pisinermi atatillugu taarsigassarsiaannut qularnaveeqqutit 3,5 mio. kr.-init 5 mio. kr.-inut qaffanneqarnissaannut tunngassuteqartoq ataatsimiititaliamit pingasunngornermi ulloq 29. juni 2022-mi akuerineqarpoq.

Akissut:

Namminersorlutik Oqartussat taarsigassarsianut Grønlandsbankenimut qularnaveeqqusiussaata qaffanneqarnera Aningaasaqarnermut Akileraartarnermullu Ataatsimiititaliamit 29. juni 2022 akuerineqarpoq. Taamaasillutik Savaatillit Peqatigiit Suleqatigiissut taarsigassarsianut qularnaveeqqutit pillugit isumaqatigiissutip aningaasartaa qaffassinnaalerpaa taamaasillutillu naggorissaatissanut nerukkaatissanillu pisiffigisimasaminnut akiligassatik akilersinnaalergit.

Nerukkaatissat naggorissaatissallu pisiat nunalerisunit ukiumi pisiffigisami nammineq akilerneqarsinnaatinnagit konto pingaarnermi 73.04.07 qularnaveeqqusiissutit 2/3-iinai atorreqartaraluarput. Aningaasaliissutit qaffannissaat pisariaqanngitsutut taamaasilluni nalilerneqarsimavoq. 2022-mi qularnaveeqqusiinernut 888.378 kr.-it atorreqarsimapput.

13.3 Konto pingaarneq 73.04.08 Savaaqqanik toqoraavinnut il.il. Kiffartuussinissamut isumaqatigiissut

1. Konto pingaarnermut matumunnga oqaasertaliussap qulequtaa allaammat ataatsimiititaliamit eqqumaffigeqquneqassaaq. Kukkunermik tamatuminnga iluarsiisumik siunnersuutip aappassaaneerneqarnissaanut Naalakkersuisut allannguutissatut siunnersuummik saqqummiussinissaat ataatsimiititaliamit naatsorsuutigineqarpoq.

Akissut:

AIS2024 qulequtaq eqqortoq kontumi pingaarnermi 73.04.08 Nunaqarfinni isorliunerusunilu imminut pilersorneq, eqqortumik atorineqarpoq (q.122-imi allassimasutut). Oqaasertaq Aningaasanut inatsisissap aappassaaneernerani naqqitassat allat assigalugit naqqinneqassaaq.

2. Konto pingaarneq manna Narsami savaaqqanik toqoraavimmut (Neqi A/S) kiffartuussinissamik isumaqatigiissummut atorineqarpoq. Naalakkersuisut, Inatsisartut Aningaasaqarnermut Ataatsimiititaliaat ilisimatitsissuteqarfigalugu, Neqi A/S-mik ukiuni arlalinni atuuttussamik kiffartuussinissamik isumaqatigiissusiornissamik piginnaatinneqarput. Isumaqatigiissuteqarnikkut aningaasaliissutit tamarmiusut sipporneqassanngillat aamma ukiut missingersuusiortuugallartut sunnerneqassanngillat. Konto pingaarnermut matumunnga aningaasaliissutit AI 2023-mut sanilliullugu affaannanngorsimasut ataatsimiititaliamit maluginiarneqarpoq. Tamanna tunngavigalugu aningaasaliissutit, Neqi A/S-ip ukiuni kingullerni ukiumoortumik angusai ilanngullugit eqqarsaatigalugit, savaaqqanik toqoraaviup ingerlaannarnissaanut naammattutut isigineqarnersut paasissutissiissutigineqassasoq ataatsimiititaliamit kissaatigineqarpoq?

Akissut:

KNI immikkoortortaqarfiisa akornanni aningaasat utertitassat naapertuutinnginnerisa kingunerisaanik Neqimut kiffartuussinissamik isumaqatigiissutit aningaasartai AI 2022 aqutigalugu amerlineqarnissaat pisariaqarsimavoq. Tamatuma kingunerisaanik kontomi pingaarnermi uani aningaasaliissutit AIS 2022-p

pingajussaaneerneqarnerani 4,5 mio. kr.-nik amerlineqarput. Kiffartuussinissamik isumaqatigiissut aqutigalugu akiliutissat ilassutit aningaasaliissutit pissutigalugit qaffanneqarput. Kiffartuussinissamut isumaqatigiissutit aningaasartai taamaasillutik 2022 sioqqullugu aningaasaliissutaasarsimasut siunissami aqqiisoqarnissaata tungaanut annertoqatigileqqippaat.

Neqi A/S-imi ajornartorsiutaasut aqqiiffigineqarnissaanut suleqatigiissitaq massakkut aqqiissutissarsiorluni sulileruttorpoq. Aqqiissutissaajunnartut ilusissat siunissamilu kiffartuussinissamik isumaqatigiissutissat suliarineqaleruttorput AIS2024-illu suliarineqarneranut atatillugu akuutinneqassallutik. Neqimut tunngatillugu siunissaq ungasinnerusoq eqqarsaatigalugu aqqiissutissaq 2025-ip kingorna piareersimanissaa naatsorsuutigineqarpoq.

3. Kiisalu aningaasat ukiuanni 2024-mi – tamatumalu kingorna ukiuni missingersuusiortufiusuni ikilineqarneri ajornartorsiutinut ungasissoq isigalugu aqqiissutissanik Naalakkersuisut nassaarsimanerannut takussutissaanersoq paasissutissiissutigine-qassasoq ataatsimiititaliamit kissaatigineqarpoq.

Akissut:

Neqi A/S-imi ajornartorsiutaasut aqqiiffigineqarnissaanut suleqatigiissitaq massakkut aqqiissutissarsiorluni sulileruttorpoq. Aqqiissutissaajunnartut ilusissat siunissamilu kiffartuussinissamik isumaqatigiissutissat suliarineqaleruttorput AIS

2024-illu suliarineqarneranut atatillugu akuutinneqassallutik. Neqimut tunngatillugu siunissaq ungasinnerusq eqqarsaatigalugu aaqiissutissaq 2025-ip kingorna piareersimanissaa naatsorsuutigineqarpoq.

Taasuma pinissaata tungaanut aningaasaliissutit aningaasanut inatsimmi siumut naatsorsuiffigineqartassapput. Kiffartuussinissamik isumaqatigiissut aqutigalugu akiliutissat ilassutit aningaasaliissutit pissutigalugit qaffanneqarput.

Kiffartuussinissamut isumaqatigiissutit aningaasartai taamaasillutik 2022 sioqqullugu aningaasaliissutaasarsimasut siunissami aaqiissoqarnissaata tungaanut annertoqatigileqqippaat.

4. Aningaasaliissutit N2022-mit AIS2024-mut allanngornerannut suna pissutaava?

Akissut:

KNI immikkoortorta qarfiisa akornanni aningaasat utertitassat naapertuutinnginnerisa kingunerisaanik Neqimut kiffartuussinissamik isumaqatigiissutit aningaasartai AI 2022 aqutigalugu amerlineqarnissaat pisariaqarsimavoq. Tamatuma kingunerisaanik kontomi pingaarnermi uani aningaasaliissutit AIS 2022-p

pingajussaaneerineqarnerani 4,5 mio. kr.-nik amerlineqarput. Kiffartuussinissamik isumaqatigiissut aqutigalugu akiliutissat ilassutit aningaasaliissutit pissutigalugit qaffanneqarput. Kiffartuussinissamut isumaqatigiissutit aningaasartai taamaasillutik 2022 sioqqullugu aningaasaliissutaasarsimasut siunissami aaqiissoqarnissaata tungaanut annertoqatigileqqippaat.

13.5 Konto pingaarneq 73.04.09 Missingersuutinut iluarsiiissutit

1. Missingersuutinut ilanngussami allassimavoq isumaqatigiissutit nutarterneratigut misissorneqartoq KNI A/S illoqarfinnut nioqqutissanik pilersuisunngussasoq, taamaalilluni suliffeqarfik nioqqutissiortut allat assigalugit sullissinnerminik unammillersinnaaqullugu. Misissuinerit taakku sumut killinnersut paasissutissiissutigineqassasoq ataatsimiititaliamit kissaatigineqarpoq.

Akissut:

Illoqarfinnut nioqqutissanik pilersuinerup annertusinera aningaasat ingerlaartarnerinut sunniuteqarnerluttussatut aammalu illoqarfinnik nioqqutissanik pilersuilernissaq ingerlatseqatigiiffimmu nangiarnartutut KNI-mit nalilerneqarsimavoq. Tamatuma kingunerisaanik KNI Namminersorlutik Oqartussanut nalunaarsimavoq nioqquteqartarfinnik annertusaanissamik pilersaarutit taamaatissimallugit. Konto pingaarneq 73.04.09 AIS2024-imi missingersuutinik iluarsiiissutit atornagit allatut aaqiissutissarsiortoqarpoq.

KNI-p nioqqutissanut ikummatissalerinermullu immikkoortortaani aningaasatigut qularnaveeqquseeriaasissanik siunnersuusiortussanik kiffartuussinissamillu isumaqatigiissutissat eqqarsaatigalugit aaqiissutissanik assigiinngitsunik saqqummiisussanik suleqatigiissitamik pilersitsisoqarpoq. Suliaq taana AIS 2024-imut allannguutissatut siunnersuuteqartoqarneranik kinguneqassaaq. Namminersorlutik Oqartussat suleqatigiissitaa AIS 2024-ip pingajussaaniinnginnerani saqqummiinissamut periarfissinneqarsimavoq.

2. Naalakkersuisut KNI-mut tunngatillugu siunissamut pilersaarutaasa allat killiffiat ataatsimiititaliamit ujjartorneqarpoq.

Akissut:

Naalakkersuisut Siulittaasuata Naalakkersuisoqarfianit paasissutissanik piniartoqarsimavoq: "Najugaqariaaseq eqqarsaatigalugu KNI pingaaruteqartorujussuarmik inissisimavoq aktiaateqarlunilu ingerlatseqatigiiffittut maleruagassat aqqutigalugit aalajangersarneqarsimasunik tassalu inuussutissanik ikummatissanillu imerpalasunik pilersuineq isumagisartussaallugit. Tamatuma saniatigut Naalakkersuisut kissaatigaat piginnittuunermut politikki pillugu marts 2023-mi naalakkersuinikkut isumaqatigiissutigineqartutut ingerlatseqatigiiffiup inuiaqatigiinnut pisussaaffini ilisimaarilluassagaa. Illoqarfinnut anginernut nutserarnerit pilersitaanik aningaasaqarnikkut suli ilungersunartoqarpoq aserfallatsaaliugassallu kinguaattoorsimasut ikilisarnissaat sulissutigineqarluni. Pineqartut kiffartuussinissamut isumaqatigiissutissaq aqqutigalugu qulaajarneqarnissaat naatsorsuutigineqarpoq. Naalakkersuisut ingerlatseqatigiiffiup ulloq 3. august 2023-mi ileqquusumik ataatsimeersuarnerani kissaatitik saqqummiuppai. Ataatsimeersuarnermut imaqarniliaq tamanut ammalluni Naalakkersuisut nittartagaaniippoq."

13.6 Kontomut pingaarnermut, 73.04.10 Nioqutissanik pilersuineq aningaaseriveqartitsinerlu

Kiffartuussinissamik isumaqatigiissutissat pillugit isumaqatigiinniarnit ingerlasut aammalu aningaasanut inatsisissatut siunnersuutip aappasaaneerneqarnissaanut atatillugu iluarsisooqassasoq konto pingaarnermut matumunnga oqaasertaliussaliussami paasissutissiisutigineqarpoq. Konto pingaarneq 73.04.09, missingersuutinut iluarsisutitut tunngasoq, naapertorlugu misissuinerit kiffartuussinissamik isumaqatigiissutit pillugit isumaqatigiinniarnernut taakkununnga isumaliutersuutigineqartuni aamma tikinneqarpat?

Akissut:

Isumaqatiginninniarnit suli ingerlapput Aningaasanullu inatsisissatut siunnersuutip pingajussaaneerneqarnerani killiffissiuoqarnissaa naatsorsuutigineqarluni. Tamatuma saniatigut apeqquutumut 13.5,1-imut akissutit innersuussutigineqarput.

13.7 Konto pingaarneq 73.94.04 Nukissiorfiit, erniat

N 2022-mit AIS 2024 tikillugu aningaasaliissutit nikerarnerannut suna pissutaava?

Akissut:

Innaallagissamut imermullu tunngatillugu akilersueriaasissat nutaat eqqarsaatigalugit 2018-imut aningaasanut inatsit aqqutigalugu manna kontumi pingaarnermi ernianut naatsorsueriaatsit allanngortinneqarput. 2018-imit taarsigassarsiarineqarsimasunut ukiuni 20-ni taarsersorneqartussanut ukiumut 3 %-i erniaritinnegassaaq. Taarsigassarsiaareersut ataasiinnanngortinneqarput taarsersukkat ukiumut 70 mio. kr.-nut ikilineqarput piffissarlu taarsersuiffiusussaq sivitsorneqarluni. Piffissap taarsersuiffiusussap sivitsorneqarneranut taarsiullugu taarsigassarsiaareersut eqqarsaatigalugit erniat ikiliartortinneqarnissaat aalajangersarneqarput. Erniat aalajangersarneqarput, taamaalillutik akilersuinerit sivitsornerini erniat sunniutaat aamma erniat appasinnerulernerisa sunniutaannut naapertuutilerlutik.

Taarsigassarsiarineqareersunut erniaritinnegartoq ukiumut 6 %-iussasoq aallaqqaammut

aalajangiunneqarsimavoq. Taarsigassarsiani isumannaallisakkani nutaani erniat ukiumut 0,22 %-pointinik ikiliartortinneqartarput ukiumut erniat 3 %-inngornissaata tungaanut, tamatumalu kingorna amerlassusiat aalaakkaasunngortinneqartarluni. 2022-p AIS24-llu akornanni nikingassutinut tamanna takussutissaavoq.

13.8 Konto pingaarneq 73.94.05 Nukissiorfiit, akilersuutit

Ukiuoorutimik akilersuutit ataatsimiititaliap isumaa malillugu appasissunut suna pissutaava?

Akissut:

Apeqqummi 13.7-imut akissummi nassuiaatigineqartutut Innaallagissamut imermullu akilersueriaasissamut nutaamut atatillugu nutaamik akilersuutiliortoqarnissaa aalajangiunneqarpoq. Tassa imaappoq Nukissiorfiit ukiumut 70 mio. kr.-nik taarsersuissaaq ataatsikkullu ukiumut 60 mio. kr.-nik taarsigassarsilluni.

13.9 Konto pingaarneq 73.94.07 Kalaallit Nunaanni inaallagiarnermut oqartussat

Konto pingarnermut matumunnga tunuliaqutaasoq erseqqinnerusoq suua?

Akissut:

Kalaallit Nunaanni inaallagiarnermut oqartussat aningaasartuutai maannamut konto pingaarneq 73.94.02 Nukissiorfiit aqqutigalugit isumagineqartarnikuupput. Kalaallit Nunaanni inaallagiarnermut oqartussat Nukissiorfinnit immikkoortinneqarput naalakkersuisoqarfimmut akisussaasumut toqqaanartumik attavilerlugu taamaasillunilu Nunalerinermut, Imminut Pilersornermut, Nukissiuutsimut Avatangiisinullu Naalakkersuisoqarfiup ataani suliffeqarfinngorluni. Tamatuma malitsigisaanik allaffissornikkut suliaasat, soorlu naatsorsuuserineq, akissarsisitsinerit aammalu allaffeqarneq Nunalerinermut, Imminut Pilersornermut, Nukissiuutimut Avatangiisinullu Naalakkersuisoqarfimmut nuunneqarput. Tamanna 1. januar 2024-mi pissaaq tamatumalu malitsigisaanik Kalaallit Nunaanni inaallagiarnermut oqartussat Aningaasanut inatsimmi immikkut namminerisamillu kontoqalissaaq. Konto 73.94.02 Nukissiorfiit kontumut tassunga aningaasaliissutit annertoqataanik apparneqassapput.

Kalaallit Nunaanni inaallagiarnermut oqartussat arlaannaanulluunniit pituttorsimanani nakkutilliinermik isumaginnittartuummat ilaatigut Nukissiorfiit sakkusaanik nakkutiginnittartussaalluni innaallagiarnermut oqartussanut aningaasaliissutit Nukissiorfinnit immikkoortinneqarnissaat pissusissamisussaaq.

13.10 Konto pingaarneq 77.05.02 Pinngortitaleriffik

N 2022-mit AIS 2024 tikillugu aningaasaliissutit nikerarnerannut suna pissutaava?

Akissut:

2022-mi aningaasaliissutit 70.079.000 kr.-upput. Aningaasanut inatsisissap Inatsisartuni pingajussaaneerreqarnerani ataasiartumik aningaasaliissuteqarnikkut Tunumi qilalukkanik kisitsinissaaq 3.100.00 kr.-nik aningaasaliiffigineqarmat. Ikummatissanut akit immikkut ittumik qaffasinnerujussui pissutigalugit 2022-mi 3.100.00 kr.-nik ilassutit aningaasaliisoqarpoq. taamaasillutik aningaasaliissutit tamarmiusut 73.179.000 kr.-ulerlutik.

2023-mi immikkut ilassutitulluunniit aningaasaliisoqarnaviangilaq taamaammallu aningaasaliissutit 2022-mit 6,2 mio. kr.-nik ikinnerupput. Tassunga akinut akissarsiamullu iluarsiiissutit ilanngunneqarlutik.

2023-mi aningaasaliissut aningaasat naleerukkiartornerat pissutigalugu AIS 2024-mi Siusinnerusukkat annertunerusumik siumut naatsorsuiiffigineqassapput.

13.11 Konto pingaarneq 77.05.08 Avatangiisinut Aningaasaateqarfik

Nuna tamakkerlugu ikuallaavissat 2024-mi piariissangatineqartut Naalakkersuisunit paasissutissiissutigineqarpoq. Ikuallaaviit piareernissaasa tungaanut piffissami ikaarsaariarfiusumi sinerissami eqqagassalerineq Naalakkersuisut qanoq pilersaaruteqarfigaat?

Akissut:

Kommunit ikiorserniarlugit 2022-mi 2023-milu Mijøfonden-imit aningaasaliiffigineqarnikkut eqqagassalerisoqarpoq ilaatigut kommunit eqqassaataat ikuallanneqarsinnaasut Danmarkimi ikuallanneqarsinnaangorlugit assartorneqarlutik. 2024-mi assingusumik eqqagassalerisoqaqqinnissaa Naalakkersuisut naatsorsuutigaa.

Ikuallaavissaq nutaaq ungasinngitsukkut piariissaaq tassungalu atatillugu Naalakkersuisut kommunit immikkut ittumik tapersersorusuppaat, eqqagassat assartorneqarnissaanut pisussat tamarmik piareersimasinnaaqqullugit. Taamaattumik siunertamut tassunga Miljøfondenimit 15 mio. kr. angullugit 2024-mi 2025-milu aningaasaliisoqaqqinnissaa aalajangiunneqarpoq. Kommunit tamarmik immikkut tapersersorneqarlutillu ikiorneqassapput Esani A/S-imut ilaaneq ilaannginnerluunniit apeqqutaatinnagit. Tassa imaappoq kommunit ataasiakkaat avatangiisinut tamakkiisumik isiginnilluni iliuuseqarnissaminnut tamarmik immikkut 3 mio. kr.-inik tapiiffigineqarsinnaapput. Miljøfondenip tapiissutai eqqagassalerinermik pitsanngoriartitsissapput najukkanilu ataasiakkaani assartuisarnernik ajornartorsiutinik aaqqiissuteqartitsillutik.

14. Suliassaqarfik 80-89 Sanaartorneq

14.1 Konto pingaarneq 80.00.01 Nuussinissanut sillimmatit aamma konto pingaarneq 80.00.10 Sanaartugassanut Iluarsagassanullu Aningaasaateqarfimmit utertitat

Aningaasaliissutit taama nikerartiginerannut suna tunngaviunersoq paasissutissiissutigineqassasoq ataatsimiititaliamit kissaatigineqarpoq.

Akissut: Kontomut pingaarnermut 80.00.01: Suliassaqarfimmut 80-89-imut ukiut tamaasa aningaasaliissutissanut sinaakkusiisoqartarpoq (A&R fonden). Sinaakkutit kontot pingaarnerit ataasiakkaat ataani suliniutinut ataasiakkaanut aallaqqaammut agguaanneqartarput aningaasallu sinneri konto pingaarneq 80.00.01-imiitinneqartarlutik kingusinnerusukkut aningaasaliissutigineqartussanngorlugit. AIS 2024-imut sanilliullugu aningaasaliissutit qaffanneqarput Peqqinnissaqarfimmut ERP-systemimik nutaamik pisariaqartitsisoqarnerata malitsigisaanik.

Kantomut pingaarnermut 80.00.10: Konto pingaarneq suliniutinik matusinermi taamaallaat atorineqartarpoq, tassani annertunerusumik anikinnerusumillu atukkat naatsorsorneqarlutillu nalunaarsorneqartarmata. Suliniutit matuneqartartut amerlassusaat ukiumiit ukiumut nikerarput aammalu annertunerusumik annikinnerusumillu atukkat suliniummiit suliniummut assigiinngisitaartarlutik. Ukiumi angusat ukiup siuliani angusanit nikinganeqartuassapput. Suliniutit arlallit atuinikinnerunermik kinguneqartumik 2022-mi matuneqarput, taakkulu missingersuutit immikkoortiterneqarnerini N 2022-ip ataani takuneqarsinnaapput.

14.2 Konto pingaarneq 82.20.02 Pisariillisaaneq-suliniut, ERP

1. Suliniutip ERP-p killiffia paasissutissiissutigineqassasoq ataatsimiititaliamit kissaatigineqarpoq.

Akissut: Suliniut september 2021-mi tamakkiisumik atuutsilerpoq.

2. Suliniut maannamut qanoq pissarsissutaava?

Akissut: Aningaasanik aqutsissut namminersorlutik oqartussanit akileraartarnermut aqutsisoqarfik ilanngullugu tamarmiusumit kommuninillu tallimaasunit atorineqarpoq. Tamatuma kingunerisaanik sullississutinik nutaanik soorlu E-boks, NemKonto assingusunilluunniit eqqussisoqassatillugu aningaasanut ataatsimut aqutsissummiit sullissinernut ataatsimoorluni ikaarsaariartoqartartussaalluni.

Atortumik tamanit atorineqartumik atortoqarnikkut sulisut namminersorlutik oqartussanit kommuninut paarlattuanillu nuullutik suliffittartaartut ilinniartinneqartarneri annikitsuararsuussaaq.

Aningaasartuutit pillugit kommuninik allanik sanilliussinissamut periarfissat pitsanngortinneqarputtaaq konto pillugit pilersaarut tamanit malineqartarmat. Taasumali atorniartarnera unammilligassartaqarsimavoq pingaartumik kommunit akornanni.

14.3 Konto pingaarneq 83.30.12 Utoqqaat angerlarsimaffii

1. Kommunit suliassaqarfimmi immikkoortumut pilersaarutaat qanoq isikkoqarpat?

Akissut: Kommunit ingerlataqarfimmini pilersaarutinik Naalackersuisunut nassitsisarnissamik massakkut inatsisitigut pisussaaffeqanngillat.

Taamaattumik kommunit tallimaasut ingerlataqarfimmini pilersaarutaat Naalackersuisunit nassuiaatigineqarsinnaanngillat.

2. Maanna suliniutinik ingerlasoqarpa?

Akissut: Aap, kommunit suliniutinut makkununga ingerlasunut tapiiffigineqarnikuupput:

44.057 Utoqqaat Illuat, Ilulissat

44.056 Utoqqaat illuanni puigortunngortunut immikkoortoq, Sisimiut

44.051 Nutarterineq/nutaamik sananeq, Utoqqaat Illuat, Narsaq

44.053 Upernavimmi Utoqqaat Illuata allilernerera

44.054 Aasianni Utoqqaat Illuata allilernerera

3. 50 % tikillugu tapiissuteqartoqarsinnaasoq paasissutissiissutigineqarpoq. Tamanna qanorpiaq isumaqarpa aammalu procenti taanna nalinginnaasumik atorineqarnerua?
Akissut: Tamanna isumaqarpoq kommunit utoqqaat angerlarsimaffissaanik sanasussanngoraangamik aningaasartuutit tamarmiusut (pilersaarusiornera, suliarinnittussarsiuussineq, sananeqarneralu) 50%-ii angullugit tapiiffigineqarnissamik neriorsorneqarsinnaalerneranik. Aveqatigiilluni aningaasaliinissamut periutsit naapertorlugit suliassaq pilersaarusiornegareeraangat suliarinnittussarsiorneqareeraangallu aningaasat atugassanngortinneqartarput. Tapiissutit annertussusissaviat eqqarsaatigalugu tassani kommunit pilersaarusiornermi siunnersortinik aammalu suliarinnittussarsiornermi entreprenørinik isumaqatigiissutaat apeqqutaasarpur. Aningaasartuutigisimasat uppernarsaataanik nassitsinikkut kommunit aningaasartuutitik utertissinnaasarpaat. Tapiissutigineqarsimasunut sanilliullugit aningaasartuutaanerusut kommuninit isumagineqassappur – tassa imaappoq sananerata nalaani tapiissutinik amerlanerusunik (aningaasaliisutit amerlanerusut) qinnuteqartoqarsinnaanngilaq.

14.4 Konto pingarneq 84.40.12 Ilinniartitaanermut sanaartukkat

1. Illut Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmur atasut aserfallatsaalineqarnerinut iluarsaannerinillu aningaasaliissutit kontomi pingarnermi ilaatinneqartur paasissutissiissutigineqarpoq. Timersortarfiit taakkununga ilaappat?
Akissut: Timersortarfiit kommunit pigineqartur namminerluunniit ingerlasur ataatsimiititaliamit pineqarsimassasur. Tamakku iluarsartuunerinut tapiissutit pilersaarur nr. 54.007 Timersortarfiit iluarsartuunissaanut tapiissutit, konto pingarnerup 84.40.14 Kultureqarneq timersortarfiliortiternerillu aqqutigalugu akilernerqartarput. AIS2024-mi Sanaartugassanut takussutissiaq, qupperneq 204 (qallunaatuua) takuguttaaq.

14.5 Konto pingarneq 86.60.01 Peqqinnissaqarfik

1. MR-scannerit konto pingarnermut matumunnga ilaappat?
Akissut: MR-skannerinik pisinerit nalinginnaasumik suliniur nr. 47.051 Atortunur aningaasaliissutit, peqqinnissaqarfimmi atortunik pisinerit allat assigalugit nalinginnaasumik ilaatinneqartarput.
2. Pisiassanut aalajangersimasunut, soorlu MR-scannerinut, aningaasalersueqataassutissatut tapiissutinik tigusaqartoqartillugu isertitanur kontomik atuisoqartarpa?
Akissut: Naamik, aningaasaliissutit immikkoortillugit nalunaarsorneqartarput aningaasaliissutit avataanillu aningaasaliissutit soorlu aningaasaateqarfinnit tunissutit immikkoortissinnaajumallugit.
3. Ambulancit naammattumik amerlassusillit pissarsiariniarnerat sumut killippa?
Akissut: Ambulancinik pisiortornerit suli kinguussaaqqappur ambulancinulli aningaasaliissutit atorineqaleriartorneri ilutigalugu pisaartartur amerlatsikkiartorlutik. Ukrainimi sorsunnerup kingunerisaanik sisannit tunisassianik amigaateqarneq patsisaalluni ambulancinik tunisassiorneq sivisunerusumik ingerlasalersimammur.

AIS2024-p naqinneranut tunngatillugu naqqiut

Ataani nalunaarsuiffik 12-imi Kommune Qeqertalimmut 2023-mi missingersuutitigut inerneranut naqqiut ersippoq. AIS2024-p naqinnerani 2023-mut missingersuutitut inernerni kisitsit 18.000-it ersipput, taakkuli -18.000-iusussaapput.

Nalunaarsuiffik 12-imi aamma 2023-mut missingersuut Kommune Qeqertaliup 2022-mut naatsorsuinermit kisitsisaanut tunngavittut atorneqartoq nalunaarsorneqarpoq.

Nalunaarsuiffik 12. Kommunit aningaasaqarnerat, tusind kr. (kisitsit minuseqanngitsut aningaasartuutaapput).

2022-mut Naatsorsuineq tusind kr. (kisitsisaagallartut)						
	Kujalleq	Sermersooq	Qeqqata	Qeqertalik	Avannaata	Katillugit
Ingerlatsineq	590.637	1.925.945	797.929	564.826	939.200	4.818.537
Sanaartorneq	57.891	1.244.430	65.998	54.936	116.400	1.539.655
Isertitat	-627.305	-2.360.998	-876.134	-637.762	-1.032.300	-5.534.499
Inernerit	21.223	809.377	-12.208	-18.000	23.300	823.693
2023-mut Missingersuut tusind kr.						
	Kujalleq	Sermersooq	Qeqqata	Qeqertalik	Avannaata	Katillugit
Ingerlatsineq	626.565	1.926.325	794.631	564.826	904.500	4.816.847
Sanaartorneq	31.771	217.617	76.552	54.936	79.700	460.576
Isertitat	-674.216	-2.299.414	-865.124	-637.762	-1028.600	-4.831.574
Inernerit	-15.660	-155.472	6.039	-18.000	-44.400	227.693

Tunngavigisaaq: Kommunit, malugeqquneqassaaq kisitsisaannaagallartut, inaarutaasumik kisitsisit qulaani allaqqasunit allaanerusinnaapput. (Malugeqquneqassaaq: Kommune Qeqertaliup 2023-mut missingersuutitigut kisitsisai kommunip 2022-mut naatsorsuutaanut, kingulliit taaneqartut ilisimaneqannginnerat pissutigalugu, atorneqarput.)